


طُرُپے نہیں قاتلے



اقبال زنجی



ٹرپے نیں قافلے

میاں اقبال زخمی

ادارہ پنجابی لکھاریاں جیا موسیٰ شاہدرہ لاہور

سارے حق را کھویں

ناں ----- ٹرپے نیں قافلے
 لکھت ----- اقبال زخمی
 حکم ----- پتر ارشدا اقبال ارشدا
 پہلی وار ----- 2004ء
 کمپوزنگ ----- گھرای
 ٹائٹل دی رتبہ ----- پتر اسجد اقبال نے لاہی
 پریس ----- خادم پرنٹنگ پریس چیئر جی روڈ

لاہور

ہدیہ ----- لاہری لئی

پرمین دے چاہیو اناں لئی ----- اک سواک وارد روڈ پاک پڑھ

کے حضور ﷺ دے حضور پیش کر

کے میرے لئی دعا کرو کہ حضور ﷺ

بار بار حاضری دا اذن فرمان۔

ورتاویں

ادارہ پنجابی لکھاریاں جیا موسیٰ شاہدرہ لاہور فون 7920929

امی حضور بیگم بی بی

دے ناں

جیہدیاں مدینے جان دیاں سدھراں

دل وچ ای رہ گئیاں

د
صلی اللہ
علیہ وسلم

اک پھیرا پا آیاں سرکار دے قداماں وچ
کچھ وقت لنگھا آیاں سرکار دے قداماں وچ

سیاہ کار ساں میں ڈاڈا لنگھدی سی گناواں وچ
قسمت نوں جگا آیاں سرکار دے قداماں وچ

ہر سال بلاؤ آقا علیہ السلام ہر سال رہواں آؤندا
ایہ کر کے دعا آیاں سرکار دے قداماں وچ

دل میرا زخمی سی بیمار سی روح میری
پی آب شفا آیاں سرکار دے قداماں وچ

اس خالی جھولی نوں بھر دیہو آقا علیہ السلام جی
ایہ کر کے صدا آیاں سرکار دے قداماں وچ

میںوں تے بڑا زخمی ہے ناز مقدر تے
میں نعت سنا آیاں سرکار دے قداماں وچ



س

بسم اللہ الرحمن الرحیم

کتھے زخمی تے کتھے سفر مدینے دا؟

تیری ذات دی قسم ایں ساڈا آؤنا تیرا کرم
ساڈے پلے کوئی نہ نیکی نہ وسیلہ نہ رقم
تیرا اپنا جی سی کردا گناہ گاراں نوں میں دیکھاں
اسیں اڈ کے آن پہنچے لگا زمیں تے نہ قدم

حج عمرہ دی سعادت جے پیساں نال ہوندی تے فیر ساڈے جیہے غریبڑے تاں
ترس ترس کے مرجاندے پر نہیں اسیں وی عالماں چوں اک عالم وچ ذرہ ہاں تے اوس
عالماں دی رحمت چوں سانوں وی حصہ ملنا سی تے ملدا اپنا اے۔ سیانے لوک تاں سر پھڑ
کے سوچدے ہوون گے بھئی کتھے اقبال زخمی تے کتھے سفر مدینے دا؟۔ پر زخمی دے بلی
تاں جان دے سن بھئی زخمی دے ہر زخم چوں جیہڑی چیک نکلدی سی یا رسول اللہ ﷺ
دی نکلدی سی تے ایس چیک نے پہلے ایہدے خاندان تے اثر کیتا تے فیر آہستہ آہستہ
ایہ چیک جیاموسی توں چل کے پورے پنجاب چ پھیل گئی۔ پر چیک وی انکھاں والی سی
کے سیانے جیہے یاڈا ہڈے سیانے دے ایہ چیک کولوں وی نہیں لنگھی سگوں ایس چیک نے
سرکار دے دیوانیاں تے عاشقاں دے دلاں وچ ای گھر کیتا جیہدا ثبوت مدینہ دی

حاضری دیاں چیکاں نال پنجاب بھر گیتا تے فیریا رسول اللہ ﷺ دی فریاداں نال عرش تک چلیاں کنیاں تے عالم ملائک جن وانس سرکار تے درود پاک گھلن تے مجبور ہو گئے تے گھل دے رہن گئے۔ ہجر دیاں پھڑاں نوں زخمی صاحب نے ”ٹر پئے نیں قافلے“ دی صورت وچ آس تے جدائی دے زخماں تے لون پاک بے چین کردتا ہے۔ اک پاسے خوش نصیب عمرہ کرن جارہے نیں حج کرن دی تیاری وچ نیں تے جاوی رہے نیں ایدھر ”ٹر پئے نیں قافلے“ دے پڑھن والے دوھیاں وچ وٹ چھڈے۔ اک اوہ جیہڑے حاضری دا شرف حاصل کر چکے نیں تے اوہ زخمی دے نال نال ای پھر دے رہے نیں دو جے اوہ جیہڑے ابجے حاضری لئی تڑندے نیں اوہ پڑھ پڑھ کے کیہڑی حالت وچ دعاواں کر دے پئے نیں ایہ اللہ تے اللہ دا رسول ﷺ ای جان والے۔

بندہ صوفی محمد الدین چشتی نظامی قصوری نوں حق الیقین اے کہ جووی ایمان والا حضور ﷺ دی نعت لکھے گا پیار تے شوق نال پڑھے گا دل دیاں کناں نال سنے گا اوں نوں در حبیب ﷺ دی حاضری ضرور ہووے گی بھاویں کسے عمر وچ ہووے کیوں جے نعت رسول دی سنت رب سچے دی اے تے رب اپنے محبوب دے نال پیار کرن والے نوں اپنے تے اپنے محبوب ﷺ توں جدا نہیں رکھدا۔ اللہ پاک لکھاری دے لکھاریاں نوں تے قاریاں نوں حج عمرہ دی توفیق دیوے۔ آمین ثم آمین

صوفی محمد الدین چشتی نظامی

شہباز روڈ قصور

اڈاری سوچ دی بدلی

قلم تیرے محبت نال لکھیاں پیاریاں غزلاں
 خیالاں دے سمندر وچ سی ڈب کے تاریاں غزلاں
 مجازی عشق دی ووہٹی دے سرتوں واریاں غزلاں
 مگر جد نعت لکھی فیر سینہ ٹھر گیا زخمی
 وسیلے نعت دے یارو یقیناً تر گیا زخمی
 پچھو کڑ یاد کر کر کے سگوں شرمندگی ہوئی
 بے مقصد عشق تھیں برباد ساری زندگی ہوئی
 محمد مصطفیٰ دے عشق توں تابندگی ہوئی
 ذکر سرکار دا سینے نوں روشن کر گیا زخمی
 وسیلے نعت دے یارو یقیناً تر گیا زخمی
 کرم ہو یا نمانے تے اڈاری سوچ دی بدلی
 شگوفے نعت دے مہکے کیاری سوچ دی بدلی
 مجازی جام جو لبھا خماری سوچ دی بدلی
 حیاتی نوں ملی معراج کاسہ بھر گیا زخمی
 وسیلے نعت دے یارو یقیناً تر گیا زخمی

سنائی نعت جا کے جس گھڑی سرکار دے قد میں
نمانی اکھیاں لائی جھڑی سرکار دے قد میں
اکٹھی کر لئی دولت بڑی سرکار دے قد میں

اڈاری لے کے مڑیا سی بڑا بے پر گیا زخمی
وسیلے نعت دے یارو یقیناً تر گیا زخمی
پکھیرو وی اچیرا اے خیالاں دی اڈاری دا
دلاں نوں کھچدا اے روپ لفظاں دی کیاری دا
لوکائی نوں گواہی دے رہیا پرچا ”لکھاری“ دا

کہ ویکھو نعت نمبر نال جھولی بھر گیا زخمی
وسیلے نعت دے یارو یقیناً تر گیا زخمی
ہے کردا رشک انجم بیلیا تیرے نصیباں تے
سخی سرکار توں صدقے میں واری جاں طہیباں دے
کہ نہی پگ عزت دی تیرے ورگے غریباں تے

اچیرے بخت ساہویں تے زمانہ ہر گیا زخمی
وسیلے نعت دے یارو یقیناً تر گیا زخمی

.....☆☆.....

محمد شریف انجم - قصور

سفر نامہ حج دی روایت

تے

”ڑپے نیں قافلے“

اک شہر۔ بلد امین۔ جتھے داخلہ امن دی ضمانت اے۔ جتھے: ویدا گھراے: جیہدا کوئی گھر نہیں۔ جتھے ۵۳ ورہے اوس ہستی دا گھر رہیا جس دا گھر ہر مومن دے دل وچ اے۔ جتھے اک کالے کوٹھے دی نکرے اک کالا پتھر ہونٹھاں راہیں روحاں وچ رشنا یاں کھلاردا اے۔ جتھے اک نبی دے پیراں دے ڈونگھے نشان والے پتھراں نوں نماز دی جگہ اک ماں دی اپنے پتر دی تریہہ مکان لئی بھیج دوڑ دیاں جگہاں نوں اللہ دیاں نشانیاں اک معصوم دیاں اڈیاں دی رگڑ نال جاری ہون والے چشمے نوں آب شفا تے محبوب نال اکلیاں اکلیاں گل بات کرن والی پہاڑی نوں ”نور دا پہاڑ“ کہیا گیا۔

دو جا شہر۔ جہداناں ای ”شہر“ پے گیا صرف شہر (مدینہ) کہیے تے اوسے دانقشہ سامنے آوندا اے۔ جیہدا خستیاں دا امانت دار اے عقیدتاں دا مرکز اے۔ خلوص ایثار تے اپنا پا جس شہر دے ذرے ذرے توں بھٹدا اے۔ جتھے اپڑ کے انسان دالوں لوں اتھرواں راہیں اپنی عقیدت ظاہر کردا اے۔ جتھوں ونڈی جان والی خیرات نال کائناتاں پلدا یاں نیں۔ اوس شہر وچ منگن والیاں دا ذوق وی ویکھن جوگ ہندا اے تے عطا فرماون والی ہستی دے رنگ وی نرالے نظریں آوندے نیں۔

پہلا شہر سوہنے پاک پیغمبر ﷺ نوں پسندی۔ اوتھے آپ (علیہ الصلوٰۃ والسلام) نے ظہور فرمایا تے ۵۳ سال رہے۔ دو جا شہر خالق مالک نوں چنگا لگدا سی۔ اوتھے اوہنے اپنے محبوب پاک ﷺ نوں چوداں سوتری (۱۴۲۳) ورہیاں توں رکھیا ہویا اے۔

امن لئی تے دل دے سکون خاطر ایہ دوویں شہراں نیں بس!

ایہناں تھاواں دی حاضری ہر کسے دی قسمت نہیں ہندی۔ رب دے دربارا تے سوہنے سر کا ﷺ دی کچھری وچ طلبی مقدر راں نال ہندی اے۔ اوتھوں ”سمن“ کسے کسے دے ای آوندے نیں۔ ایہناں جگہ کردیاں شہراں وچ ہنیریاں دیاں واسیاں دی لاہنگ ممکن نہیں۔ اوتھے اپڑ کے مومن اتے گناہواں دے جادو دا اثر مک جاندا اے۔ اوتھے حضوری دے گھٹ پی کے حضور

پاک ﷺ دے امتی انج گٹ ہو جان دے نیں کہ فیر کوئی ہو رہا اوہناں نوں دکھالی امی نہیں دیندا۔ جس ویلے کوئی دل ولا محبت دی لے وچ امن دے شہرتے صحبت اپنائیت دی نگری وچ عقیدت دی دھن وچ مدھر آواز کڈھدا اے اجالیاں رشنایاں دے ایس دیس دی گل چھیڑدا اے تے سنن پڑھن والیاں زیاں دلاں نوں کھوہ پے جاندی اے۔ پروفیسر جیلانی کامران اپنے مضمون ”جج دے سفر ناموں کی روایت“ وچ لکھدے نیں کہ ایہ سفر نامے بنیادی طور تے محبت دے سفر نامے نیں (1) جج اے کہ مکے مدینے دا سفر محبت بناں شروع ای نہیں ہندا اتے جج عمرے دیاں گلاں باتاں عشق تے عقیدت دیاں جذبیاں نوں اکھراں دی صورت دینا اے۔

ایہ ٹھیک اے کہ بعض سفر نامیاں وچ حرمین شریفین بارے کتابی۔ گلاں جمع کردتیاں جاندیاں سفر نامہ لکھن والے دا اندر بولد نہیں دسدا۔ کتے ”سفر وچ پیش آدن والیاں مشکلاں تے رون دھون لبھدا اے۔ کتیاں سفر نامیاں وچ مکے مدینے نال پیار محبت بارے گھٹ تے اپنیاں ”پی آر“ ملاقاتاں دا ذکر ودھیک ملدا اے۔ بعضے ادیب گل بنا سنوار کے کرن اتے پڑھن والیاں تے اپنی لکھت تے لفاظی دا رعب پاؤن خاطر غلو تے جھوٹھ دے بندھن وچ بدھے ہوئے دکھالی دیندے نیں۔ ایہو جیہے سفر نامے قاری دے دل وچ اللہ رسول ﷺ دی وڈیائی اوہدے نال محبت عقیدت پکی کرن دا اصل کم نہیں کردے۔ جج عمرے دا سچا سفر نامہ اوہ اے جیہڑا لکھن والے نوں لکھدیاں تے پڑھن والے نوں پڑھدیاں بھیوں دیوے۔ بھجیاں اکھاں روحاں دی تسکین تے دلاں دے اجالے حرمین شریفین دے عقیدتی ذکر دی دین ہندے نیں۔

مسلمان شروع توں ای جج عمرے دیاں سعادتاں حاصل کردے آرہے نیں۔ زائراں حاجیاں وچوں جیہڑے لکھاری ہندے نیں تے اوہناں نوں موقع وی مل جاند اے اوہ قلم کاغذ راہیں اپنے جذبات تے سفر اتے زیارتاں دے حالات لوکاں تیکر اپڑاؤن دا پر بندھ کردے رہے نیں۔

سب توں پہلاں ابو عبد اللہ المقدسی دی ”احسن التقاسیم فی معرفت الاقالیم“ سامنے آئی۔ فیر ابو القاسم محمد بن خوص بغدادی دے سفر نامے المسالک والممالک ”وچ جج دے واقعے لکھے گئے (2) پروفیسر صوفی حافظ محمد فضل فقیر نے محمد ابن جبیر اندلسی ابن بطوطہ تے ڈاکٹر عبد الوہاب عزام دے عربی سفر نامیاں دا ذکر خاص طور تے کیتا۔ (3)

فارسی وچ ناصر خسرو بلخی شاہ ولی اللہ محدث دہلوی رفیع الدین فاروقی مراد آبادی تے نواب مصطفیٰ خاں شیفتہ دیاں کتاباں وچ مکے مدینے بارے جو معلومات دتیاں گئیاں نیں اوہناں توں ظاہر ہندا اے کہ ایہناں لکھاریاں نے سنیاں سنائیاں نہیں کیتیاں۔ ڈاکٹر انور سدید نے شیخ عبدالحق محدث دہلوی دی کتاب ”جذب القلوب الی الحبیب“ نوں برصغیر پاک و ہند وچ فارسی زبان دا قدیم ترین سفر نامہ لکھیا اے پرایہ درست نہیں۔ انج کہ ایہ سفر نامہ ہے ای نہیں۔

اردو وچ جج دا پہلا سفر نامہ ”رحلۃ الصدیق الی بیت العتیق“ اے جیہڑا نواب صدیق حسن

بھوپالی نے لکھیا۔ 19 ویں صدی وچ لکھے گئے اردو سفر نامیاں وچوں منصب علی خاں دا ”ماہ مغرب“ محمد عمر علی خاں دا ”زاد غریب“ وزیر حسین بریلوی دا ”وکیل الغربا“ سید ناظم حسین شیفتہ کنتوری دا ”حرین الشریفین“ تے مرزا عرفان علی بیت دا سفر نامہ حجاز“ خاص نیں۔

پاکستان بنن توں پہلاں اردو زبان دے جیہڑے سفر نامے چھاپے چڑھے اوہناں دے ناں ایہ نیں: (ظاہر ہے کہ ایہ فہرست کسے طرح مکمل نہیں، پر ایس موضوع تے بہت ساریاں معلومات اکٹھیاں ضرور ہو گئیاں نیں):

۱۸۵۲۔ صدیق حسن بھوپالی۔ رحلتہ الصدیق الی بیت العتیق۔ لکھنؤ

۱۸۷۱۔ منصب علی خاں حاجی۔ ماہ مغرب المعروف حج نما۔ میرٹھ

۱۸۸۰۔ محمد عمر علی خاں۔ زاد غریب۔ میرٹھ

۱۸۸۴۔ وزیر حسین بریلوی۔ وکیل الغربا۔ میرٹھ

۱۸۹۵۔ عرفان علی بیگ مرزا۔ سفر نامہ حجاز۔ لکھنؤ

۱۹۰۱۔ قاسم بیگ مرزا۔ زاد الزائرین۔ دہلی

۱۹۰۳۔ سبحان اللہ گورکھپوری۔ میرا سفر حج

۱۹۰۳۔ احمد حسین خاں حاجی۔ سفر نامہ حجاز و مصر۔ دہلی (۰۴۔ ۱۹۰۳ وچ حج کیا)

۱۹۰۴۔ لطیف مچھلی شہری۔ السفر اللطیف الی بیت اللہ الشریف۔ لکھنؤ

۱۹۰۶۔ محمد حسین الہ آبادی۔ رحلتہ المسکین الی البلد الامین۔ مطبع انور صابری

۱۹۰۶۔ خطیب قادر بادشاہ۔ سفر نامہ حجاز (منظوم و منشور) سن۔ حج ۱۹۰۶ وچ کیا

۱۹۰۹۔ مصباح الدین احمد محمد۔ غنیہ حج۔ لدھیانہ

عبدالرحیم نقشبندی۔ سفر حرین الشریفین (ڈاکٹر انور سدید نے لکھیا اے کہ ایہناں حج ۱۹۱۱ وچ کیا)

۱۹۱۲۔ محی الدین حسین، حکیم محمد، سفر نامہ حرین شریفین۔ حصہ اول (حصہ اول دے شروع وچ ”ذکر

مدینہ منورہ“ درج اے جیہدے عدد ۱۳۳۰ بن دے نیں۔ پتا نہیں ایہ لکھن داسن اے کہ چھپن دا اے)

۱۹۱۴۔ حمید اللہ نواب سر بلند جنگ بہادر محمد۔ سفر نامہ مدینہ منورہ۔ حیدر آباد دکن

۱۹۲۷۔ شریف امرتسری محمد۔ سفر نامہ حج۔ امرتسر

۱۹۲۷۔ امجد حیدر آبادی، سید احمد حسین، حج امجد (پی ایس اودے خصوصی نمبر ۱۴۰۸ھ وچ چھاپا گیا)

۱۹۲۸۔ چراغ الدین پسوری حج کا ساتھی۔ دہلی (حج ۱۹۲۶ وچ کیا)

۱۹۲۸۔ شبیر حسین کر بلائی۔ سفر نامہ عراق، عرب و عجم ملتان (ڈاکٹر انور سدید نے ایہد اذکر کیا اے۔

پر ایہ نہیں لکھیا کہ ایہدے وچ حرین شریفین دا ذکر کناں کو ہے۔ ہے وی یا نہیں)

۱۹۲۸۔ الیاس برنی، پروفیسر محمد صلاح الدین۔ صراط الحمید حیدر آباد دکن (ایہ اوہ شخصیت اے جیہنے

”قادیانی مذہب دا علمی محاسبہ“ ناں دی معرکتہ الارا کتاب لکھی)

۱۹۳۱۔ عبد الماجد دریابادی۔ سفرنامہ حجاز۔ اعظم گڑھ

۱۹۳۳۔ حفیظ الرحمان حفیظ محمد۔ سفرنامہ حجاز۔ دہلی (ج ۱۹۳۲ اور ج ۱۹۳۳)

۱۹۳۵۔ وفاؤ بایوی محمد حفیظ الرحمان۔ راہ وفا (منظوم "تاثر نامہ" دی ہے)

۱۹۳۵۔ حسن الدین خاموش۔ مرقع حجاز۔ آگرہ (ج ۱۹۳۴ اور ج ۱۹۳۵)

۱۹۳۶۔ عبد المجید صدیقی ڈاکٹر۔ سہیل الرشاد۔ کراچی

۱۹۳۷۔ عزیز الرحمان عزیز محمد۔ حج صادق۔ بہاولپور (ج ۱۹۳۵ اور ج ۱۹۳۶)

شیخ ابو عبد اللہ شرف الدین محمد ابن بطوطہ دے "سفرنامہ ارض مقدس" دا اردو ترجمہ رئیس احمد جعفری نے کیا۔ محمد ابن جبیر اندلسی دے "سفرنامہ بلاد" "سفرنامہ حجاز" دا اردو ترجمہ طالب ہاشمی نے کیا۔ ایہناں ترجمیاں دا خلاصہ پی ایس او دے خصوصی جج نمبر ۸۰۸ اور ج ۱۹۳۷ چھپیا۔

پاکستان بن توں پہلاں پنجابی وچ حجاز/حرمین دے جیہڑے منظوم سفرنامے لکھے گئے اونہاں دا تذکرہ پروفیسر ارشد اقبال ارشد نے کیا اے (۴) اوہ ایہ نہیں:

۱۸۸۱۔ فقیر محمد عارف۔ کوہ غم (پروفیسر سجاد حیدر پرویز موجب پنجابی زبان داٹڈ ہلا سفرنامہ)

۱۹۲۲۔ دلپذیر بھیروی مولوی۔ گلزار مکہ۔ جہلم

۱۹۲۳۔ غلام نبی مولوی۔ سفرنامہ حرمین شریف۔ امرتسر

۱۹۲۸۔ لطیف فقیر شمشیر علی ڈاکر۔ سفرنامہ۔ گوجرانوالہ

۱۹۲۹۔ فضل الدین حافظ۔ سفرنامہ جدید۔ منڈی بہاء الدین

۱۹۳۵۔ دلپذیر بھیری گلزار مدینہ سن (دو ج ۱۹۳۵ اور ج ۱۹۳۶)

پاکستان بن توں مگروں ارشد اقبال ارشد (میاں اقبال زخمی دے سپتر) موجب سب توں پہلاں مولوی نور حسین گر جاکھی نے پنجابی زبان وچ سفرنامہ نظم کیا "اللہ سوہنے کرم کمایا" ایہ سفرنامہ ۲۰۰۱ وچ چھاپے چڑھیا۔ ایہدے توں اوڈ ۱۹۴۷ توں آج تیکر اردو تے پنجابی وچ جیہڑے سفرنامہ ہائے حجاز چھپے سن وارا وہناں دا ذکر کیا جاندا اے (بے شک اکاد کا سفرنامے ایس تذکرے وچوں رہ وی گئے ہون گے پر زیادہ تر دا ذکر آ گیا اے):

۱۹۴۹۔ خسرو شاہ نظامی حکیم عبدالغنی انصاری۔ مکے مدینے کا سفرنامہ۔ دہلی (زیارت ۱۹۴۵ میں کی)

۱۹۵۲۔ چراغ الدین جونیکے والا حاجی۔ مدینے دے موٹی (پنجابی)۔ پنج جلدیں (۵)

۱۹۵۵۔ مسعود عالم ندوی۔ دیار عرب میں چند ماہ۔ کراچی

۱۹۵۶۔ فضل الدین۔ دیار حبیب کی باتیں۔ جہلم

۱۹۵۸۔ عبدالکریم ثمر۔ سفر حجاز۔ لاہور

۱۹۵۹۔ عبدالصمد صارم الازہری۔ سفرنامہ حج و زیارت۔ لاہور

۱۹۶۰۔ نسیم حجازی۔ پاکستان سے دیار حرم تک۔ لاہور (ایران، ترکی اور حجاز دا سفرنامہ)

- ۱۹۶۳۔ سلطان داؤد۔ سفرنامہ حجاز۔ لاہور
- ۱۹۶۴۔ نواز فاروقی ڈاکٹر محمد۔ رہنمائے سفر۔ حافظ آباد
- ۱۹۶۶۔ کنیز محمد بیگم۔ ارض مقدس۔ سیالکوٹ (ج ۹۶۴ وچ کیتا)
- ۱۹۶۶۔ مفتاح الدین ظفر۔ سفر مقدس۔ لاہور
- ۱۹۶۷۔ الطاف حسین قریشی۔ قافلے دل کے چلے (اردو ڈائجسٹ لاہور۔ جون ۱۹۶۷)
- ۱۹۶۸۔ ابو حمید انور۔ نہ آئیں جا کے وہاں سے۔ لائل پور (اب فیصل آباد)
- ۱۹۷۰۔ ذاکر علی خاں۔ میاں کی اٹریا (پی ایس او نے اپنے خصوصی جج نمبر ۱۳۰۸ وچ چھاپیا)
- ۱۹۷۱۔ شورش کاشمیری۔ شب جائیکہ من بودم (زیارت ۹۶۹ وچ کیتی)
- ۱۹۷۲۔ محمد شفیع صابر۔ سفرنامہ حج و زیارت۔ پشاور
- ۱۹۷۳۔ محمد شجاع ناموس (ڈاکٹر)۔ سفرنامہ حج و حرمین
- ۱۹۷۳۔ محمد عارف۔ حریم دیدہ و دل (صفحہ ۸۱ توں ۱۱۳ تیکر حجاز دا ذکر اے)
- ۱۹۷۴۔ محمود حسن دیوبندی۔ سفرنامہ شیخ الہند۔ لاہور
- ۱۹۷۵۔ محمد شریف راجا۔ آئینہ حجاز۔ جوہر آباد (ج ۹۶۹ وچ کیتا)
- ۱۹۷۵۔ محسن احمد حسن ٹونگی محمد۔ سفر حج کے تاثرات۔ کراچی
- ۱۹۷۵۔ ممتاز مفتی۔ لبیک۔ لاہور
- ۱۹۷۶۔ ذاکر علی خاں۔ مرحبا الحاج۔ کراچی
- ۱۹۷۷۔ محمد اکرم ملک۔ دیار حبیب میں چند روز۔ چکوال
- ۱۹۷۸۔ عبداللہ ملک۔ حدیث دل لاہور
- ۱۹۷۸۔ ماہر القادری۔ کاروان حجاز۔ کراچی
- ۱۹۷۹۔ شمش کاشمیری۔ جہلم سے عرفات تک۔ گجرات
- ۱۹۸۰۔ وحیدہ نسیم۔ حدیث دل۔ کراچی
- ۱۹۸۱۔ افضل کیانی۔ بلاوا۔ جہلم
- ۱۹۸۱۔ صادق قریشی۔ پھر سوئے حرم۔ لاہور
- ۱۹۸۱۔ مناظر الحسن گیلانی۔ دربار نبوت کی حاضری۔ کراچی
- ۱۹۸۱۔ فرید احمد پراچہ۔ سفر شوق۔ لاہور
- ۱۹۸۱۔ اشرف علی قریشی۔ سفرنامہ حجاز۔ پشاور (کتاب تے چھپن دا سال ۱۳۰۱ھ لکھیا اے) (۶)
- ۱۹۸۲۔ بشری رحمان۔ باؤلی بھکارن۔ لاہور
- ۱۹۸۳۔ گلزار احمد بریگیڈئیر۔ تذکرہ حجاز۔ راولپنڈی۔ (۱۳۰۶ھ)
- ۱۹۸۳۔ حافظ لدھیانوی۔ جمال حرمین۔ کراچی (میرے کول جیہڑی کتاب اے ادہ دوجی واری

- ۱۹۸۳- اوج چھپی سی۔ حج ۱۹۷۴ اوج کیتا گیا سی)
- ۱۹۸۳- زبیدہ جی۔ زہے نصیب۔ فیصل آباد (عمرہ ۱۹۸۱ اوج کیتا)
- ۱۸۹۳- منیر علی جعفری سید۔ شہر خدا سے دیار نبی۔ کراچی
- ۱۹۸۳- حمیدہ فاطمہ سیدہ۔ لاہور سے دیار حبیب۔ لاہور
- ۱۹۸۳- غلام سرور کرنل۔ مسافر حرم۔ راولپنڈی
- ۱۹۸۴- صلاح الدین محمود۔ خاک حجاز کے نگہبان۔ لاہور
- ۱۹۸۴- غلام رسول مہر۔ سفرنامہ حجاز۔ کراچی۔ مرتبہ ڈاکٹر ابوسلمان شاہجہانپوری (جج ۱۹۳۰ اوج کیتا)
- ۱۹۸۴- اسعد گیلانی۔ مشاہدات حرمین۔ لاہور
- ۱۹۸۴- حافظ لدھیانوی۔ منزل سعادت کراچی (۱۹۸۱ اوج زیارت کیتی)
- ۱۹۸۵- یوسف قریشی محمد۔ طرابلس سے حجاز تک۔ پشاور
- ۱۹۸۵- محمد اسلم چودھری۔ حرم میں دوسوروز۔ لاہور
- ۱۹۸۶- غلام الثقلین نقوی پروفیسر۔ ارض تمنا۔ لاہور
- ۱۹۸۶- محمد زبیر الحاج۔ چند روز حجاز میں۔ کراچی
- ۱۹۸۶- شمیم خان بیرسٹر حجاز کا سفرنامہ۔ ۱۴۰۶ھ (پی ایس اودا خصوصی نمبر ۱۴۰۸ھ)
- ۱۹۸۶- ایچ بی خان ڈاکٹر۔ کراچی سے گنبد خضرا تک۔ کراچی
- ۱۹۸۶- سلمان منصور پوری قاضی محمد سلمان۔ سفرنامہ حجاز: تاریخ الحرمین۔ لاہور
- (میرے کول ایہ ایڈیشن دو جی واری چھپیا ہوا ہے)
- ۱۹۸۶- رفیع الدین فاروقی مراد آبادی۔ مشاہدات حرمین شریفین (اردو ترجمہ نسیم احمد فریدی)
- امروہوی نے کیتا جو پی ایس اودے خصوصی حج نمبر وچ چھپیا)
- ۱۹۸۶- ممتاز اختر ظافر۔ منزل۔ گوجرانوالہ
- ۱۹۸۶- ابوالخیر کشفی سید۔ وطن سے وطن تک۔ کراچی
- ۱۹۸۷- عبادت بریلوی ڈاکٹر۔ دیار حبیب میں چند روز۔ لاہور
- ۱۹۸۷- سعید اختر محمد سوئے حرمین۔ مرید کے ضلع شیخوپورہ
- ۱۹۸۸- افروغ حسن حافظ۔ بلاوا آ ہی گیا۔ لاہور (۱۴۰۸ھ)
- ۱۹۸۸- فضل حق۔ دیار حبیب میں (پی ایس اودے خصوصی حج نمبر وچ چھپیا)
- ۱۹۸۸- سلطان رفیع۔ سفر شوق (پی ایس اودا خصوصی حج نمبر)
- ۱۹۹۰- صفیہ صابری۔ سفر لبیک۔ فیصل آباد
- ۱۹۹۰- عاصی کرنالی۔ اپنی منزل کی طرف۔ ملتان
- ۱۹۹۰- جاوید جمال ڈسکری۔ میرے حضور کی طرف۔ ملتان

۱۹۹۱۔ عبدالرحمان عبد پرویس۔ آنحضور کے نقش قدم پر۔ لاہور
(چار جلدیں وچ۔ حرم نبوی، حرم مدینہ، حرم مکہ، حرم عرفات)

۱۹۹۲۔ راجا رشید محمود۔ سفر سعادت منزل محبت۔ لاہور

۱۹۹۳۔ راجا رشید محمود۔ دیار نور۔ لاہور

۱۹۹۳۔ محمد صدیق تنہا بن حکیم حافظ میاں غلام رسول۔ زیارات مقامات مقدسی۔ پنڈاوان خاں
۱۹۹۸۔ فسر جنجو عداہیا حاجی محمد۔ اہر میں شریفین المعروف سفرنامہ حج (پنجابی منظوم سفرنامہ) راو لپنڈی
(۱۱۲ صفحات دے ایس منظوم سفرنامے دا ذکر ارشداقبال ارشد دے مضمون وچ نہیں) (۷)

۱۹۹۹۔ شا کر کنڈان۔ جادہ شوق و محبت۔ کنڈان ضلع سرگودھا

۲۰۰۰۔ راجا رشید محمود۔ سرزمین محبت۔ لاہور

۲۰۰۱۔ نور حسین گر جاکھی، مولوی۔ اللہ سونے کرم کمایا (پنجابی)۔ لاہور

اردو پنجابی دے جیہڑے سفر نامیاں اتے چھپن داسال درج نہیں، اوہ ایہ نہیں

۱۔ اللہ بخش کلیار۔ حاضری۔ لاہور (شاید ۱۹۹۴)

۲۔ کاظم حسین شیفہ کنسوری سید۔ حریم الشریفین (۸)

۳۔ منظور احمد ابوالنصر۔ حضور الحرمین۔ ساہیوال

۵۔ عبدالرزاق حافظ۔ خدایا ایس کرم باردگر کن۔ چکوال

۶۔ محمد شفیع اوکاڑوی۔ راہ عقیدت۔ کراچی (۱۹۶۲ ادی حاضری)

۷۔ نصیر احمد ناصر ڈاکٹر۔ روداد سفر حجاز۔ لاہور

۸۔ عبدالحلیم بیگ، سرگزشت حجاز (ڈاکٹر انور سدید نے اینا ای لکھیا اے)

۹۔ امیر احمد علوی۔ سفر سعادت (عبدالماجد دریابادی نے ایس کتاب دا ذکر کیتا اے)

۱۰۔ انور..... (حیدر آباد کن دا چھپیا ہویا ایہ پاٹا پرانا سفرنامہ میرے کول ہے۔ صفحہ اتوں ۶۱ تے

۲۷۷ توں بعد دے صفحے غائب نہیں۔ سفرنامے وچ جیہڑیاں اردو تے فارسی نظماں نہیں

اوہناں وچ تخلص انور ورتیا گیا اے)

۱۱۔ محمد غوث قریشی، پیر۔ سفرنامہ غوثیہ۔ ملتان

۱۲۔ محمود جواد سید۔ سفرنامہ مقامات مقدسہ۔ حیدر آباد

۱۳۔ محمد اکرم اعوان۔ غبار راہ۔ راو لپنڈی

۱۴۔ خدا بخش اظہر شجاع آبادی۔ گلدرستہ نور۔ ملتان

۱۵۔ عبد اللہ ولد خیر اللہ، مولوی سفرنامہ عرب شریف (پنجابی) اٹھ صفحے

۱۶۔ محمد حسین شاہ پوری۔ سفرنامہ حجاز (پنجابی)۔ ڈاکٹر شہباز ملک نے ”پنجابی کتابیات“ وچ ایہدا

۱۷۔ نور بیگم۔ مظاہر نور (پنجابی) لاہور۔ ۱۰۶ صفحے

۱۸۔ تائب نوشاہی سید غلام رسول تحفۃ الفقرا مع سفرنامہ حج (پنجابی) نظم نثر دوویں (۹) میاں ظفر مقبول نے ”پچاس سالہ پاکستانی پنجابی ادب“ وچ سفرنامیاں دا جتھے ذکر کیا اے او تھے ایہ ویر و انہیں کیا کہ کیمڑا سفرنامہ خرمین شریفین دا اے۔ ہاں نثری سفرنامے لکھن والیاں وچ حفیظ تائب ذوالفقار تائبش تنویر ظہور ارشد میر تے امجد بھٹی دے ناں دتے نیں (10) ارشد اقبال ارشد نے لکھیا اے ”رسالیاں وچ چھپے سفرنامیاں وچوں حفیظ تائب دا سفرنامہ حج“ حاضری“ تے ارشد میر دا سفرنامہ لندن خاص طور تے ذکر دے قابل نیں“

معلوم ہویا کہ حفیظ تائب دا ”حاضری“ کے رسالے وچ چھپ چکیا اے جیہڑا میری نظرے نہیں چڑھیا۔

ہوسکدا اے کوئی ہوہر پنجابی نثری سفرنامہ وی کے جگہ چھپیا ہووے پرہن تیکر جو معلومات ملیاں نیں اوہناں توں لگدا اے کہ کتابی صورت وچ پہلا سفرنامہ میاں اقبال زخمی دا ”ٹرپے نیں قافلے“ ای اے۔ بھاویں ایہ وی پہلے زخمی دے اپنے رسالے ”لکھاری“ (مہیناوار) وچ قسط وار چھپ چکیا اے۔

مینوں اللہ پاک دے گھرتے سوچتے پاک نبی ﷺ دے دربار وچ حاضری دی لگن اے۔ ہن تیکر پندراں وار مینوں ایہ سعادت مل چکی اے۔ ارود وچ تن سفرنامے وی لکھ چکیا آں۔ سفرنامے پڑھن تے پڑھ کے سواد لین دا وی شوق ہے۔ ۲۰۰۳ء وچ میریاں اقبال زخمی نال دوترے ملاقاتاں اپنے آقا حضور ﷺ دے حرم پاک کول ہوئیاں ”ٹرپے نیں قافلے“ وچ مینوں اوہو اقبال زخمی نظر آیا جیہڑا مدینے پاک دیکھیا سی۔ انج ٹے لاہور وچ وی ایس پیارے لکھاری نال میری جووی ملاقات ہوئی حضور پاک ﷺ دی محبت دے حوالے نال امی ہوئی۔ پر اقبال زخمی جسراں سوہنے سرکا ﷺ دے شہر وچ تے حرم نبوی کول بھجیا ہو یا دیا اوہنے میرا دل ہو را اپنے کھچ لیا۔ مینوں ایس سفرنامے وچ وی اوہو محبت بھریا اقبال زخمی نظر آ وندا اے۔ میں سوچدا ساں چنگا بھلا بندہ جیہڑا کے پاسیوں بھڑ نہیں لگدا زخمی کیوں اکھواندا اے پر مدینے پاک اوہنوں جس کیفیت وچ دیکھیا سی تے سفرنامے وچ اوہ جیکن دکھالی دیندا اے ادہرے توں کھلیا کہ ادہ تے میرے آقا مولانا ﷺ دے عشق دا پھٹ کھاہدی بیٹھا اے۔

”ٹرپے نیں قافلے“ وچ میاں اقبال زخمی دے اکھر نہیں ادہرے جذبے بولدے گلاں۔ کردے نظر آ وندے نیں۔ لگدا اے اوہ دیاں چاہتاں نے لفظاں دیاں لویاں دھیت لیاں نیں۔ اوہرے فقریاں وچ اوہرے محبت بھرے اتھر دتھر کردے دسدے نیں۔ عقیدہ اوہرا پکا اے عقیدت اوہدی بھروں اے جذبے اوہرے سچے نیں۔ ایسے لئی پڑھن والا اپنے آپ نوں اوہرے نال ٹردا

پھر داتے زیارتاں کردا محسوس کر دالے۔

رب کریم میاں اقبال زخمی دی مکے مدینے نال لگن نوں عام کردے تے اوہنوں ہمیشہ حج عمرے دیاں سعادتاں بخش داتے جذبیاں نوں لفظاں داروپ دین دی توفیق عطا کردار ہوئے۔ آمین!

حوالے

- (۱) ماہ نو۔ نومبر ۱۹۷۸۔ مضمون ”حج کے سفر ناموں کی روایت“ از پروفیسر جیلانی کامران
- (۲) نقوش لاہور۔ شمارہ ۱۳۷۔ دسمبر ۱۹۸۸۔ مضمون ”حج ناموں کی روایت اور اردو حج نامہ“ از ڈاکٹر انور سدید
- (۳) حافظ لدھیانوی۔ جمال حرین (مقدمہ از حافظ محمد افضل فقیر)
- (۴) نور حسین گر جاکھی، مولوی۔ اللہ سوہنے کرم کمایا۔ ادارہ پنجابی لکھاریاں، جیا موسیٰ شاہدرہ، لاہور (سودھن ہار ارشد اقبال ارشد اقدمہ ”پنجابی ادب وچ منظوم سفر نامیاں دی روایت تے ”اللہ سوہنے کرم کمایا“)
- (۵) ایضاً۔ ص ۴۲
- (۶) ضیاء الدین لاہوری۔ جوہر تقویم۔ ادارہ ثقافت اسلامیہ لاہور۔ ۱۹۹۴۔ ص ۲۲۳
- ۲۲۴ (۱۴۰۱ھ) (نومبر ۱۹۸۰ توں اکتوبر ۱۹۸۱ تک رہیا)
- (۷) طارق سلطانپوری۔ تجلیات حرین۔ راولپنڈی (پروفیسر محمد سرور شفقت دا دیباچہ ”ارض تمنا“ ص ۳۳)
- (۸) نقوش۔ شمارہ ۱۳۷ اوچ ایہد اذکراے۔ حج ۱۸۹۱ اوچ کیتا گیا
- (۹) اللہ سوہنے کرم کمایا۔ ص ۳۷، ۳۸، ۳۹، ۴۰
- (۱۰) لب جو۔ مجلہ گورنمنٹ اسلامیہ کالج سانگھہ ہل۔ اگست ۱۹۹۷۔ (میاں ظفر مقبول دا مضمون ”پچاس سالہ پاکستانی پنجابی ادب“) ص ۲۰۴، ۲۰۵
- (۱۱) اللہ سوہنے کرم کمایا۔ ص ۵۱

راجا رشید محمود

ایڈیٹر ماہنامہ ”نعت“ لاہور

یکم جنوری ۲۰۰۴ء

لبیک

لبیک اللہم لبیک۔ لبیک لا شریک لک لبیک

ان الحمد والنعمة لک والملك لا شریک لک

(میں حاضر آں یا اللہ میں حاضر آں میں حاضر آں تیرا کوئی شریک نہیں میں حاضر آں بلاشبہ ساریاں تعریفاں تیرے لئی نہیں تے ساریاں نعمتاں اتے بادشاہی تیری ای اے۔ تیرا کوئی شریک نہیں۔

(ایس نوں تلبیہ آ کھدے نیں تے ایہ اوہ خاص ترانا اے جیہڑا حاجیاں دے ایمان نوں تازگی بخشد اے۔ حاجی تے جان والے ایس نوں پڑھدے جاندے نیں تے جدوں اوہناں دیاں روحاں دے ناں پکارے گئے سن اوس دی حاضری لواندے نیں۔ ایس قول تے ایمان نال جے اللہ تعالیٰ دی ذات وچ ہو رکھئی شامل نہیں اے۔ ایہ ترانا حج یاں عمرے تے جان لکیاں نیت کرن دے ویلے شروع کیتا جاند اے تے فیر او دوں تیکر پڑھدے رہندے نیں جدوں تیکر اللہ تعالیٰ دے اوس پرانے گھر وچ اپڑ نہیں جاندے جس دے دیکھن دی تمنا ہر مسلمان دے دل وچ ہوندی اے۔ اوہ کیمہ مسلمان ہووے گا جیہڑے دل وچ اللہ تعالیٰ دے اوس گھر وچ حاضری دین دی تڑپ نہیں ہوندی..... پر گل تاں بلا دے دی اے تے اوس عہد دی اے جیہڑا تخلیق ارواح دے موقعے تے کیتا گیا سی۔ فیر جہاں نوں بلاوا آ جاند اے اوہ بہوں خوش نصیب ہوندے نیں۔ ایہناں وچ کجھ ایہو جیہے لوک وی ہوندے نیں جیہڑے اپنے آقا ﷺ دے روضے دی حاضری دی تڑپ ہو روی و دھ رکھدے نیں۔ ساوے گنبد دے پر چھاویں تھلے بہہ کے اوہنوں تکن جنت دے ٹکڑے وچ نماز پڑھن سنہری جالی نوں چمن محراب منبر تے ستوناں نال لگ کے رون تے مقام صفہ تے نمود جھون بہن لئی اوہ ہر ویلے اللہ تعالیٰ دی بارگاہ وچ دعاواں منگدے رہندے نیں۔ اوہناں خوش نصیباں وچ ہک شخصیت اقبال زخمی ہوراں دی وی اے۔

اقبال زخمی ہوراں نے ساری زندگی ملازمت کیتی پر دل وچ آقا ﷺ دے روضے تے اللہ تعالیٰ دے گھر دی حاضری داسو ہناروگ پالی رکھیا۔ ریٹائرمنٹ لے کے جیہڑی ای جمع پونجی ہے سی خرچ کر کے عشق دی آگ بجھاون ٹر پئے تے نال ای لمحے لمحے دی روداد کچھے رہن والیاں نوں دس لئی ”ٹر پئے نیں قافلے“ دے ناں نال صفحیاں تے لکیر دتی۔

اقبال زخمی ساری زندگی لاہور وچ گزاری اے۔ پر اوہ آج تک لاہور یے نہیں بن سکے۔ اوہناں دی عادت خصلت پیار کرن والی فطرت خلوص ورتاؤن والی طبیعت رکھ رکھاؤ سارا ای تے پینڈ وواں ورگا محبت تے خلق نال گدھیا ہو یا اے۔ اوہناں دل دے وچ ساری زندگی کوئی ہوس تے لالچ نہیں آسکیا۔ ایس توں اڈ اوہ ہک کپے پنجابی نیں جیہناں نوں اپنی روایات تے رھتل

نال دلی پیار اے تے سگوں اپنی زبان نال وی حدوں ودھ محبت اے۔

پنجابی زبان نال محبت اوہناں دی مہینہ وار پنجابی پرچے ”لکھاری“ وچوں صاف نظر آؤندی اے۔ ”لکھاری“ کڈھدیاں اوہناں دی عمر لنگھ گئی اے تے پنجابی پڑھن تے لکھن والا ہر آدمی اوہناں دے نال تے کم نوں جان دا اے۔ اوہ ہک خوبصورت لہجے دے شاعر تے منجھے ہوئے ادیب نیں تے سبھ توں ودھ اوہناں وچ جیہڑا گن اے اوہ ہے حضور نبی کریم ﷺ دی ذات اقدس نال انت دی محبت تے عقیدت۔ جیہڑا اظہار اوہ ”لکھاری“ نعت نمبراں دے حوالے نال اکثر کردے رہندے نیں۔ ایہناں نمبراں وچ اوہناں دی چاہت لگن تے بھرویں عقیدت و ارادت ہوندی اے۔ تے ہک غلام ولوں گوڑھی غلامی تے ہک امتی ولوں اپنے بھرپور خلوص دا اظہار ہوندا اے تے شاید بقول شخصے

ان کے طفیل حج بھی خدا نے کرا دیئے
اللہ تعالیٰ نے اوہناں تے اپنا فضل و کرم کیتا تے حج دی سعادت توں نوازیآ۔ فیر اوہناں جی بھر کے روضہ رسول تے حاضری دتی اپنے دل دیاں حسرتاں پوریاں کیتیاں تے گزارشات پیش کیتیاں۔
”ٹرپے نیں قافلے“ اوہناں دے او سے سفر دی روداد حج دی روپورتاثر تے قلب و روح دی واردات اے۔ جس وچ اوہ مینوں ریحان اظہر دے ایس شعروں دی تفسیر دکھائی دیندے نیں

Am I happy? May be not

But I Should not forget I have got.

کیونکہ اوہ تھے گزارے ہوئے زندگی دے دیہاڑے ہک ایہو جیہا تجربہ ہوندا اے جنہوں بھلایا نہیں جاسکدا۔ تدوں دل دی ہک بڑی عجیب جیہی کیفیت ہوندی اے۔ اوہوں ہلن تے واپس پرتن نوں جی ای نہیں کردا تے اقبال زخمی جیہا عشق رسول وچ ڈبیا ہو یا شخص جداو تھے اپڑ جائے تے فیر اوہ واپسی تے رنجیدہ رنجیدہ ہوندا اے۔

ایہ حقیقت اے جے اللہ تعالیٰ دی محبت اوہ دے آخری پیغمبر حضرت محمد ﷺ دی مکمل اطاعت اتباع تے اوہناں دی محبت وچ مضمر اے۔ اوہناں دے درتوں ای اکھاں نوں بینائی تے دل نوں سکون ملدا اے۔

حضور دارشاد گرامی اے۔ ”اودوں تائیں ایمان پورا نہیں ہو سکدا جدوں تیکر ہر شے توں یعنی مال اولاد ماں پو بلکہ اپنی جان توں ودھ حضور ﷺ پیارے تے محبوب نہ ہو جاوے“

اے بقر بابت ہزاراں جانہا

اقبال زخمی ہو راں نے ورقیاں تے جیہڑے اپنے تاثرات الیکے نیں۔ ایہ اوہناں دے دل دی کیفیات نیں۔ اللہ رب العزت نے اپنے نظام وچ کسے نوں نخل نہیں کیتا۔ ایس نوں چلان داسارا سلسلہ اوس اپنے ہتھ وچ رکھیا اے۔ شیطان نوں وی جیکر اجازت دتی اے تاں ایس نظام دے چلاوون لئی ورنہ خورے کیہ ہوندا۔ شاید ایہو وجہ اے جے جدوں دی سچیاں عرضاں تے دعاواں

اوس دے حضور خلوص نال کیتیاں جان تاں اوہ من لیندا اے۔ نالے میں اکثر حاجیاں کولوں سنیا اے جے جج تے جان توں پہلاں کوئی نہ کوئی ایہو جھیا نظارا اوہناں نوں ضروری نظر آؤندا اے جیہدے وچ حاضری دا اشارا ہوندا اے تے ایہو جھیا ای ہک اشارا اقبال زخمی ہوراں نوں وی ایس توں پہلاں ہو چکیا سی۔ اوہ لکھدے نیں۔

”۱۹۸۳ یا ۱۹۸۴ء دی گل اے میری بیگم دے ماما جی حاجی محمد اسماعیل ہو ریں جج کرن چلے۔۔۔۔ جس دن اوہناں جانا سی میں اپنی بیگم نال لاہور ٹیشن تے اوہناں نوں ملن گیا۔ میں اوہناں نوں دس روپے روضہ اقدس دے کبوتر اں دی چوگ واسطے دتے تے عرض کیتی کہ ایہناں دی مدینے دے کبوتر اں نوں چوگ پادینا تے ہک عرضی میری حضور ﷺ دے پیش کر دینا۔ اوہ عرضی میں اک کاغذ دے پرزے تے لکھ کے اوہناں نوں دے دتی۔ عرضی کجھ انج سی:

ٹر پے نیں قافلے سرکار تیرے شہر نوں
کاش میں وی دیکھ لاں اک وار تیرے شہر نوں
اک اگلی میں نمائی کونج وچھڑی رہ گئی
اڈ گئی اے ہور ساری، ڈار تیرے شہر نوں

اقبال زخمی ہو ریں حاجی محمد اسماعیل ہوراں دے ادتھے اپڑ کے چوگ تے عرضی پیش کرن دا واقعہ حاجی صاحب دی زبان انج ای اگے لکھدے نیں:

”تساں مینوں چوگ لئی جیہدے پیسے دتے سی۔ میں اوہناں وچوں پنج روپے دی چوگ مکہ شریف پادتی سی تے پنج روپے دی چوگ مدینہ شریف پہنچ کے تہاڈے ناں دی خریدی۔ میں اوہ دانے بک وچ رکھ کے اوہناں دے اتے اوہ تہاڈا شعر اں والا کاغذ رکھیا تے کہیا:

”آقا ﷺ ایہ اقبال ہوراں دلوں قبول فرماؤ۔“

ایہ کہندیاں ہویاں اوہ دانے کبوتر اں ول اچھال دتے۔ دانے ڈگن دی دیری جے میں دیکھنا بک کبوتر روضہ اقدس دے گنبد ولوں اڈا آیا اے تے اوہنے فوراً آ کے اوہ کاغذ چک لیا۔ اوہنے چوگ نہیں چگلی۔ بس کاغذ چک کے تے پتا نہیں کیہدے پاسے لے گیا۔

بہر حال ایہ ہک ایہو جھیا اشارا سی جے آقا ﷺ ولوں منظور آ گئی اے تے جدوں آقادی منظوری ہو جاوے تاں فیرمولا دا حکم وی آ جاندا اے۔

”ٹر پے نیں قافلے“ وچ جتھے اپنے سفر تے جج دی روداد اقبال زخمی ہوراں نے دی اے اوہدے نال نال ای قاری نوں اپنے ماضی وچ جہات مارن دا موقع وی دتا اے۔ انج قاری اوہناں دی زندگی بارے کجھ کجھ جانن لگ پیندا اے تے نال ای اوہناں دے اندر دے اوس انسان نوں وی دیکھدا اے جیہدے اخداے ذوالجلال دی ذات تے اوس دے کرم تے اوس دے خود مختار نئے مختار کل ہون تے پکا ایمان رکھدا اے۔ اوہ ایس حقیقت دے وی قائل نیں جے انسان دے دل وچ

خورے کیہ خیال ہوندے نہیں تے آسمان تے پتا نہیں کیہڑے فیصلے لکھے جارہے ہوندے نہیں۔ واقعی ساری پلاننگ تے تدبیر اوتھے ای ہورہی ہوندی اے۔ تے آخر ایہ ای کہیا جاسکدا اے بلکہ ایہو ای مدعا ہونا چاہیدا اے کہ

۔ منزل ما جز تو کس نیست انت مقصودنا و رضاک مطلوبنا
میں ایس سفر نامے وچ ویکھیا اے جے اقبال زخمی ہوراں دوہرا سفر کیتا اے۔ ہک ظاہر تے جسمانی، جنہوں لوکاں نے ویکھیا تے جیہڑا کھل کے ساڈے سامنے وے۔ دو جا سفری اوہناں دے جذبات، احساسات، محبت تے عقیدت دا۔ جیہڑا تعلق اوہناں دے دل تے روح نال اے۔ جنہوں اوہناں آپ محسوس کیتا، ویکھیا، ورتیا تے..... کیتا اے۔ باہر والے لوک اوس سفر نوں ویکھن تے سمجھن توں عاجز نہیں۔ بس ایس کتاب نوں پڑھ کے محسوس کر سکدے نہیں تے اوہ وی کسے حد تاں نہیں۔ تے نالے جدوں اندر نور آونجے تاں انھیرے نس جاندے نہیں۔ اوہناں دے اندر نور وڑیا تاں انھیرے دور ہو گئے تے ایہ وی ہک ایہو جیہڑا احساس اے جیہڑا محسوسات تاں نہیں ہوندا اے۔ اوہ نور بہوں گھٹ بندیاں نوں نظریں آوند اے پر شاعر آکھدا اے جے اوس نوں وی پڑھایا جانا چاہی دا اے۔ خورے ایہ کتھوں تاں ٹھیک اے۔ آیا پڑھایا جاسکدا اے یاں نہیں:

When the light enters darkness is gone

This is a lesson which has to be taught.

ایہ سفر نامہ اگرچہ مختصر تے To the point لکھیا گیا اے۔ پر فیروزی میں سمجھناں جے حج تے ونبج والیاں مسافراں لئی ایہ ہک گائیڈ بک اے جیہڑے وچ لمحے لمحے دی واپر پل پل دے واقعات تے پہلے دینہوں توں لے کے آخری دینہوں تاں دی مکمل تیاری تے ورتارے بارے بڑی احتیاط نال ہر کم تے کاروائی نوں سمویا گیا اے تے مزے دی گل ایہ وے جے ۱۵ مارچ ۱۹۹۸ء توں لے کے یکم مئی ۱۹۹۸ء تاں اوہناں دی پوری ڈائری اے۔ یعنی حاجی کمپ وچ جان توں ہک دیہاڑ پہلے توں لے کے حج توں پرت کے لاہور اپڑن تک ایس ڈیڑھ مہینے وچ اپنی ہر روز دی مصروفیات تے کارگزاریاں بڑے خوبصورت انداز تے دلکش اسلوب وچ اوہناں نے ترتیخ دائر لکھیاں نہیں جنہوں پڑھن لکھاں قاری نوں سمجھن لئی کسے الجھن دا شکار نہیں ہوتا پئے گا۔ چونکہ حج دے دیہاڑے وی محدود نہیں تے ایہناں دیہاڑیاں وچ جو کجھ ہونا ہوندا اے اوہ وی مخصوص اے۔ ایس کر کے لکھاری نوں اپنیاں پاداں لکھن وچ سہولت تے سوکھ ہوندا اے۔

اقبال زخمی ہوراں نے ایس تحریر نوں اگرچہ ۱۹۹۸ء وچ کیتے گئے اپنے حج بارے لکھیا اے پر ۱۹۹۹ء تے ۲۰۰۰ء وچ جدوں اللہ تعالیٰ نے اوہناں نوں عمریاں دی سعادت توں وی نوازا اوس ویلے دے کجھ تجربے وی اوہناں دے معاون ثابت ہوئے۔ انج کر کے جیہڑیاں کوئی تبدیلیاں

ہک دو سالان وچ ہوئیاں اوہ نویں تجربے دے تحت ای آئیاں ہون گیاں۔

اقبال زخمی ہو راں نے قلبی واردات توں ہٹ کے اپنی ایس لکھت وچ کجھ مشورے حکومت نوں وی دتے نیں تے انتظامیہ نوں وی کجھ دس دی کوشش کیتی اے۔ مثال دے طور تے ہک پتے دی گل ایہ وے جے پاکستانی حاجیاں نوں اوہناں دے پاکستانی ہون دی پہچان لئی کوئی نشان الاٹ کرنا چاہی دا اے۔ اوہناں نے خود تے ایس لئی پاکستان جھنڈے دا بیج اپنی قمیض تے لائی رکھیا جیہڑی بہوں چنگی گل اے۔ تے حکومت بھاویں ایہو بیج ای حاجیاں نوں لاون دی اجازت دے دیوے بلکہ اوہناں نوں جان لکیاں الاٹ کرے۔

ایس کتاب وچ کجھ معلومات وی دتیاں نیں جیہڑیاں جج توں ہٹ کے دو جے ملکاں دے لوکاں بارے نیں۔ ایہدے نال ای جتھے بے قاعد گیاں ویکھیاں..... اپنیاں لوکاں یعنی پاکستانیاں وچ جیہڑیاں غلطیاں پایاں اوہناں دی نشاندہی وی کیتی گئی اے۔ نال ای سعودی عرب دے لوکاں داروہ تے اسلامی یادگاراں دی تلاش وچ آؤن والیاں اوکڑاں بارے وی واضح اشارے کیتے گئے نیں۔

ایہ سب کجھ تاں ”ٹرپے نیں قافلے“ پڑھ کے اندازا لگایا جاسکدا اے کہ ایس کتاب وچ کیڈیاں بھر پور تے مکمل معلومات فراہم کیتیاں گئیاں نیں۔

مہینہ وار ”لکھاری“ وچ چھپیاں ”ٹرپے نیں قافلے“ دیاں پوریاں قسطاں جدوں میں پڑھیاں تے اوہناں کچھے اقبال زخمی ہو راں دا ”کجھ لکھن“ دا حکم وی سی تاں میں اپنے آپ نوں کمرہ امتحان وچ پایا تے ایہ امتحانی پرچا میرے لئی بڑا عجیب سی۔ پہلاں میرے ہونٹاں تے ایہ شعر چلایا

جزاک اللہ کہ چشم باز کردی مرا با جان جاں ہمراز کردی

تے فیر میں اپنا آپ کھو بیٹھا۔ شاید ایس قافلے دی دھوڑ نے مینوں اپنے لندہ چھپا دتا۔ میں ایس دھوڑ وچ ای گم کچھے کچھے ٹردار ہیا پر میری حالت ایہ ہوندی سی جے میں ایس قافلے توں بہوں پہلاں اگلی منزل تے اپڑیا ہویا ہوندا سی۔ ہک منزل تے جدوں میں اپڑیا تاں ایہ آواز آئی جے تو برون در چہ کردی کہ درون خانہ آئی

تے شاید ایہ آواز قافلے وچ شامل اقبال زخمی نے وی سن لئی۔ تدوں تاں اوس دی زبان وی گنگ ہو گئی تے اوہ او تھے بہوں کجھ منگن تے بولن دے باوجود نہ کجھ منگ سکیا تے نہ بول سکیا۔ پر میں او تھے فیر کچھے ہو گیا۔ کیوں جے ایہوی میری مجبوری سی۔ میرے خیالاں دی اڈاری ایڈی تیزی جے میں کچھے نہیں ساں رہ سکدا تے فیر..... ایس فقرے نے مینوں گواچیا ہویا میرا اپنا آپ لہو اوتا۔

”عید سرکار دے قدماں وچ ای کیتی ایہ سرکار دا خاص کرم سی“

شا کر کنڈان (سرگودھا)

۸ جنوری ۲۰۰۴ء

تقریظ از کرنل محمد انور مدنی (بندہ رسول کریم ﷺ)

ٹرپے نیں قافلے

بندہ نے میاں اقبال زخمی صاحب ادارہ پنجابی لکھاریاں جیا موسیٰ شاہدرہ لاہوردی کتاب ”ٹرپے نیں قافلے“ دا مطالعہ کیتا اے۔ ایہ کتاب اوہناں نے اپنی امی حضور بیگم بی بی دے ناں کیتی اے جیہدیاں مدینے جان دیاں سدھراں دل وچ ای رہ گئیاں سن۔ جیہڑا کہ بندے (محمد انور مدنی) دے خیال وچ بڑی وڈی خوش قسمتی اے کہ چلو جے مدینے جا نہیں سکے پر دل وچ تے مدینے دی تاہنگ ہے سی۔ زخمی نے مدینے جان والی گل وی لکھی اے کہ اوہناں دی بیگم دے ماما جی جدوں ۱۹۸۳ء وچ حج واسطے گئے تے ایہناں اک عرضی لکھ کے دتی کہ آقا رحمۃ العالمین ﷺ دی بارگاہ وچ جان لئی عرض پیش ہو جائے۔ جیہڑی فیرقبول ہوئی تے زخمی صاحب اپنی بیگم دے نال ۱۹۹۸ء وچ حاضری دے واسطے گئے۔ واقعی ایہ بڑی خوش قسمتی سی۔

زخمی ہو ریں اک وکھری ٹائپ دے ای عاشق نیں۔ ایہناں دیاں گلاں وچ عشق دی جھلک تے ایہناں دیاں تحریریاں وچوں عشق پھلدا اے۔ ایہناں دے اپنے ایس زیارت دے سفر دی داستان وچ رسول کریم ﷺ دے نال عشق:

دی اک جھلک نظر آؤندی اے۔ مکہ وچ داخلہ زیارت کعبہ جنت المعلیٰ فیہ مدینے
شہر وچ داخلہ پیارے محبوب ﷺ دی بارگاہ وچ آنسو اں دی جھڑی دا تحفہ۔ پڑھ
کے بندہ خود محسوس کردا اے جیویں آپ وی زخمی دے نال نال پھر رہیا اے۔

اپنے سفر دے اخیر وچ زخمی نے بڑی وڈی گل کیتی اے اوہ ایہ اے کہ اوہ
پاکستان تے آگئے نیں پر انج لگدا اے جیویں اپنی کوئی چیز اوتھے بھل آئے نیں۔
بس اپنا آپ اوتھے چھڈ آئے نیں۔ خالی جسم دا پنجرہ لے کے آگئے نیں۔

زخمی دی ایس گل دی میں وی تائید کرنا ویاں۔ اوہ انج کہ میں وی کئی وار اپنے
محبوب ﷺ دی بارگاہ وچ حاضری دتی اے۔ بلکہ آپ ﷺ دی اجازت نال دو
سال مدینے پاک وچ ٹکیرا رہیاں۔ ہر وار جڈوں پاکستان آندا ساں تے انج لگدا
سی کہ میری روح مدینے وچ ای رہ گئی اے۔

واہ زخمی صاحب ایہ عشق رسول دی داستان جیہڑی تسمیں پیش کیتی اے ایہ
تساں نے دوسرے لوکاں لئی اک مثال پیش کیتی اے کہ محبوب ﷺ نال عشق انج
کری دا اے۔

میری دعا اے کہ اللہ تعالیٰ تہاڈا ایہ عشق سلامت رکھے آمین

فقط مخلص

کرنل (ر) محمد انور مدنی

ادھوریاں سدھراں

دینے جان دی سدھرتے ہر مسلمان دے دل وچ ہلکورے لیندی
 رہندی اے۔ کدے تھوڑی ہندی اے تے کدے ایہ سدھرات چک لیندی
 اے۔ میرے دل وچ وی ایہ سدھرتے ضرور ہے سی پر اپنی شدت نال نہیں
 سی۔ خورے ایہدی وجہ میری کم مائیگی سی۔ میں ہوش سنبھالی تے گھر وچ
 غربت دا راج دیکھا۔ بڑھے ماپے اپنی حیاتی دی جمع پونجی لٹا کے تے صرف
 جاناں بچا کے پاکستان آ وے سن۔ ابا جی توں بڑھاپے وچ میں بڑی محنت
 کردیاں دیکھیا اے۔ امی جی نے اوہناں دا پورا پورا ساتھ نبھایا تے جیون گڈی
 ریڑھن واسطے اوہناں دے موڈھے نال موڈھا جوڑ کے محنت کیتی۔ کنکاں
 وڈھیاں سلے چنے فیر کتے جا کے اسیں پروان چڑھے۔ اسیں وی کہہ کرن
 جوگے ہوئے میں میٹرک کر کے ہے وی کیتی تے پرائمری سکول ماسٹر بنیا۔
 چھوٹا بھرا مل وی نہ کر سکیا تے اک ٹیکٹری وچ ملازم ہو گیا۔ میری ماں وی
 بڑی خواہش سی کہ اوہ آقا ﷺ دے در تے حاضری دیوے پر اسیں ای
 خورے نالائق ساں کچھ نہ کر سکے۔ یا خورے بلاوا ای نہیں سی۔ ہے بلاوا
 ہندا تے خورے کوئی سبب لگ جائدا۔

خورے ایہ حالات سن جیہدی وجہ توں میرے دل وچ دینے جان دی
 سدھر کدے وی شدت اختیار نہ کر سکی۔ بس جدوں کدے کسے حاجی توں
 جائدیاں دیکھدا تے دل مچل جائدا یا جدوں کسے آون والے حاجی توں مل دا
 تے اک ہوک اٹھدی تے بے اختیار زبان چوں نکل جائدا ”یا اللہ کدے
 مینوں وی بلا لے“ بس ایس توں آگوں کدے نہیں سی سوچیا۔

۱۹۸۲ء یا ۱۹۸۳ء وی گل اے میری بیگم دے ماما جی حاجی محمد اسماعیل
 تے اوہد گھر والی جج کرن چلے۔ اوس ویلے ساریاں پروازں کراچی توں
 جامدیاں سن۔ کراچی تک حاجی اپنے طور تے پہنچ دے سن۔ جس دن اوہناں

جانا سی میں اپنی بیگم نال لاہور میٹن تے اوہناں لوں طن گیا۔ میں اوہناں
 نوں دس روپے روضہ اقدس دے کیوتراں دی چوگ واسطے دتے تے عرض
 کیتی کہ ایہناں دی مدینے دے کیوتراں نوں چوگ پا دینا تے اک عرضی میری
 حضور ﷺ دے حضور پیش کر دینا۔ اوہ عرضی میں اک کاغذ دے پرزے
 تے لکھ کے اوہناں لوں دے دتی۔ عرضی کجھ انج سی۔

ٹر پئے نیں قافلے سرکار تیرے شہر نوں
 کاش میں وی دیکھ لاں اک وار تیرے شہر نوں
 اک اکلی میں نمائی کونج وچھڑی رہ گئی
 اڈ گئی اے ہور ساری ڈار تیرے شہر نوں

اوہناں وقتاں وچ روضہ مبارک دے سامنے کیوتواں نوں
 چوگ پاؤن لئی جگہ بندی سی۔ ہن تے اوہ ساری جگہ صحن وچ آ چکی اے۔
 جدوں اسیں (میں تے میری بیگم) ۱۹۹۸ء وچ حاضری دین واسطے گئے تے میں
 اوہ تھاں لہذا ای رہیا جتھے چوگا پیدا سی۔ مینوں اوہ تھاں کتے نہ لہسی۔ ہن
 تے لوک جنت البقیع وچ چوگ پاندے نیں یا جنت البقیع دیاں کندھاں نال
 آئے دوالے روڑھ مچھ دے نیں جتھوں کارپوریشن دا عملہ چک کے لے
 جاندا اے تے ضائع کر مچھدا اے۔ پرانیاں یادگاراں سب ختم ہو چکیاں نیں۔
 میرا اک دوست تے محلے دا الحاج محمد صدیق اے اوہدا کہنا اے کہ ایٹاں دانہ
 ہندا سی کہ پیر کھب جاندے سن۔ میں اک حاجی محمد صدیق (جیہڑا کہ اک
 مدت توں مدینہ پاک وچ رہیا اے) نوں پچھیا کہ ”حضرت ایوب انصاریؑ
 ہوراں دا مکان کتھے کر کے سی“ تے اوہ کہن لگے ”کسے ہر توں پچھو کے
 قتم نوں آکھو دس پا دے۔ حاجی صاحب اوہ تھاواں کتھے لہدے او؟ اوہ تے
 سب کجھ توسیع دی نذر ہو گیا اے۔“ میں شاکر کنڈان ہوراں دی کتاب
 ”جادۂ شوق و محبت“ وچ حضرت عبداللہ دی قبر مبارک بارے پڑھیا کہ اوہ
 قبر اوس تھاں تے سی جتھے اجکل غسل خانہ اے میں اوہ تھاں لہذا رہیا پر نہ
 لہسی میں واپس آکے شاکر کنڈان ہوراں کولوں اوس تھاں بارے پچھیا تے
 کہیا تسیں کیمڑے غسل خانے دی گل کردے او؟ ہن تے حرم پاک دے

چار پھیرے غسل خانے ای غسل خانے میں۔ تسلیں کھڑے غسل خانے دی
نشان دی کیتی اے تے اوہ کہن لگے جدوں میں گینا ساں اودوں تے اکو ای
سی تے میں اوے دی گل کیتی اے۔

گل ہو رہی سی حاجی محمد اسماعیل ہوراں دے ہتھ عرضی گھلن دی۔ میں
عرضی گل دتی۔ حاجی صاحب واپس پرتے تے میری اگے ٹالوں وودھ عزت
کردے۔ میرے بزرگ ہون دے باوجود مینوں سرہانے والے پاسے اصرار کر
کے بٹھاندے۔ میں بکھڑا رہیا کہ جوئی ہون دے ٹاٹے میری آؤ بھلت بکڑ
دے نیں (رشتے وچ اوہ میرے ماما سوہرا لگدے سن) آخر اک دن پٹھیاں
اوہناں گل کھول دتی تے کہن لگے۔ ”تساں مینوں چوگ لئی جیڑے پیسے
دے سی میں اوہناں وچوں پنج روپے دی چوگ مکہ شریف پا دتی سی تے پنج
روپے دی چوگ مدینہ شریف پہنچ کے تھڑے ٹاں دی خریدی۔ میں اوہ دانے
بک وچ رکھ کے اوہناں دے اتے اوہ تھڑا شعر اں والا کاغذ رکھیا تے کہیا
آقا ﷺ ایہ اقبال ہوراں ولوں قبول فرماؤ۔ ایہ کہندیاں ہویاں اوہ دانے
کبوتر اں ول اچھاں دے اوہ دانے ڈگن دی ویر سی جے میں دیکھناں کہ اک
کبوتر روضہ اقدس دے گنبد ولوں اڈا آیا اے تے اوہنے فوراً آکے اوہ کاغذ
چک لیا اے اوہنے چوگ نہیں چکی بس کاغذ چک کے تے پتا نہیں کھڑے
پاسے لے گیا“

اوہناں دی ایہ گل سن کے میریاں اکھاں وچ آنسو آ گئے تے میں
کہیا ایہدا مطلب اے میرے آقا ﷺ نے میری عرضی منظور کر لئی اے۔
ایں توں بعد میں اکثر نعتیہ مشاعریاں وچ ایہو ای نعت سناندا۔ اک دن
عرفان نقوی مینوں کہن لگا ”زخمی صاحب تھڑے کول ہور کوئی نعت نہیں
ہیکی۔ تسلیں ہر وار ایہو نعت ساندے او“ میں کہیا ضرور ہیکیاں نیں۔ بعض
دفعہ خیال وی ہندا اے کہ کوئی ہور نعت سنداں پر جدوں سٹیج تے جاناں
تے بے اختیار ایہو نعت میرے مونہوں نکلدی اے۔ شاید میرے ذہن دے
کے گوشے وچ ایہ گل نقش ہو گئی اے کہ آقا ﷺ نے میرے ایہ شعر
قبول فرما لئے نیں۔ ایں لئی جدوں سٹیج تے جاناں تے بعض دفعہ ہور نعت
پڑھن لئی لے کے وی جاناں پر سٹیج تے پہنچ کے بے ساختہ ایہو نعت شروع
کر دیناں۔

بلاوا

انسانی حیاتی وچ کئی وار انج وی ہندا اے کہ کوئی کم آپے ای ہو
جاندا اے تے اسیں آکھن آہ کم اتفاق نال ہو گیا اے یا ایہ گل اتفاقا ہو گئی
اے۔ ہاں ہو جاندا اے۔ بعض دفعہ ایسا ہندا اے۔ کیوں ہندا اے تے کیوں
ہندا اے۔ بس ہو جاندا اے۔

پر اک گل ضرور اے کہ کوئی وی کم اتفاق نال نہیں ہندا۔ ہر کم
پلاننگ نال ہندا اے۔ کجھ کماں وی پلاننگ اسیں آپے کرنے آں نہ سمجھ لو
ساڈے ذہن وچ آؤندا اے کہ پلاننگ کریجے تے اسیں آکھدے آں
اساں فلاں کم دی پلاننگ کتی تے اوہ کم ساڈی پلاننگ مطابق ٹھیک ہو گیا کجھ
کم ایسے نہیں جہاں دی پلاننگ اسیں نہیں کردے پر اوہ ہو جاندا اے نہیں۔
اصل وچ اوہناں دی پلاننگ اسیں نہیں کردے۔ اوہ پلاننگ کسے ہور تھاں ہو
رہی ہندی اے۔ اوس کم دی پلاننگ اخیر وچ ہندی اے تے اسیں اوہنوں
اتفاق دا ناں دے دینے آں۔

ایس لحاظ نال دیکھیں تے مہری تے پوری زندگی ایہناں اتفاقاں نال
بھری پئی اے۔ میں تے کوئی کم وی اپنی پلاننگ نال نہیں کیتا بس پیٹھے
بٹھائے کوئی خیال ذہن وچ آیا تے میں اٹھ کے بغیر سوچے سمجھے اوہ کم کر
لیا۔ بس اتفاق نال اکثر اوہدا رزلٹ چنگا ای نکل دا رہیا اے۔ مارچ ۱۹۹۶ء
عدالت دا فیصلہ ہویا تے بی ایڈ لکھے ہوئے کیس کلیر ہوئے تے انج مینوں وی
مارچ ۱۹۹۶ء وچ بی ایڈ دا گریڈ مل گیا تے میں ہادامی باغ نوں چھڈ کے
جناح ماڈل ہائی سکول۔ سلطان پورہ چلا گیا تے مئی ۱۹۹۶ء نوں مسلم ماڈل ہائی
سکول اردو بازار وچ آ گیا۔ مسلم ماڈل ورگے وڈے سکول وچ جتھے لوک بڑی
کوشش نال تے سفارش نال آؤندے میں اتفاق نال آ گیا۔ میوں کئی
دوستاں نے کہا کہ ”کس طرح عادلہ کردایا ہے“ تے میں کہندا ”میوں تے

دھکے نال گھلیا گیا اے میں تے ایڈے وڈے سکول پھسنا ای نہیں چاہندا
ساں" تے کوئی وی میری گل دا تھار نہ کردا۔ حالانکہ ایہ گل سچ اے کہ
میں نہ چاہن دے باوجود اتفاق نال اوچھے پہنچ گیا ساں۔

ایتھے آ کے میں دیکھا کہ کوئی کسے دا دوست نہیں کوئی کسے دا
ہمدرد نہیں۔ ہر بندہ اپنے آپ وچ مست اے۔ پیسے مگر اک دوڑ لگی ہوئی
اے۔ ہر بندہ اپنے آپ وچ اے۔ میں تے عمر اوہناں سکولاں وچ گزاری
سی جتھے ایس سارے اک دوسرے دے ہمدرد ساں اک دوسرے دے دکھ سکھ
دے سانبھی ساں۔ اک دوسرے دیاں خوشیاں وچ شامل ہندے ساں۔ اک
دوسرے دا درد و ڈاندے ساں۔ اک دوسرے دے کم آؤندے ساں ایس لئی
ایس آپا دھاپی آ لے ماحول وچ میرا دل ای نہ لگا۔ میں اچانک تھاولہ کران
وی بجائے ریٹائرمنٹ لین دا فیصلہ کر لیا تے بغیر سوچے کچھ ریٹائرمنٹ لین
لئی درخواست دے دتی جدوں کہ اچھے میری ریٹائرمنٹ وچ پنج سال باقی سن۔
میرے دوست میری ایس حرکت تے بڑے حیران ہوئے۔ کسے نے کہا "یار
ٹوکری دا مڑا تے گزٹڈ پوسٹ تے آ کے آؤندا اے تے توں ایتھے آؤندیاں
ای ریٹائرمنٹ لے رہیا ایں" کسے آکھیا "تیرے تے سارے بال پڑھدے
نیں۔ صرف اک ہتر اپنے چچاں تے کھڑا اے تے اوہ وی دھکے گھر والا
اے۔ اینیاں ذمہ داریاں دے ہندیاں کیوں ریٹائرمنٹ لے رہے او" کسے کچھ
آکھیا کسے کچھ۔ پ میں اپنی گل تے اڑیا رہیا تے

31 دسمبر 1996ء سکول وچ میرا آخری دن سی۔

واقعی پلاننگ کتے ہو رہی ہندی اے۔ میرا پتر احمد اقبال احمد پی ٹی سی
کر کے ویہلا پھرن ڈھیا سی۔ حکومت ولوں ٹوکریاں تے بین سی۔ جدوں
کدے احمد نے کہنا "ابا جی ساڈا کیہ بنے گا" تے میں آکھیا "دعا کرو
اسہلی ٹ جائے مگران حکومت آئی تے بین کھل جائے گا تے فیر انشاء اللہ
تہانوں ٹوکری مل جاوے گی۔ سچ سچ انج ای ہویا ۹۶ء دے آخر وچ اسہلی ٹی
تے مگران حکومت نے بین کھول دتا۔ میں ریٹائرمنٹ لے لئی سی تے نال ای
احمد نوں ٹوکری مل گی تے فروری وچ اوہدی اپائنٹ ہوئی۔

میں واجہات واسطے بھیج دوڑ شروع کر دتی تے انت ایہ بھیج دوڑ جون
۱۹۹۷ء وچ کی۔ واجہات کلیر ہندے گئے تے دلہے کسے کوئے وچوں آواز

آئی ”یار زخمی ایہ پیسے تے مک ای جانے نیں۔ تیرے ہتھ وچ تے انج دی موری اے، جتاں
چہر آون والے پیسے نوں خرچ نہ کر لوں تینوں چین نہیں آؤندا، کیوں نہ آقا ﷺ دے درتے
حاضری دتی جاوے،“ ایہ خیال آؤندیاں ای میں اپنی بیگم نوں کہیا میں حج کرن جا رہیا واں،
توں دس میرے نال چلنا ای کہ نہیں! وہ فوراً ای کہن لگی کیوں نہیں جانا۔ میں موقع کیوں ضائع
کراں۔ خورے فیر ایہ وقت آؤنا اے کہ نہیں۔ تے انج اسیں دوویں میاں بیوی تیار ہو گئے۔

جدوں میں ریٹائرمنٹ دی درخواست دتی تے مینوں میرے پتر ارشداً قبلاً ارشد ہو ریں کہن لگے
”ابا جی تسیں آکھدے ہوندے ساڈ کہ نوکری کرن واسو اتے ایس ایس ٹی بن کے آؤندا اے
تے تسیں آپ ایس ایس ٹی بن دے ای گئے اوتے ریٹائرمنٹ لے لئی جے کیوں،“ میں کہیا
”ایس گل دا تے مینوں وی پتا نہیں میں ویلے توں پہلاں کیوں ریٹائرمنٹ لے رہیا واں۔ بس
لے رہیاں واں،“ جدوں اسیں حج واسطے جان دا فیصلہ کیتا تے فیر خیال آیا کہ ایہ تے میری
پلاننگ نہیں سی۔ ایہ پلاننگ تے کسے ہو رہیاں ہو رہی اے۔ ایہ تے اشیروچ پلاننگ ہوئی
اے۔ ایہ تے آقا ﷺ دا بلاوا آچکا سی، ایس لئی ایہ سارا کجھ ہو یا اے۔ ایس لئی میرے
اندروں ریٹائرمنٹ لین دی واج آئی اے۔

لبیک الہم اللہ لبیک

.....☆☆.....



محفل سماع داک منظر (گدی مبارک تے پیر محمد اعلیٰ تے صوفی محمد الدین چشتی بیٹھے نیں)

111082

تپاری

جج تے جان دا ذہن بن دیاں ای اڈیکاں لگ کھیاں۔ اکو ای سوچ ہر ویلے ذہن جج گھمدی رہندی کھڑے ویلے حکومت جج پالیسی دا اعلان کرے تے پیسے جمع کروائے جان۔ اگست ۱۹۹۷ء وچ حکومت ولوں پالیسی دا اعلان ہو گیا تے پیسے جمع کروان دی تاریخ دا اعلان وی ہو گیا۔ میں سب توں پہلاں نیشنل بینک شاہدہ دے میجر کول گیا تے اوہوں کہیا کہ اسیں جج تے جانا چاہنے آں۔ دسو کیہ طریقہ کار اے۔ خیال ایہ سی کہ چونکہ پیسے دی ایسے ای بینک وچ پئے ہوئے نیں تے اچھے ای سارا مسئلہ حل ہو جاوے گا۔ میجر اللہ دا بندہ تے جج جج سرکاری ملازم نکلیا آکھن لگا اچے تے اسیں کم دی شروع نہیں کیتا۔ تسیں بندے لہو تے کم از کم ویہہ پنجی بندیاں دا گروپ بنا کے لے آؤ۔ فیر اسیں تہانوں فارم دے دیاں گے انج فارم آگئے نیں میرے کول۔ میں اک دوست نال گل کیتی اوس کہیا کہ ایہ سرکاری ملازمین کم توں اپنی جان چھڈاندے نیں۔ حالانکہ گروپ بنانا لیہناں دا اپنا کم اے۔ اگلے دن میں اک اشتہار ڈاک خانے دے کول لگا دیکھیا۔ پئی ”جج لئی فری مشورہ لوو۔ گروپ دی بنائے جاندے نیں“۔ میں ٹیلی فون نوٹ کیتا تے گھر آ گیا۔ گھر آ کے اک نمبر ڈائل کیتا تے اوہناں دسیا کہ شام نوں رابطہ کرو۔ میں شام نوں رابطہ کیتا تے قاری کرداد ہوراں نال گل بات ہوئی۔ اوہناں کہیا ”پندراں پندراں تصویراں لے کے کل شام نوں میرے کول آ جاؤ“ فارم میرے کول ہیگے نیں میں پر کر دیاں گا۔“ اگلے دن تصویراں ہوائیاں تے شام نوں اسیں دوویں جی قاری کرم داد صاحب کول چلے گئے۔ قاری صاحب بڑے حلیم الطبع تے ملنسار انسان نیں۔ اوہناں نہ صرف فارم پر کیے سکوں ہر گل بڑی چاہت نال سمجھائی تے کہیا ”صبح جا کے فروٹ منڈی مسلم کمرشل بینک وچ پیسے جمع کروا آؤ۔ بیشک چیک لے کے چلے جاؤ۔ اوتھے دے میجر حاجی منیر احمد صاحب بہت اچھے بندے نیں تے رات دن حاجیاں دی خدمت وچ لگے رہندے نیں۔ انوار نوں وی چھٹی نہیں کردے۔ اوہوں کوئی فون کر کے کہوے کہ آ کے پیسے لے جاؤ تے نالے جج دا فارم پر کر دیہو تاں اوہ اوہدے گھر جا کے دی فارم پر کر دیندے نیں تے پیسے

لے آؤندے نہیں۔ تیسیں بے شک اوہناں نوں چیک دے آویا ہے اوہ اپنے خرچ تے پیسے منگوا لین گے۔" میں اگلے دن فارم تے چیک لے کے مسلم کمرشل بینک فروٹ منڈی چلا گیا۔ اوتھے ہور لوک وی آئے ہوئے سن۔ حاجی منیر احمد صاحب منیجر بینک ہر کسے نال بڑی محبت نال پیش آ رہے سن۔ اک بندے دی ڈیوٹی سی کہ اوہ مہماناں دی چاء نال خدمت کرے۔ اوہ آکھدے سن ایہ حاجی لوک تے اللہ دے مہمان نہیں۔ میں تے اللہ دی خوشنودی حاصل کرن لئی اللہ دے مہماناں دی خدمت کرناواں۔

میںوں سمجھن لگے "پیسے نقد دیہو گے کہ چیک دی صورت وچ"

میں کہیا "چیک دی صورت وچ" اوہناں اوسے ویلے میںوں وصولی دی رسید بنا دتی تے اپنے اک کلرک نوں بلا کے کہن لگے "ملک صاحب ایہ چیک لے لوو تے منیجر بینک شاہدرہ توں پیسے لے کے آویا ہے۔" قاری کرم داد ہوراں دے کہن تے فارم تے لکھ دتا گیا سی کہ میں سرکاری رہائش نہیں لینی۔ بینک والیاں ای ساڈے گروپ بنائے حاجی محمد صدیق ٹرالیاں والے نوں ساڈا گروپ لیڈر بنا دتا جیہدی رہائش محاذے لاگے ای اتھے جیاموسی وچ اے۔

فارم جمع کروان توں بعد اندر دی تڑپ سچ سچ کچھ ہور دھ گئی تے روز ای انتظار رہندا کہ کوئی اطلاع آ جاوے۔ اللہ کرے قرعہ اندازی وچ ناں نکل آوے۔ صوفی محمد الدین چشتی نظامی (قصور) ہوراں نال ذکر ہویاتے میں کہیا "صوفی صاحب دعا کرو فارم جمع کروائے میں اللہ کرے ناں نکل آون۔" اوہ بڑے اعتماد نال فرمان لگے "فارم ایویں جمع ہو جائدے نہیں؟ تہانوں بلاوا آ چکیا اے۔ تیسیں تیاری کرو" ایسے ای گو گو دی حالت وچ دن لنگھ رہے سن جے اک دن اخبار وچ آیا کہ ساریاں جج درخواستاں بغیر قرعہ اندازی توں منظور کر لیاں گھیاں نہیں۔ کسے بندے نوں وی ایس سعادت توں نہیں روکیا جا رہیا۔ ایہ خبر پڑھ کے تے ڈاڈھی خوشی ہوئی۔

عید الفطر تو کچھ دن ای بعد قاری کرم داد ہوراں اپنے مدرسے وچ ٹریننگ دا اہتمام کیتا۔ قاری کرم دادا صاحب دی ہر ویلے مصروف رہن والے بندے نہیں۔ محکمہ اوقاف وچ ملازمت کردے نہیں۔ دارالفلاح ٹرسٹ چلا رہے نہیں جیہدے تحت فری ڈپنری فری سلائی سکول تے اک دینی مدرسہ چل رہیا اے۔ مدرسہ حالے زیر تعمیر اے۔ ہر سال گروپ لے کے عمرہ کرن واسطے

جائے نہیں۔ حاجیاں دی خدمت بڑے خلوص نال کردے نہیں فارم پر کر کے دیندے نہیں گروپ بناندے نہیں تے فیر جان توں پہلے سارے لاہور دے حاجیاں نوں اکٹھا کر کے چار دن ٹریننگ کیمپ لاندے نہیں۔ ٹریننگ دی دیندے نہیں تے حاجیاں دی چاء رس تے بسکٹاں نال خدمت دی کر دے نہیں۔ میں دیکھیا اے کہ اوہناں کولوں ٹریننگ لے کے جان والیاں نوں اوتھے گائیڈنس دی بہت گھٹ لوڑ ہندی اے۔ قاری صاحب اک اک گل سمجھاندے نہیں۔ ٹریننگ ختم ہون توں چند دن بعد رواں لگی دا محط وی مل گیا جیہدے مطابق ۱۸ مارچ ۱۹۹۸ء نوں رواں لگی سی۔ اوس توں پہلاں گردن توڑ بخار دا ٹیکہ لگوایا تے زرو کارڈ حاصل کیتا۔ ڈاکٹر صاحب کھوکوں کتاب صحت تے نال لے جان والیاں دوائیاں درج کروائیاں تے فیر سیل بند دوائیاں خریدیاں۔ ۱۵ مارچ ۱۹۹۸ء نوں ایس خوشی وچ میرے پتریں ارشد اقبال ارشد تے امجد اقبال امجد نے مختلف تقریریاں دا آہر کیتا۔ پہلی تقریب صبح دی نماز توں بعد محفل میلاد سی جیہدی صدارت جناب محمد عثمان سالک مہروی ہوراں کیتی۔ ایس محفل وچ بہت سارے نعت خواناں لے حصہ لیا جہاں وچ قاری فیاض احمد قادری، حافظ محمد صدیق، محمد خلیل، محمد جمیل، رانا محمد اشرف، عرفان نقوی تے ہور بہت سارے نعت خوان شامل سن۔ قاری کرم داؤ میاں غلام رسول نقشبندی تے قاری فیاض احمد قادری ہوراں تقریراں کیتیاں تے آقا ﷺ دے حضور سلام پیش کر کے ایس محفل دا اختتام ہویا۔ ۴ دے نعتیہ محفل مشاعرہ سی۔ جیہدی صدارت ملک دے مشہور نعت گو شاعر پروفیسر حفیظ تائب ہوراں کیتی تے راجا رشید محمود ہوریں مہمان خصوصی سن۔ ایس محفل میہ ہنگامی شاعراں نے آقا ﷺ دے حضور نعت نذرانہ پیش کیتا۔

عشاء دی نماز توں بعد محفل سماع سی۔ جیہدی صدارت میر طریقت حضرت محمد اسحاق شاہ مہروی فکوری ہوریں کر رہے سن تے اچھے پردہیاں وچ صوفی محمد الدین چشتی نظامی، ڈاکٹر عصمت اللہ زاہد نوشانی، حکیم نذیر احمد نذیر نقشبندی شامل سن۔ طالب چشتی قوال تے اوہناں دے ساتھیاں محفل سماع نوں خوب گرمائی رکھیا۔

۱۶ مارچ ۱۹۹۸ء نوں حاجی کیمپ حاضری سی۔ کیمپ وچ دو دن پہلے حاضر ہونا پیندا اے۔ مقامی حجاج حاضری دے کے واپس اپنے اپنے گھر پرت آؤندے

نیں۔ باہروں آؤں والیاں لئی کیمپ وچ رہائش دا انتظام ہوندا اے۔ باہروں آؤں والے وی بے اپنی مرضی نال کیمپ وچ نہ ٹھہرنا چاہوں تے اوہناں تے پابندی کوئی نہیں ہوندی۔ حاجی کیمپ بادشاہی مسجد دے سامنے حضوری باغ وچ بنایا گیا سی۔

اسیں وی کیمپ وچ حاضری دتی۔ ٹکٹ تے کرنسی حاصل کیتی۔ ایہ کرنسی ڈالراں دی شکل وچ ٹریولر چیک سن۔ کچھ سعودی ریال وی سن۔ تاں جو او تھے پہنچ کے ابتدائی خرچے پورے کیتے جاسکن۔ ایہتھوں فارغ ہو کے گھر واپس پرت آئے۔ پرہن وچ ٹرپ وچ شدت آگئی سی تے ایہ دو دن وی گزارنے اوکھے ہو گئے سی۔ دل چاہندا سی کہ وقت پر لا کے اڈ جاوے تے اسیں چھیتی توں چھیتی دیار حبیب ﷺ وچ پہنچ جائے۔

لبیک الہم لبیک

۲

☆☆.....



محفل سماع داک منظر (اقبال زخمی، امجد اقبال امجد)



روانگی

ڈمیا بیا ساں وچ گناہواں
 پُ پُ وچھا نال خطاواں
 کیتیاں آقا ڈمیر عطاواں
 رحمت والیاں کر کے چھاواں

سد لیا سو اپنے ولے
 اوہدی رحمت بے بے
 اوہدی رحمت بے بے

دے کے خوشیاں وافر ٹر پئے
 نکلے وڈے آخر ٹر پئے
 بھ کے بھار مسافر ٹر پئے
 میں وی ٹریا نال انہاندے

جد کے نوں حاجی چلے

اوہدی رحمت ہے ہے
اوہدی رحمت ہے ہے

یاد کراں جد بیتیاں گھڑیاں
چیتے آون گلاں بڑیاں
اکھیاں ساون لائیاں جھڑیاں
شرم دا مارا ٹر نہ سکاں

نہ جانے میں ہجو ملے
اوہدی رحمت ہے ہے
اوہدی رحمت ہے ہے

اوتھوں جنہوں سدا آوے
جنہوں آقا ﷺ آپ بلاوے
اوہو شہر بدینے جلاوے
اوہدے کرم دے ہا جھوی کوئی

جا نہیں سکدا اوہدے ولے
اوہدی رحمت ہے ہے
اوہدی رحمت ہے ہے

☆☆☆☆

اج ۱۸ مارچ ۱۹۹۸ء دا کرماں والا ون چڑھ آیا اے۔ میں بھناں کہ میری
حیاتی وچ ایہو جہا بھاگیں بھریا دیہاڑا اگے کدے نہیں آیا۔ اج دا سورج
میرے لئی انوکھیاں خوشیاں لے کے آیا اے۔ اج تے میں پپا دے دیس جانا
اے۔ میں آکھدا ساں میں دیار حبیب ﷺ وچ کوئی ہی پرانی شے لے کے
نہیں جانا۔ ایسے شوق وچ سارے کپڑے نویں سوائے۔ ہر ہیز کوشش کر کے
نویں خریدی تے فیروہی کجھ چیزاں رہ گھیاں۔ اج سویرے ای میری گھڑی
چلدی چلدی رک گئی۔ میں ارشد نوں کہیا پتر ایہ دیکھ میں گھڑی پرانی لے
کے چلیا ساں ایہ وی رک گئی اے۔ انج کر دوڑ کے میری عینک وی نویں
ہوالیا۔ تے نال اک جوزا بوٹاں دا وی لے آ۔ ایہ دوویں چیزاں وی
پرانیاں نیں۔ حالانکہ بوٹ دو تن واری ای استعمال کیجے سن۔ ارشد اوے ویلے
شہر چلا گیا۔

بیگم صاحبہ نے عورتاں نوں بلاکے عورتاں دی محفل میلاد شروع کروا
 دتی۔ اوہ آکھدی سی جس دن روائگی ہوئی میں تے اوس دن محفل کروا کے
 تراں گی محفل ختم کردیاں ای گھروں نکل ٹرے۔

عجیب پر سوز منظر اے۔ امنگاں رنجھاں آساں تے سدھراں بھرے
 جذبات لے کے ٹر پئے آں۔ چاواں نال زمین تے پھر نہیں لگدے پئے۔
 گھر دا ہر جی ای ودھیا کرن واسطے حاجی کیمپ تک جان لئی تیار ہو گیا۔
 میرے بھرا ولد ارشد تے محمد شفیع۔ بھرجائیاں پردین تے رقیہ بھتیجیاں نسرین شاہین
 کوثر یاسمین۔ بھتیجا ساجد ولد ارشد۔ بیٹے ارشد اقبال امجد اقبال اسجد اقبال تنویر اقبال
 فاروق اقبال۔ ٹونہہ ٹریا۔ پوترے عقل ارشد عدیل ارشد نبیل ارشد۔ پوتری عروج
 ارشد۔ سارے ای نال ٹر پئے۔ حاجی کیمپ پہنچ کے ودھیا کرن والیاں پیاریاں
 نوں فارغ کیا۔ ایہ جدائی دا منظر وی عجیب سی ساڈے ہلھاں تے خوشی مچ رہی
 سی پر بچیاں نوں خوشی دے نال نال جدائی دا غم کھا رہیا سی۔ خاص کر اسجد
 اقبال دیاں ڈھانکس نکل سکھیاں۔ اوہ بنے دوجیاں نوں وی غمگین کر چھڈیا۔

حاجی کیمپ دے اندر پہنچ کے اک نواں تجربہ سی زندگی وچ پہلی دفعہ
 ہوائی سفر کر رہیاں۔ اوہدے تقاضیاں توں بالکل ای کورا۔ بس ایہ ای حال
 جیویں کوئی پینڈو پہلی وار کسے شہر آ وڑیا ہووے تے ہر شے نوں حیرانگی نال
 دیکھ رہیا ہووے۔ ایہو حال میرا سی تے میری بیگم؟ اوہ تے پہلے ای کدے
 گھروں باہر نہیں نکلی۔ اوہ دھڑالہ روڈ تے وی شاہدرہ موڑ ولوں چکر کڈھ کے
 جاندی اے۔ آکھدی اے کہ گلیاں وچ بھل جانی آں۔ اوہ تے بس میرے
 چچے چچے ٹری آوے۔ بس چچہ دس کے سارے مرحلے طے کیتے سامان کسٹم
 والیاں کولوں چیک کروا کے بک کروا دتا۔ صرف احرام اک شاپر وچ پا کے
 کول رکھ لئے۔ بورڈنگ کارڈ حاصل کیے۔ ایتنوں فارغ ہوئے تے حکم ہویا
 اوہ سامنے جتے دو بندے میز کرسی لا کے بیٹھے نیں اوتھے حاضری دیہو۔ اوتھے
 گئے تے دیکھا اوہ کنیاں ساریاں زنجیراں میزاں تے کھلار کے بیٹھے نیں۔
 ایسں اوہناں کول حاضری دتی تے اوہناں ساڈے ہتھ وچ وی اک اک زنجیر پا
 دتی گئی جیہد تے نان پاسپورٹ نمبر تے پاکستان لکھیا ہویا سی۔ ایہ اہتمام
 خورے ایس لئی کیا گیا سی کہ پچھلے سال ملی وچ خیمیاں نوں اک لکھن
 نال کئی حاجی مر گئے سن تے اوہناں دی پہچان وی مشکل ہو گئی سی۔ شاید

ایس لئی ایہ اہتمام کیتا گیا سی کہ حادثے دی شکل وچ لوہے دی زنجیر تے مل ای جائے گی جیہدے توں مرن والے دی شناخت ہو سکے گی۔

تھوڑی دیر بعد بساں آکھیاں جہاں تے سوار ہو کے تے ایئر پورٹ اپڑ گئے۔ حاجی کیمپ توں بساں وچ پٹھن ویلے وی قطار بنا کے سوار ہوئے تے ایئر پورٹ اپڑ کے وی لائن بنا کے اپنے دتی بیک چیک کروا کے حاجی لاؤنج وچ داخل ہو گئے۔ ایہ نظم و ضبط بہت اچھا لکھا۔ کاش ایہ نظم و ضبط زندگی سارے شعبیاں وچ پیدا ہو جاوے۔

ایئر پورٹ تے پی آئی اے دی انتظامیہ نے حجاج دی تواضع جاء تے بسکٹاں نال گیتی۔ فیر اعلان کیتا گیا کہ احرام بندھ لئے جان تے نفل ادا کرن توں بعد عصر دی نماز ادا کیتی جاوے۔ نال ای مسجد اے۔ جتھے جا کے وضو کیتا۔ احرام بندھیا۔ نفل ادا کیجے تے بعد وچ نماز عصر پڑھی۔ عورتاں واسطے علیحدہ انتظام اے۔ عورتاں نے وی احرام بندھ کے تے نماز پڑھ لئی۔ جہاز ابے تک نہیں سی آیا۔ آخر اٹھ وچے وچے جہاز آیا تے پتا چلیا کہ ایہدے وچ کوئی خرابی پیدا ہوگئی اے جنہوں دور کیتا جا رہیا اے۔ شام دی نماز وی ایئر پورٹ تے پڑھی تے عشاء وی۔ عشاء دی نماز توں بعد تقریباً ۹ وچے جہاز وچ سوار ہون لئی آکھیا گیا۔ پی آئی اے ولوں حجاج کرام نوں چھتریاں تختے دے طور تے دتیاں کھیاں۔ جہاز نوں سیٹری لگ چکی سی۔ اتھے وی لائن بنا کے جہاز وچ سوار ہو رہے ساں۔ ایہ جمبو جیٹ طیارہ سی جیہدے وچ چار سو ستر حاجی سفر کر رہے سن۔ جہاز وچ پٹھن دا ایہ میرا پہلا موقع سی جیہدی وجہ توں اک عجیب جی حالت سی۔ جیویں کوئی بچہ پہلی دفعہ کے کھڑونے نوں دیکھدا اے۔ سیٹریاں چڑھدیاں ای گیٹ وچ ایئر ہوسٹس نے السلام علیکم کہہ کے مسکرائیاں ہوئیاں استقبال کیتا تے ٹکٹ دیکھ کے سیٹ ول اشارہ کر دتا۔ میری بیگم دی سیٹ دا نمبر 46F سی تے ایہ کھڑکی دے نال سی۔ میری سیٹ دا نمبر 46H سی تے ایہ دوسری رو وچ آ رہی سی پر میں بیگم دے نال دی سیٹ تے بیٹھ گیا تے میری سیٹ تے دوسرے بندے نوں بٹھا دتا گیا۔ میرے نال دی سیٹ نے محمد سلیم بیٹھا ہویا سی تے اوہدی بیگم حاجراں بی بی دی سیٹ دوسری رو وچ سی۔ حاجیاں دے کہن تے عملے نے بہت ساریاں سیٹاں وچ رو و بدل وی کیتا کیوں جے حاجی کیمپ وچ بورڈنگ کارڈ

دین والیاں نے ایس گل دا خیال نہیں سی کیتا تے اکثر میاں بیوی دی سیٹ
علحدہ علحدہ لائیاں وچ آ رہی سی پر عملے نے پورا پورا تعاون کیتا تے
سیٹاں درست کر کے بٹھا دتا۔

فیر اعلان ہویا کہ جہاز مزید لیٹ اے۔ ایس سوا دس بجے فلائی کر
سکاں گے۔ دس بجے دوبارہ اعلان ہویا کہ جدہ ایئر پورٹ توں اوتھے اترن دا
جیہڑا ٹائم ملیا اے اوہدے مطابق ایس ہور لیٹ روانہ ہواں گے۔ ایس لئی پہلے
کھانا کھا لو۔ لیہدے نال ای عملے نے فٹ کھانے دی تیاری شروع کر
دی۔ اگلی سیٹ دے پچھلے پاسے اک تختی جیہڑی فولڈ ہوئی سی اوہنوں کھولن تے
اک چھوٹی جیہڑی میز تیار ہوئی۔ ایس طرحاں ہر بندے دے سامنے اک نئی
جیہڑی ٹیبل تیار سی تے عملے نے اوہدے لیا کے کھانا لگا دتا۔ کھانے توں بعد
چاء دا دور چلیا تے فیر سامنے اک وڈی ساری سکرین روشن ہو گئی تے اک
الٹرنیٹو ظاہر ہوئی۔ جیہدے ہتھ وچ اک بیلٹ سی تے مسکرا مسکرا کے اوس
بیلٹ نال کھیڈنا شروع کردتا میں سمجھا خورے کوئی کرتب دکھا رہی اے۔ پر
جدوں غور کیتا تے پتا چلیا کہ اوہ سیفٹی بیلٹ بنھن دا طریقہ دس رہی اے۔
فیر اوس ٹیبل نے ماسک نال کھیڈنا شروع کردتا یعنی ماسک بنھن دا طریقہ دسیا
کہ جے ہوا دی کمی ہو جاوے تے کنج بن دبا کے ماسک کڈھنا اے تے
کیویں تک تے چڑھا لینا اے تاں جو ساہ ٹھیک طریقے نال آؤندا رہوے۔
اوہ الٹرنیٹو سکرین توں غائب ہوئی تے میں آپ بیلٹ نال کھیڈن لگ پیا۔
تن چار واری بیلٹ بنھ کے تے کھولی۔ اپنی بیگم نوں بیلٹ بنھن دا طریقہ
سمجھان دی کوشش کیتی پر اوہ آکھن لگی میٹھوں نہیں بچھدی آپے ای بنھ دیا
جے۔

سوا بارہاں بجے جہاز نے فلائی کیتا۔ پہلا تجربہ ہون کر کے ہر گل
میرے واسطے نویں سی۔ بہت ساریاں گلاں دا پتا چلیا۔ میرا خیال سی سیفٹی بیلٹ
ایس لئی بنھی دا اے کہ شاید جہاز اڈن لکیاں جھٹکے ماردا اے تے بندہ سیٹ
توں ڈگ ڈگ پیندا اے۔ ایس لئی سیفٹی بیلٹ نال اوہنوں سیٹ نال جھکڑ دتا
جاندا اے۔ میں جھٹکیاں دا انتظار کردا رہیا پر ایسی کوئی گل نہ ہوئی۔ جہاز
نے آہستہ آہستہ چلنا شروع کیتا تے فیر یکدم دوڑدا ہویا بلند ہو گیا۔ ایس
دوڑ وچ اک واری اک گڑگڑاہٹ ضرور شامل ہوئی سی تے فیر انج سی جیویں

جہاز ہوا وچ معلق کھڑا ہووے۔ سکرین فیر روشن ہوگئی تے اعلان ہویا کہ اسیں ۳۵۰۰۰ فٹ دی بلندی تے پرواز کر رہے آں۔ فیر سکرین تے جج دی فلم چلنا شروع ہوگئی تے لہدے نال ای جہاز وچ لبیک اللہم لبیک دیاں آوازاں بلند ہوئیاں۔

اک دفعہ جہاز نے بہت زیادہ ڈولے کھانے شروع کر دتے۔ جیویں بس دے سفر وچ خراب سڑک تے لاری وچ جھکے گدے نیں تے سواری اکدوہجے تے ڈگ ڈگ پیندیاں نیں۔ انج ای حال سی۔ سکرین تے فیر اوہ ای شیار ظاہر ہوئی تے اعلان ہویا کہ سیٹھی ہیلٹ منہ لوو۔ موسم خراب اے۔ گھبرانا نہیں۔ اسیں تھوڑی دیر تک ایس علاقے چوں گزر جاواں گے۔ تھوڑی دیر بعد ای جہاز فیر پرسکون ہو گیا۔ ایئر ہوسٹساں نے مشروب تقسیم کرنے شروع کر دتے۔

میرا سفر تے تجسس نال گزر رہیا سی۔ میں تے سیٹ تے کولبس بن کے بیٹھا نویں نویں دریافت وچ لگا ہویا ساں۔ ہاں میرے لئی ایہ دریافتیں نویاں ای سن۔ میں سیٹ دے نال آگے بٹناں نوں دھا دھا کے دیکھ رہیا ساں ایہ کاہدے لئی نیں۔ سیٹ پچھے گئی۔ آگے آئی۔ ہیڈ فون لا کے دیکھیا۔ بار بار کھڑکی چوں باہر وی دیکھدا پر نمبرے دے سوا کچھ نظر نہ آؤندا۔ البتہ جدوں اسیں لاہور ایئر پورٹ توں فلائی کیتا سی تے منظر بڑا خوبصورت سی۔ شہر دیاں روشنیاں نظر آ رہیاں سن تے فیر جیویں جیویں جہاز بلند ہوندا گیا تے ایہ روشنیاں نظر آؤنیاں بند ہو گئیاں۔ فیر جدہ ایئر پورٹ دے لاگے جا کے جہاز نے نیویں پرواز شروع کیتی تے فیر ایہ منظر بڑے خوبصورت لگے۔ ہر پاسے روشنی دیاں قطاراں سن۔ اودھر اعلان ہو رہیا سی کہ اسیں 30 منٹ بعد لینڈ کراں گے۔ سیٹھی ہیلٹ منہ لئے جان۔ عملے نے پیک ناشتہ تقسیم کرنا شروع کر دتا تے کہیا ایہ ڈبہ رکھ لوو ایہ تہاڈے ایئر پورٹ تے کم آوے گا تے ساڈی یاد دلائے گا۔ اوتھے تہانوں واواہ وقت لگنا اے۔

لبیک اللہم لبیک

☆☆.....

حجاز دی زمین تے

۱۹ مارچ ۱۹۹۸ء 'چار گھنٹے تے ویہ منٹ دی پرواز توں بعد' سعودی ٹائم مطابق ۲ وج کے عیسیٰ منٹ تے ایس جده ایئر پورٹ تے لینڈ کیتا۔ ایہ دنیا دا بہت وڈا ایئر پورٹ اے۔ شاید سب توں وڈا۔ سب توں زیادہ پروازاں دی اتھے آؤندیاں ہوں گیاں کیوں جے پوری دنیا توں حجاج کرام آؤندے نیں۔ دنیا دا سب توں وڈا اجتماع ایس دھرتی تے ہوندا اے۔ سب توں وڈے نبی حضرت محمد ﷺ ایس دھرتی تے تشریف لیائے سن۔ حج دے دن نہ ہوں تے پوری دنیا توں مسلمان عمرا ادا کرن واسطے سارا سال آؤندے رہندے نیں۔ ایہ دنیا دا جدید ترین ایئر پورٹ اے جنہوں ملک عبدالعزیز بن الاثوای ہوائی اڈا King Abdul Aziz International Airport آکھدے نیں۔ ایہ مدینہ روڈ تے تقریباً اک سو بیس مربع کلو میٹر وچ پھیلایا ہویا اے ۱۹۷۴ء نوں لیہدی لیہدی تعمیر شروع ہوئی تے ۱۸ رجب ۱۴۰۱ھ نوں شاہ خالد بن عبدالعزیز نے لیہدا افتتاح کیتا۔ لیہدی تعمیر وچ ۳۵ مختلف ملکاں دے یاراں ہزار بندیاں نے حصہ لیا۔ (جاوہ شوق و محبت۔ از شا کرکنڈان)

ایہ ایئر پورٹ پنجاب صباں وچ وڈیا ہویا اے۔ ایس جس حصے وچ اترے ساں ایس حصے نوں حج ٹرمینل آکھدے نیں۔ اتھے صرف حج پروازاں اتردیاں نیں۔ ایہ بہت وڈا تے جدید ترین ایئر پورٹ اے۔ سگوں پوری دنیا وچ تعمیر دے فن دا ایہو مہما شاہکار ہور کتے نہیں۔ جہاز نوں اترن چڑھن لئی بوڑی نہیں لائی جاندی۔ جہاز لینڈ کردا اے تے اک گیلری سٹیم کے دروازے تال آ گدی اے۔ دوروں دیکھے تے انج لگدا اے جیویں وڈے وڈے صحرائی خیمے لا دتے گئے ہوں۔ میں جاندیاں تے لہوں پھر کے نہیں دیکھ سکیا پر واپسی تے وقت مل گیا تے ایس ٹرمینل نوں پھرڑ کے چنگی طرحاں

دیکھیا۔ ایسھے وجہ اک بڑی سونی مسیت اے۔ بیٹار آرام گاہواں لیہارڑی ڈسپنری مارکیٹ ان گنت حمام ٹھڈے پانی دے کولڑ ہوٹل ٹیلی فون بوتھ (سکے تے کارڈ ٹال استعمال ہون والے) پوسٹ آفس بینک صراف ہوائی کمپنیاں دے دفتر تے ٹیکسی سٹینڈ بس سٹینڈ سب کچھ موجود اے۔ شاکر کنڈان ایسھے دی بناوٹ بارے اپنی کتاب وجہ لکھدا اے۔ ”خیمیاں دی تعداد تن سو دس اے۔ ہر خیمہ 45x45 میٹر سائز دا اے جیہڑا تقریباً چھ منزلا عمارت توں وی اچا اے۔ ایہ دنیا وی سب توں وڈی چھت اے۔ ایہ چھت گرمی توں جذب کرن والے مادے Teflon coated Glass Fiber ٹال بنائی گئی اے۔ ایہدی تیاری وجہ پنج لکھ دس ہزار مربع میٹر کپڑا اک لکھ اسی ہزار ٹن بجری پتھر تے بتی میل لما لوہے دا سریا استعمال ہویا اے۔

(جادو شوق و محبت صفحہ ۵۵)

دوسرا حصہ سعودی ایئر لائنز (مطار داخلی) اے۔ جتھے صرف سعودی ایئر لائنز دے طیارے آؤندے جاندے نیں۔ ایتھے مسافراں لئی سٹھ کمریاں دا ہوٹل اے تے ہر قسم دیاں سہولتاں موجود نیں جیہدے وجہ بینک پانی مسیت تے پارک وغیرہ شامل اے۔ (ایسیھے حصے توں جدوں میں تے جمیل صاحب ۲۰۰۰ء وجہ عمرا کرن گئے ساں تے پھر ٹرکے دیکھدے رہے)۔

تیسرا حصہ انٹرنیشنل ایئر لائنز ٹرمینل (مطار خارجی) اے۔ ایہ سعودی ایئر لائنز توں دس کلومیٹر شمال ول اے۔ ایس لئی ایہوں شمالی ٹرمینل وی آکھدے نیں۔ ایس ٹرمینل تے پوری دنیا توں پروازاں آؤندیاں نیں۔ میں جدوں ۱۹۹۹ء وجہ عمرہ کرن گیا ساں تاں مینوں ایہ ٹرمینل پھر ٹرکے چنگی طرحاں دیکھن دا موقع ملیا۔ ایس ٹرمینل تے وی مسافراں لئی ساریاں سہولتاں موجود نیں۔ ایس ٹرمینل توں بساں دے ذریعے مسافراں توں جہاز تک پہنچایا جاند اے۔

چوتھا حصہ صائقہ الملکی (رائل فیملی ٹرمینل) اکھاند اے۔ ایہ V.I.P اے۔ ایتھوں سعودی خاندان دے خصوصی طیارے پرواز کر دے نیں۔ ایہ گنبد نما عمارت دانگوں بنایا گیا اے۔ دوہے مکاں دے بادشاہ صدر تے وزیر وغیرہ وی ایسے ٹرمینل تے آؤندے جاندے نیں۔ ایتھے دس ہزار مربع میٹر دا اک سلائی دا چھوٹا تے پریگراؤنڈ وی اے (جادو شوق و محبت)

بجواں حصہ ائیر فورس ٹرینٹل اے جیہڑا صرف ائیر فورس دے استعمال

واسطے اے۔

اتھے اترویاں ای عورتاں تے مرداں نوں وکھرا وکھرا کر دتا گیا۔ اتھے
پنچدیاں ای محسوس ہویا کہ اسیں جی جی کے غیر ملک وچ آ گئے آن جتھے
کوئی ساڈی زبان نہیں سمجھدا۔ ویسے سعودی عملے دا رویہ ہمدردانہ تے مہربانہ
سی۔ اوہناں دی گفتگو وچ تخی وی سی تے ہمدردی وی۔ سمجھ نہیں سی آؤندی
کہ اوہناں دے ایس رویئے نوں کیہ ناں دتا جاوے۔ قاری کرم داد دی
ہدایت مطابق اسیں زرد کارڈ پہلوں ای ہتھاں وچ پھڑ لئے سن۔ جہاں دے
ہتھاں وچ زرد کارڈ نہیں سن اوہناں نوں عملے دے بندے آکے کارڈ پھدے
تے چیک کردے تے جھدے جتھ وچ کارڈ سی ادھرا کارڈ چیک کرن دی
تکلیف اوہناں گوارا نہ کیتی۔ ایہ زرد کارڈ اصل وچ گردن توڑ بخار دا ٹیکہ
لگ جان دا تصدیق نامہ اے۔ جے کسے کوں ایہ کارڈ نہ ہونوے یا ٹیکہ نہ لگا
ہونوے تے پہلے اتھے اوہنوں ٹیکہ لایا جاندا اے۔ خدا خدا کر کے ایہ پہلا
مرحلہ مکاتے دوجا مرحلہ سامان تلاش کرن دا سی۔ حاجی اپنے اپنے بیگ لھن
لئی ایدھر اودھر نس بھیج رہے سن۔ میں وی اپنا سامان لھن لگ پیا جے اپنے
چہ وچ میری بیگم دویں بیگ چک کے لے آئی تے آکھن لگی میں پہلے ای
تلاش کر لئے نہیں۔ اتھے فیر دو لائناں لگ سکھاں اک عورتاں دی تے دوجی
مرداں دی۔ داری واری سامان چیک کروانا شروع کیتا۔ اک بیگ میرے کول
سی تے اک میری بیگم کول اوہ جھمتی ای چیک کردا کے ہال توں باہر چلی
گئی۔ میں لائن وچ کھلوتا سوچ رہیا ساں ایہ چھوٹا جیہڑا جنگلا بھلا پاکستانیاں نوں
کیہ آکھدا اے؟ جے پرایا دیس نہ ہوندا تے ہن تک ایہ لوک چھالاں مار
کے جنگلا کراس کرچکے ہندے۔ حالے میں ایہ سوچ ای رہیا ساں جے پاکستانی
بھراواں نے جنگلا کراس کرن دی سکیم کڈھ لئی۔ میں اک نوجوان نوں
دیکھیا جیہڑا اپنا اٹیچی اگے اگے کر رہیا سی تے اپنی واری نالوں پہلے کھن دی
کوشش وچ سی۔ میں اوہنوں کہیا ”بیٹا لائن وچ لگ جا“ اوہ ہس کے کہن لگا
فکر نہ کرو میں اگے جا کے نہیں لگدا تے جاواں گا تہاں توں پہلے۔ ایہ جے وچ
اودھری بیگم نے جھگے دے دوجے پاسے آکے تے جھگے دے اتوں دی اٹیچی پھڑ
لیا تے اوہ بغیر لائن توں پار چلا گیا۔ بس فیر کیہ سی؟ بغیر لائن توں اگے

جان ترکیب ج گئی۔ جہاں نال عورتاں سن اوہ لائن وچ لگ کے باہر جاندیاں تے جھگے دے اتوں دی اپنے ساتھیاں کولوں سامان پھڑلیدیاں (عورتاں دی واری جیتی آرہی سی) تے ساتھی بغیر لائن توں ای اندر چلے جاندے۔ میرے ورگے جھڑے لائن وچ لگے ہوئے سن جہاں نال عورتاں نہیں سن یاں عورتاں پہلے باہر جاچکیاں سن) گھنٹیاں انتظار کروں رہے۔ خدا خدا کر کے ایہ مرحلہ طے ہویا۔ انج سعودی نرے بادشاہ ہندے نیں۔ طبیعت دے بادشاہ۔ دل چاہندا تے بیک دی زپ کھول کے جھاتی مار دے تے آکھدے ٹھیک اے جاؤ۔ دل کردا تے ہر شے ادھیڑ کے رکھ دیندے۔

سامان چیک کروا کے ہال چوں نکلیا بیک ٹرالی تے رکھیا تے پاکستانی لاؤنچ وچ پہنچ گیا۔ میری بیگم اوتھے میرا انتظار کر رہی سی۔ اپنے وچ دن چٹا ہو گیا سی۔ نماز دا ویلانگ ہو رہیا سی۔ پاکستانی لاؤنچ وچ نماز فجر ادا کیتی۔ اوتھے ای جہاز توں ملیا ہویا ناشتا کیتا تے معلم دا انتظار شروع ہو گیا۔ ایہ خوشیاں تے چاواں بھریا سفر اڈیکاں بھریا سفر دی سی۔ تھوڑی تھوڑی دیروی اک لمی اڈیک محسوس ہندی سی۔ پل پل گزارنا اوکھا ہو یا سی لمحہ لمحہ دی رکاوٹ صدیاں تے کھری لگدی سی۔ اپنے وچ معلم دے کارندے آگئے تے حکم ہویا ”لائن بناؤ“ ایہ کارندے پاکستانی سن۔ حاجی اپنا اپنا سامان لیکے لائن وچ کھڑے ہون لگ پئے۔

ساڈا گروپ لیڈر حاجی محمد صدیق (ٹرالی میکر جیاموسی) سی۔ ایہ بندہ لاہور ایئرپورٹ توں بعد سانوں کتے نظر نہیں آیا حالاں گروپ لیڈر دی حیثیت نال لہووں چاہیدا سی کہ حاجی لاؤنچ وچ پہنچ کے اپنے ساتھیاں نوں اکٹھا کرے پر ایہ تاں غائب سی۔ لگدا سی ہر مرحلے وچ سب توں پہلے اگے نکل گیا اے۔ جدوں اسیں گروپ لیڈر نوں غائب پایا تے اسان تیراں بندیاں نے فوراً اپنا گروپ ترتیب دے لیا تے عہد کیتا کہ اسیں اکٹھے رہواں گے۔ ایہ تیراں بندے ایہ سن۔ راقم (اقبال زخمی) اقبال بیگم (میری جیون گڈی دا دو جا پھیہ) محمد طاہر منزہ (مسز طاہر) نسرین (طاہر دی بھین) محمد سلیم حاجراں بی بی (سلیم دی گھروالی) ذوالفقار تسلیم بی بی (ذوالفقار دی بیگم) مائی بشراں (بیوہ عورت) خورشید احمد والدہ خورشید رشیداں بی بی (بیوہ عورت) لہذا اسیں اکٹھے ای اکو بس وچ سوار ہوئے۔


☆☆.....

حدود مکہ وچ پہلا سجدہ

بس جدہ ایئرپورٹ توں چلی تے پہلا سٹاپ اوہنے چیک پوسٹ تے
 کیجا۔ بس رکدیاں ای دو لڑکے بس وچ داخل ہوئے تے اوہناں حاجیاں نوں
 آب زم زم پلایا۔ ڈرائیور پاسپورٹ چیک کران چلا گیا تے اسیں اتر کے
 اوتھے بنی ہوئی مسجد وچ چلے گئے۔ وضو کیجا تے اسیں سرزمین تے داخلے دے
 شکرانے وجھوں دو نفل ادا کیجے۔ جدوں پہلی وار اسیں سرزمین تے سجدے وچ
 سر رکھیا تے سرور ای آ گیا۔ دل مچل گیا تے اکھاں وچوں ہنجو جاری ہو گئے۔
 عورتاں نے وی عورتاں والے حصے وچ جا کے نوافل ادا کیجے تے اللہ دا شکر ادا
 کیجا۔ سعودیہ وچ ہر مسجد وچ عورتاں واسطے علیحدہ حصہ مخصوص اے جتھے عورتاں نماز
 ادا کردیاں نیں۔ اسیں نفل ادا کر کے تے واپس بس وچ آ گئے۔ ڈرائیور کاغذ چیک کروا
 کے آچکاسی۔ بس روانہ ہوگئی۔ اسیں مقام توں اگے غیر مسلم دا داخلہ ممنوع اے۔
 اوہ بس معلم دے ڈیرے تے جان دی تھاں اوہدے اک دوست دے
 مکان تے رکی جیہڑا مکان کرائے تے دیندا سی۔ اوس سانوں رہائش دی آفر
 کیتی پر اسان مل کے مشورہ کیجا کہ پہلوں اسیں دیکھ لئے کہ ایجنوں حرم
 پاک کتنی دور اے تے جے اسیں دوران کوئی معقول رہائش مل جاوے تے
 اوتھے ٹر چلئے۔ اسیں عورتاں نوں اوتھے ای بٹھا کے تے آپ حرم پاک ول
 چلے گئے۔ کئی مکان وی دیکھے پر کوئی معقول رہائش نہ ملی۔ کسے دا کرایہ زیادہ
 سی تے کوئی تیسری منزل تے سی۔ کوئی پہاڑی تے سی تے کوئی انج چھوٹا سی
 تے اکو کمرہ سی۔ ساڈے نال ضعیف عورتاں سن۔ اک عورت معذور وی سی۔
 اسیں چاہندے ساں کہ اک تے مکان گلیاں وچ نہ ہووے رستا سدھا ہووے
 جتھے عورتاں گلیاں وی پہنچ سکن۔ دوجا فلور تے ہووے یا پہلی منزل تے۔ کمرہ

وڈا سارا ہووے یاد دکرے ہوون۔ کچھ سستے مکان ملے پر اوہ گلیاں وچ سن جتھے کلی عورت
دے رشتا بھل جان دامسلہ ہو سکدا سی۔ ایس لئی او سے مکان نوں ترجیح دتی تے نو ہزار پنچ سو وچ
دو کمرے کرائے تے لے لئے۔ سامان کمریاں وچ رکھیا۔ اک کمرے وچ میں تے میری بیوی
اقبال بیگم، محمد طاہر، اوہدی بیوی منزہ، اوہدی بھین نسرین بی بی، محمد خورشید، اوہدی والدہ ٹھہرے
ساں جدوں کہ دو جے کمرے وچ ذوالفقار تے اوہدی بیوی تسلیم اختر، محمد سلیم تے اوہدی بیوی
حاجراں بی بی، مائی رشیداں بی بی تے مائی بشیراں بی بی سن۔ اتھے ای ایس معلم ولوں آیا کھانا
کھاد تے حرم پاک ول لبیک الہم لبیک دے نعرے مار دے ٹر پئے۔ عصر دی نماز
حرم پاک دے باہر ای ادا کیستی کیوں جو جماعت ہو رہی سی تے جتھے وی تھاں ملی او تھے ای جا نماز
بچھا کے چھیتی نال جماعت نال شامل ہو گئے۔ نماز ادا کر کے تے فیر حرم پاک ول ٹر پئے۔

لبیک الہم لبیک



حرم پاک وچ داخلہ

عصر دی نماز پڑھ کے ”باب السلام“ دے رستے حرم پاک وچ داخل ہوئے۔ میری عجیب حالت سی۔ جذبات نوں لنگھاں دا روپ نہیں دتا جا سکدا ایس لئی میں اپنی حالت بارے کیہ دساں۔ آنکھ دے نیں حرم پاک تے پہلی نظر پوے تے جو وی دعا منگئے منظور ہو جاندی اے۔ میں پورا مہینہ سوچدا رہیا ساں کہ ایہ منگاں گا اوہ منگاں گا پر اوتھے پہنچ کے کچھ یاد ای نہیں سی ”باب السلام“ تک تے کیفیت ہوئی۔ طبعیت وچ جوش خوشیاں سدھراں تے چاواں دا ہنگامہ جیسا ایسے ہنگامے وچ کچھ منگن دیاں سوچاں سن۔ پر دروازے توں اندر داخل ہندیاں ای کیفیت ای بدل گئی۔ نظراں نیویاں سن۔ میرے سو سو من بھارے ہو گئے سن۔ قدم ڈول رہے سن انج سی جیویں کوئی مجرم شرمندہ شرمندہ کھڑے دل جا رہیا ہووے۔ میرے منجھ نہیں سن جا رہے تے آہستہ آہستہ چل رہے ساں۔ کچھ ایہو جی کیفیت ای میری بیگم دی سی تے اوہ میرے نال نال انج چل رہی سی جیویں کوئی مجرم کھدا کھدا ہوشی بھگتن جا رہیا ہووے۔ جدوں من وچ پہنچ کے نظراں اتانہ چکیاں تے سامنے اوہ کالا کوٹھا نظر آیا۔ اوہ دے دل نظر پندیاں ای اک بجلی جیسی لہرا گئی۔ اپنی جلالت محسوس ہوئی کہ کچھ ہوش ای نہ رہی تے زبان دھوں اچانک نکلیا ”یا

اللہ تیرا پاپی مجرم حاضر اے لہوں بخش دے“ تے لہدے نال ای ڈھائیں
 نکل کھیاں تے بے اختیار سر جھدے وچ سٹ دتا۔ کافی دیر جھدے وچ پیا روہدا
 رہیا جدوں دل کجھ ہلکا ہویا تے اٹھیا۔ دیکھیا تے نال ای جھدے وچ ڈگی
 میری بیگم ہلک رہی سی۔ میں محسوس کیتا اوہدی حالت میرے نالوں وی غیر ہو
 رہی سی۔ مگن وچ آب زم زم دے کول رکھے ہندے نیں۔ اوتھوں آب زم
 زم پیتا تے کجھ سکون ہویا۔ فیر اللہ دے گھر ول قدم ودھائے۔ طواف کرن
 والیاں دے وچوں دی لکھدے ہوئے کعبے دے کول پہنچے۔ غلاف نوں بوسہ
 دتا۔ تے فیر ہنجر جاری ہوکھیاں۔ دل نال کیجے ہوئے وعدے یاد آئے کہ میں
 کیہ کیہ منگاں گا فیر پتا نہیں میں اوہ چیزاں منگ سکیاں کہ نہیں کجھ یاد
 نہیں۔ پر نہیں دل نے آکھیا سی ”منگ ارے نادان منگ“ اج منگن دا ویلا
 اے تے توں اوس گھر دے سامنے کھڑا ایں جھدے دل سدا موجہ کر کے
 منگدا رہیا ایں۔ اج تے ویلا بنیا اے۔ اج تے موقع نکا اے۔ اج ای تے
 واری آئی اے۔ اج ای تے ویلا اے۔ فیر خورے ایہو جھیا ویلا لھے کہ نہ
 تے نال ای میں منگنا شروع کیتا۔ منگن لگ پیا پر کیہ؟ فیر بھل گیا، کیہ
 منگاں؟ بار بار اوہو ای لفظ زبان تے آجاندے ”یا اللہ تیرا مجرم حاضر اے۔
 لہوں بخش دے“ میں فیر کجھ ہور منگن لگدا تے فیر مونہوں ایہو ای لفظ نکل
 دے ”کجھ سکون ہویا تے پچھے ہٹ کے کعبے ول مونہہ کر کے بہہ گئے۔ نہ
 اکھاں دیکھوں رجدیاں سن تے نہ دل بھر دا سی۔ ایسے ای شغل وچ شام ہو
 گئی۔ مغرب دی نماز توں بعد طواف کیتا مقام ابراہیم دے سامنے نفل ادا
 کیجے آب زم زم پیتا تے عشاء دا ٹائم ہو گیا۔ عشاء دی نماز پڑھ کے سعی (صفا
 مروا دے درمیان دوڑنا) کیتی۔ شکرانے دے نفل ادا کیجے تے ہنڈ کروان چلا
 گیا۔ ٹنڈاں کرن والے نائی ساڈے پاکستانی نیں تے اوہناں دا اوہ ای انداز
 اے کہ جو کھوہ سکدے او کھوہ لوو۔ میں اک نائی توں ریٹ پچھیا تے اوس
 بیچ ریال دے۔ (پاکستانی ہاتھ روپے پنجاہ پیسے) میں ٹنڈ کروانی شروع کیتی جے
 اک ہور بندہ آ گیا۔ اوہنے ریٹ پچھیا تے سودا کرن لگ پیا آخر تن ریال
 وچ سودا ہو گیا۔ مینوں پتا لگا کہ اتھے تے ایس کے جیہے کم لئی وی سودا کرنا
 پیدا اے۔ میں نائی نوں کہیا توں پاکستانی ایں میں وی پاکستانی آں۔ مینوں
 نہیں سی پتا کہ ایس کم لئی وی سودا کرنا پیدا اے۔ میرا خیال سی ریٹ مقرر

ہون گے۔ ہن دس کئے پیسے دیاں تے اوہنے تن ریال ای لئے۔
 ایتھوں فارغ ہو کے گھر ول پرتے۔ راہ چوں مدینہ ہوئل توں کھانا لیا۔ حج دے
 دناں وچ مدینہ ہوئل دے کھانے دال چھ ریال ہندا اے۔ سبزی، گوشت، قیمہ، پاوے مرغی جو
 مرضی لے لوو۔ ریٹ چھ ریال ای اے۔ دال پنج ریال وی اے۔ نال تن روٹیاں بندیاں
 نیں۔ اک کھانے وچ دو بندے رنج لیندے نیں۔ اسیں کھانا لے کے سدھے گھر آ گئے۔
 ساڈنے ساتھی پہلے ای پہنچ چکے سن۔ گھر آ کے احرام کھولیا۔ نہا کے تے عام کپڑے پہن لئے۔

مسجد جعرا فہ



بیت رسول ﷺ تہ حاضری

۲۰ مارچ ۱۹۹۸ء رات پروگرام بنیا سی کہ صبح سویرے سویرے جا کے طواف کرنا ایں۔ ایہدے وچ کوئی شک نہیں کہ کچھلی رات جہاز وچ جاگ کے گزاری سی۔ فیر سارا دن مختلف مراحل طے کیے۔ عمرہ کیا۔ رات ستیاں ہوش ای نہ رہی کہ کتھے پئے آں پر بیگم صاحبہ نے اپنی عادت مطابق ساڈھے تن وچے رولا پانا شروع کر دتا ”اٹھو اٹھو چار وچ گئے نہیں“ تے انج چار وچے تک اسیں اٹھ کے وضو کر کے تیار ہو گئے (میری بیگم دی عادت اے کہ جے رات اوہنوں کہہ دیئے کہ فلاں وقت جانا اے تے اوہ ساری رات سوں نہیں سکدی تے ہمیشہ وقت توں ادھا گھنٹا پہلے اٹھا کے تیار کرا دیدی اے) ایتھے وی اوہنے ایہو کچھ کیا۔ اسیں وضو کر کے تیار ہو کے باہر نکل آئے۔ جدوں سڑک تے آئے تے ان گنت لوک حرم پاک ول جا رہے سن۔ رستے وچ ای اذان ہوگئی۔ اسیں طواف شروع کر دتا۔ بیگم کہن لگی طواف پورا ہو جائے گا؟۔ ایتھے تے اذان توں تھوڑی دیر بعد ای جماعت کھڑی ہو جاندی اے۔ (اوتھے جج دے دناں وچ اذان تے جماعت وچ صرف پنج منٹ دا وقفہ ہوندا اے۔ سبھاں مشکل نال ادا کری دیاں نہیں) میں کہیا اوہ اذان فجر دی نہیں سی تہجد دی سی۔ بے فکر ہو کے طواف پورا کرو۔ اسیں طواف مکمل کر کے اچھے نفل ادا کیے ای سن جے صبح دی اذان ہوگئی۔ نماز فجر توں فارغ ہو کے میں بیگم نوں نال لیا تے حضور ﷺ دے پیدائشی گھر دے پوہے اگے جا کھلوتے۔ ایتھے ہن اک لائبریری قائم اے۔ عرب دی حکومت نے پرانے سب نشان مٹا دتے نہیں۔ نہیں مٹا سکے تے کعبہ اللہ تے روضہ رسول ﷺ نوں۔ دروازہ بندی۔ ایتھے لائبریری دے پوہے اگے اک بندہ ڈیوٹی ادا کر رہیا

سی۔ خورے کوئی شرط سی بغیر وردی توں۔ پر شرط کیوں ہو سکدا سی اوہ تے اردو
 بڑی روانی نال بولدا سی۔ بہر حال اوہ ڈیوٹی دے رہیا سی تے جیہڑے وی لوک
 بیت رسول ﷺ دی زیارت کرن آؤندے حکم دیندا کہ پرے کھلو کے کعبے
 ول مونہہ کر کے دعا کرو تے چلے بنو۔ حکم مطابق لوک انج ای کر رہے سن پر
 میرا دل گل گیا میں اگے ودھ کے مکان دیاں دیواراں نوں ہتھ لایا۔ دیوار نوں
 چماتا تے اوہ کہن لگا شرک شرک پرے ہٹو۔ میں پرانہ ہو گیا پر دروازے دے قریب
 ای کھلوتا رہیا تے چشم تصور وچ اوس ویلے نوں واج ماری جدوں حضور ﷺ گھر
 چوں نکل کے کعبہ شریف ول تشریف لے جائدے سن۔ میں کئی دیر ای اوس بیت
 سے نوں واجاں دیندا رہیا تے اوس ویلے نوں بلانڈیاں بلانڈیاں میریاں اکھیاں
 چوں آنسو جاری ہو گئے۔ اوہ رکھوالا چپ کر کے میری حالت دیکھدا رہیا پر اوہنے
 میںوں مڑ کجھ نہیں کہا۔ ہور آون والیاں نوں اوہ دور ای ڈک دیندا رہیا۔

میری چشم تصور وچ اوہ مکان وی آیا جیہڑے وچوں ابولہب دی بیوی دیوار
 دے اتوں دی حضور ﷺ دے گھر گندگی سٹ دیندی سی تے آپؐ فرمادے
 ”چاہی ایہ کہو جی ہسائیگی اے“ کدے میں سوچدا ایتھے ای اوہ راہواں ہون
 گیاں جہاں وچ کفار کنڈے وچھا دیندے سن۔ میں کئی دیر ہنچو وگاندا رہیا۔
 کافی دیر بعد میں ایس استغراق چوں باہر آیا۔ اوس راکھے نال سلام دعا لئی تے
 اوہدے کولوں پچھیا حضور ﷺ دے زمانے دے کجھ ہور نشانات دس۔
 حضرت خدیجہؓ دا مکان کتھے سی اوس تھاں دی نشان دہی کر۔ حضور ﷺ
 دے خاندان دے ہور مکان کتھے کتھے سن۔ ذرا کجھ دس۔ اوہ کہن لگا ”
 میرے علم وچ کجھ نہیں تے ایہ لوک کجھ دن نوں تیار نہیں ایس لئی
 تہانوں پتا نہیں لگ سکدا۔ تسیں ایس سڑک تے ٹرے جاؤ تے اگے قبرستان
 اے جنہوں جنت المعلیٰ آکھدے نیں اوتھے حضرت خدیجہؓ دا مزار مبارک
 اے۔ اوہدی زیارت کر لو۔ اوس بندے نوں کیہ پتا سی کہ ایس اک اک
 نشان دیکھن دے بھکھے آن۔ ساڈیاں اکھاں تے زیارتاں کرن لئی ترس
 رہیاں نیں پر اوتھے تے جنہوں وی کجھ پچھو کوئی راہنمائی نہیں کردا۔ ہر
 گل دا اک ای جواب اے ”واللہ اعلم“ ساڈے گروپ چوں میں کلاساں جیہڑا
 ہر چیز دی کھوج کرنا چاہندا ساں۔ باقی بندے تے ”جو پتا چلے دیکھ لو
 تے کعبے دی زیارت کرو“ دے قائل سن۔

جنت المعلیٰ دی زیارت

اسیں (میں تے میری بیگم) پیدل ای قبرستان ول ٹرپے۔ قبرستان توں پہلے دو یاو گار مسیحاں آوندیاں نیں۔ اک مسیت دے کول گئے۔ مسیت نوں تالہ لگا سی۔ ایس مسیت دا ناں سی۔ اوتھے اک انڈونیشا دا قافلہ دروازے اگے کھڑا دعا مانگ رہیا سی۔ مسجد دا دروازہ بند سی۔ اسیں وی دروازے اگے کھلو کے دعا مانگی تے اگے ٹرپے۔ اسیں جنت المعلیٰ جان دی بجائے پہلوں اگے نکل گئے تے ”مسجد جن“ پہنچ گئے۔ اتفاق نال دروازہ کھلا مل گیا۔ اسیں مسجد دے اندر داخل ہو گئے تے نفل ادا کیجے۔ دعا مانگی تے باہر نکل آئے۔ ایہ مسجد اوس تھاں تے بنائی گئی اے جتھے جتاں نے حضور ﷺ نال ملاقات کیتی تے اسلام قبول کیا سی۔

واپس آ کے جنت المعلیٰ وچ داخل ہوئے۔ اوتھے عورتاں دا داخلہ ممنوع اے۔ (عرب وچ عورتاں نوں قبرستان جان دی اجازت نہیں) دروازے چوں داخل ہندیاں ای اک شیڈ بنایا گیا اے۔ عورتاں نوں اوتھے ای روک لیا جائدا اے۔ پہلے وی کئی عورتاں اوتھے بیٹھیاں سن جہاں دے ساتھی اندر چلے گئے سن۔ میں وی بیگم نوں اوتھے چھڈیا تے آپ اندر چلا گیا۔ پہلے میں نوں قبرستان دیکھدا رہیا۔ اک بندہ کنیاں ساریاں قبریں کھول کے بیٹھاسی۔ ایہ قبریں کھیاں نیں۔ جہاں دے اتے سمعت دیاں سلاں رکھ کے بند کر دتا جائدا اے۔ فیر دوبارہ کھول کے تے اوتھے ہووے مردے دفن کردتے جائدے نیں۔ میں اندر جھاتی مار کے دیکھیا تے اوس بندے نوں پچھیا پہلے مردیاں دیاں ہڈیاں وغیرہ کتھے نیں۔ اوہ کہن لگا سب ختم ہو جائدیاں نیں۔ ایہ اوہناں دا اپنا اک انتظام اے۔ آخر ہر نماز نال چار چار بیچ جنازے ہندے نیں تے اوہناں نوں سنبھالنے دا انتظام انج دا ای ہو سکدا سی تے اسیں توں بہتر ہووے نہیں ہو سکدا۔

حالے میں اسیں پہلے حصے وچ ای پھر رہیاں ساں جے اک قافلہ قبریں دی

زیارت واسطے آگیا۔ اک معلم اوہناں دی راہنمائی لئی نال سی۔ پہلے حصے دے آخر تے جا کے پل کول معلم کھلو گیا تے سلام پڑھن لگ پیا۔ پہلا حصہ پل دے نال ختم ہندا اے۔ فیر پل دے تھلیوں لنگھ کے دوجے حصے وچ جائی دا اے جتھے حضرت خدیجہؓ دا مزار مبارک اے تے آپ دے خاندان دیاں ہور قبریں وی نیں۔ میں دیکھیا اوس قافلے دے بندے اتوں دی چھالیں مار مار کے معلم دے قریب ہون دی کوشش کر رہے نیں۔ کجھ دوجیاں نوں پچھے ہٹا کے اگے ودھن دا چارہ کر رہے نیں۔ ساریاں نے دھوتیاں بنھیاں ہوئیاں سن تے گل وچ شرٹ پائی ہوئی سی۔ میں سوچیا لیہناں دیاں حرکتاں پاکستانیاں والیاں نیں پر زبان سمجھ وچ نہیں آرہی تے نہ ای لباس پاکستانیاں والا اے۔ کوئی پاکستانی کدے وی دھوتی اتے شرٹ نہیں پاؤندا۔ ایس قافلے وچ کم و بیش سو ڈیڑھ سو آدمی سن۔

اتھے تے پروانہ وار ہر ملک چوں لوک آؤندے نیں اک دوجے دی زبان توں ناواقف پر اک سانجھ تے ہے دے۔ اوہ مذہب دی سانجھ اے جہدے ناطے اسیں اتھے اکٹھے ہونے آں۔ ایہ لالہ دی سانجھ بہت وڈی سانجھ اے۔ مسلمان دنیا دے کسے محلے وچ وی ہون ایس سانجھ دے ناطے بھائی بھائی ہندے نیں۔ ایہ مذہبی رشتہ بڑا پکا ہندا اے۔ ایس رشتے دے ناطے ”السلام علیکم“ تے ”علیکم السلام“ دے لفظ سانجھے نیں تے ایہ ایسے ای زبان وچ ادا کیجے جاندے نیں۔ ایسے ای سانجھ نال اسیں اک دوجے نوں پچھ لیندے ساں کبھڑے ملک چوں آئے او۔ تسیں کسے نوں پچھنا ہووے کہ اوہ کتھوں آیا اے تے اوہوں کہو ”السلام علیکم“ تے اپنے ول اشارہ کر کے کہو ”پاکستان“ اوہ فوراً اکوں آکھے گا ”علیکم السلام ترکی ایران وغیرہ“۔

میں اک بندے نوں کہیا ”السلام علیکم پاکستان“ اوہ فوراً بولیا ”علیکم السلام اڈیا“ ایہ قافلہ اڈیا دے کسے دور دے علاقے دا سی تے اپنی مقامی بولی وچ گفتگو کردے سن۔ اردو یا ہندی کسے نوں نہیں آؤندی سی۔ میں سوچیا میری گل دی تصدیق ہوگئی اے کہ ایہ حرکتاں پاکستانیاں والیاں کر رہے نیں۔ کیوں نہ کردے محلے تے اکو ای اے ناں۔ آخر برصغیر دے لوک سن تے اوہناں وچوں محلے دی خوشبو کیوں نہ آؤندی۔ میں وی اوس قافلے دے نال ای قبرستان دے دوجے حصے ول ٹر پیا۔ حضرت خدیجہؓ دی قبر مبارک تے آپ

دے خاندان دے دوجے لوکاں دیاں قبریں اک احاطے وچ نیں۔ بوہے نوں تالا لگا ہویا سی تے بوہے اگے دو شرطے کھڑے سن۔ سارے قافلے والیاں کھڑکیاں وچوں اندر دیکھیا تے کھڑکیاں نوں بوسہ دے لیا۔ میں حضرت خدیجہؓ دے مزار مبارک دیاں کھڑکیاں نوں رج بوسے دتے تے عقیدت دے ہنوں پنچھاور کیجے۔ دعا منگی تے قافلے دے نال ای باہر آ گیا۔ باہر بیگم صاحبہ میری اڈیک وچ سک رہیاں سن۔ ظہر دی نماز حرم پاک وچ آ کے پڑھی تے فیر طواف کیتا۔ شام دی نماز تے عشاء دی نماز توں بعد وی طواف کیتا۔ اج میں اپنی ماں جی دے نان داوی طواف کیتا سی۔ اوہناں دی بڑی خواہش سی حج کرن دی پر حالات نے اجازت ای نہیں سی دتی یا ایسی ای نکلے ساں اوہناں لئی کچھ نہ کر سکے۔ اصل وچ ایڈھروں بلاوا نہیں سی پہنچیا تے بلاوے توں بغیر بندہ آ نہیں سکدا۔ ایڈھردے بلاوے وی حسرت اے اوہناں دے دل وچ سی جے اتوں بلاوا آ گیا۔ عشاء توں بعد معلم دے دفتر رابطہ کیتا کہ سانوں مدینہ پاک بھیج۔ مدینے والے دی سک سینہ ساڑ رہی اے۔ اوس کہیا پرسوں گھلاں گا۔

اسیں بھالجے بھال دے مر لے

کھرا چل دی ڈاچی دا نہ لبھا

۲۱ مارچ ۱۹۹۸ء اج حسب معمول ۴ بجے اٹھ کے حرم پاک پہنچے طواف تے نماز توں فارغ ہو کے میں بیگم صاحبہ نوں کہیا چل اج حضرت خدیجہؓ دا مکان لکھئے تے نالے ام ہانی دے مکان دے نشان تلاش کریجے۔ بڑی کوشش کیتی۔ کدے چھتا بازار جایے تے کدے محلہ شامیاں ول۔ بڑے لوکاں نوں پچھیا کسے نے دس نہ پائی۔ اک بندے نے ایٹاں کو دیا کہ مکان ڈھا دتا گیا اے۔ ہن اوہ تہانوں کتھوں لکھنا اے۔ ام ہانی دامکان حرم وچ آ گیا سی۔ ترکاں اوتھے نشان دہی کیتی سی پر سعودی حکومت نے اوہ نشان وی مٹا دتے نیں۔ تسیں کوشش کرو شاید حرم پاک وچ اوہ نشان لبھ جان۔ میں اک نشانی دس دیتاں اوس جگہ تے قرآن پاک رکھن والیاں رہیلاں دی ترتیب انج اے۔

پورے حرم وچ ہور کتے ایہ ترتیب نہیں۔ اسیں واپس آ کے حرم پاک وچ کافی چر پھردے رہے پر ام ہانی دے مکان دی نشان دہی نہ ہوئی۔ ایہ دن وی انج ای گزر گیا۔ اج میں اپنے ابا جی دے نال دا طواف کیتا سی۔ عشاء توں بعد گھر آ گئے۔ کھانا ہمیشہ آؤندے ہوئے اسیں لے کے آؤندے ساں تے گھر آ کے کھائی دا سی۔

سک مدینے دی

رات ای پروگرام بننا شروع ہو گئے کہ سویرے تیاری کیتی جاوے کے پاس نہ نکلیا جاوے۔ ہر بندہ پر جوش سی تے مدینہ پاک اپڑن لئی بے قرار سی۔ جیویں جیویں دیر ہو رہی سی بے قراری ودھ رہی سی۔ عجیب گل اے کہ آج کے نوں دی جاگ نہ آئی جدوں اکھ کھلی تے وقت تھوڑا ای رہ گیا سی۔ چھیتی چھیتی تیار ہو کے باہر نکلے تان فجر دی اذان ہو گئی حرم پاک دے باہر ای تھاں ملی تے جماعت ہال نماز پڑھی۔ آج مدینہ پاک جان دی بے قراری سی۔ گھر آئے تے کئے ای ساتھی آچکے سن تے مدینہ منورہ جان دیاں تیاریاں کر رہے سن۔ طاہروں معظم ول گھلیا کہ اوہ جا کے جان دا پروگرام لے آوے۔ اسن ضرورت دے کپڑے۔ احرام چٹاں تے ہتیاں وغیرہ اک بیگ وچ رکھیاں۔ دو جا بیگ اوچھے ای بھڈیا تے جان لئی تیار ساں۔ پر کتھے؟ شوق دیدار مدینہ ہووے تے تیاری اپنی چھیتی مکمل ہو جائے ایہ کیویں ہو سکدا اے۔ میں بیگم نوں کہیا کہ میں مدینہ پاک دے کجھ مناظر قلم بند کر کے لیاوے نہیں۔ ایس لئی آج اک کیمبرہ ضرور خریدنا اے۔

اپنے چہ نوں طاہر پروگرام لے کے آ گیا سی۔ عشاء توں بعد روانگی سی۔ پروگرام بنیا کہ عشاء دی نماز پڑھ دیاں ای سارے ساتھی آ جان۔ اسن کھانا کھا کے واپس حرم پاک وچ آگئے۔ عصر دی نماز توں بعد حرم چوں نکلے تے اک کیمبرہ خریدیا تے واپس حرم پاک وچ آگئے۔

بیگم کہن گئی اک طواف کر لئے۔ پر میری ہمت نہ پئی میں بہت تھکاوٹ محسوس کر رہیا ساں۔ میں اکثر تھک چکا ہندا ساں پر بیگم دی طواف کرن دی محکمہ نہیں تھ دی سی اوہ میٹوں کچ کے لے جاندی تے انج میرا وی کم بن جاند۔ میں اکثر آکھ دا "بیگم صاحبہ میں بڑا پاپی آں۔ بڑا وڈا گنہگار

آں۔ میں تے ایس قابل وی نہیں کہ معافی ای منگ سکاں، پر اوہ داروازہ بہت وڈا اے۔
 اوہدی رحمت بے انت و حساب اے۔ اوہ بخشن ہار اے۔ اوہدی رحمت تے بخشش دے بہانے
 لہدی رہندی اے تے ایہوای اک آس اے۔ نہیں تے گناہواں دا پچھتاواہر ویلے ذہن تے
 سوار رہندا اے۔ میرے ورگے پاپی نوں خورے اوہنے تیرے طفیل ای سد لیا اے۔ تینوں واج
 پئی اے تے تیرے نال کوئی محرم وی چاہیدا سی تے بس میرا کم بن گیا ورنہ کتھے میں پاپی تے کتھے
 آقا ﷺ دا در۔

قصہ مختصر عشاء وی نماز پڑھ کے فارغ ہندیاں ای رہائش گاہ ول دوڑا دتی۔ میری
 بیگم مینوں بانہوں پھڑکے بھیجاوے (میری جدوں دی لت ویلڈنگ ہوئی اے میں ہولی ہولی
 ٹرناواں) تے آکھے چھیتی چلو۔ چھیتی در حضور ﷺ تے حاضری دیوے۔ میں اوہنوں بہتیرا
 سمجھاواں کہ ہر کم دا اک وقت مقرر اے۔ توں گھبرانہ، بس تینوں چھڈ کے نہیں جاسکدی پر
 اوہدے شوق نوں کیہ آکھاں۔ اوہنوں تے اک اک پل بھاری لگن ڈھیا سی۔ راہ وچوں ہوٹل
 توں کھانا لیا تے رہائش گاہ تے آگئے۔ تھوڑی دیر وچ سارے ساتھی کٹھے ہو گئے اک بندے
 نوں معلم دے دفتر گھلایا۔ دفتر ساڈے لاگے ای سی تے پتا چلیا کہ ابے تک بساں نہیں آیاں۔

.....☆☆.....



حرم پاک دا اک منظر

اڈیاں لیاں ہندیاں کھیاں تے بساں لیٹ۔ ایہ انتظار دیاں گھڑیاں دی کیہ نہیں۔
 پوری حیاتی بندے دا بچا نہیں جھڈ دیاں۔ کدے بندہ چنگے ویلے دی اڈیک وچ گھڑیاں بتا
 جھڈ دا لے تے کدے بساں دی اڈیک وچ۔ چاہت دا ایہ عالم سی کہ اک ساتھی معلم دے دفتر
 چوں چکر لا کے واپس پہنچد اتے دو جا معلم دے دفتر ول ٹر پیندا سی۔ عورتاں ہر آون والے
 نوں چاہت تال محمدیاں سن کہ ”کیہ بساں آ کھیاں نہیں؟“۔ جواب وچ ”نہ“ والفظ سن
 کے اوہناں دے چہرے تے اک مایوسی دی لہر آ کے گزر جاندی۔ میری مشاہدہ کرن والی
 عادت اوہناں دے چہرے دے تاثرات پڑھ رہی سی۔ خدا خدا کر کے
 رات دس بجے بساں آئیاں تے ٹردیاں ٹرائدیاں ایہ قافلہ رات یاراں وچ
 مدینہ شریف ول روانہ ہویا۔ رات دا وقت سی ایس لئی باہر دے مناظر تے نظر نہیں آ
 رہے سن بساں تے

بلغ اعلیٰ بکمالہ کف الدجی بجمالہ
 حنت جمع خصالہ صلو علیہ وآلہ
 جسے چاہا در پہ بلا لیا جسے چاہا اپنا بنا لیا
 یہ تیرے کرم کے ہیں فیصلے یہ بڑے نصیب کی بات ہے
 بلغ اعلیٰ بکمالہ کشف الدجی بجمالہ
 حنت جمع خصالہ صلو علیہ وآلہ

جاری ہو گیا۔ میں ایہو ای بار بار گنگنا رہیا ساں۔ اکھاں وچ شرمندگی دے ہجو سن۔
 جیڑے رکن دانائیں ای نہیں لے رہے سن۔ میری بیگم میری ایس کیفیت نوں دیکھ رہی سی تے
 خورے محسوس وی کر رہی سی۔ اوہ اک ٹکڑیوں دیکھ رہی سی۔ پتا نہیں میں کئی دیر ایس کیفیت
 وچ رہیا تے کیڑے ویلے سرکار نے سرتے دست شفقت پھیریا تے میری اکھ لگ گئی۔

اکھ کھلی تے بس اک ہوئل تے رک چکی سی۔ بیگم مینوں کہن لگی ”تسین تے روئدے روئدے انج سوں گئے ساہو جیویں کوئی بال روئدا روئدا ماں دی گود وچ سر رکھ کے سوں جا ادا اے۔ میں تے رستے دے مناظروں اپنیاں اکھیاں وچ سیٹنا چاہندی ساں پر رات دی کالی چادر نے پردہ پائی رکھیا اے۔ بیگم دنی طبیعت خراب ہو چکی سی۔ اسیں اتر کے ہوئل دے اندر چا بیٹھے اوہنے سیون اپ منگوا کے پیتی تے میں حسب معمول چاء پیتی۔

تھوڑی دیر بعد قافلہ خیر روانہ ہو گیا۔ ہن خیر اوہو شوق سفری۔ ڈرائیور بس بہت تیز چلا رہیا سی۔ خیال سی کہ فجر دی نماز عید پاک وچ ادا کراں گے پر کتھے؟۔ ڈرائیور اوٹھن لگ پیا تے اوہنے بس خیر اک ہوئل تے کھڑی کردتی۔ ایہ رستے وچ ساڈا دو جا پڑاؤ سی۔ ڈرائیور ہوئل دے اک کمرے وچ جا کے آرام نال سوں گیا۔ اسیں چاء وغیرہ پی کے اوٹھے ٹہلے دے رہے کچھ دیر بعد اذان دا وقت ہو گیا۔ ایتھے ای فجر دی نماز ادا کیٹی۔ ایہ ہوئل انج ای نہیں جیویں ساڈے ایتھے پاکستان وچ سرکاں دے نال نال ہوئل نیں۔ ایہناں ہوٹلاں وچ اک چیز دا ادھا نظر آیا اک تے ایہ بڑے کھلے کھلے نیں۔ ضرورت دی ہر شے مل جائدی اے بھاویں معمول توں ریٹ زیادہ ہندے نیں۔ جیویں ایتھے ساڈے رستے دے ہوٹلاں دے ریٹ ودھ ہندے نیں۔ دو جا ہر ہوئل دے نال مسجد وضو خانے غسل خانے تے بیت الخلاء بنے ہوئے نیں۔ ساڈے وانگوں ایہناں دے ریٹ وی معمول توں زیادہ نیں۔ ساڈے ایس قافلے وچ اتفاق نال سنی العقیدہ لوگ زیادہ سن۔ اوٹھے میں دیکھیا اے کہ ان داڑھے وی جماعت کرار ہے نیں۔ ننگے سر جماعت کرار ہے نیں۔ ایس قافلے وچ اک بندے نے آواز دے کے پچھیا ”کوئی حافظ صاحب ہن اوہ آ کے جماعت کران“ اک بندے نے اپنے ساتھی ول اشارہ کر کے کہا ”ایہ صاحب حافظ نیں“ اوہناں نوں نماز پڑھان لئی کہا گیا۔ اوہناں سر تے ٹوپی پائی سی اوہنے پہلے اک ساتھی کولوں رومال لے کے ٹوپی دے اتے ہنصا خیر جماعت کردائی۔ دو ڈھائی گھنٹے دی نیند توں بعد ڈرائیور اٹھ کے آ گیا۔ اوہنے چاء پیتی تے تازہ دم

ہو کے شیرنگ سنبال لیا۔ اوتھے سڑکاں بڑیاں کھلیاں تے ہموار نہیں۔ ساڈیاں پاکستانی
 سڑکاں وانگوں تھاں تھاں پیڈ بریکر نہیں بنے ہوئے۔ سڑک اپنی صاف تے پلین اے کہ
 ڈرائیور سڑک تے پٹھیاں پٹھیاں چاء پی لیندے نہیں۔ ہن رفتار پہلے نالوں وی تیزی۔ بس
 ہواناں گلاں کر رہی سی۔ ہنیرے دی چادر آہستہ آہستہ سرک رہی سی۔ صبح دی سفیدی نمودار
 ہوئی باہر بالکل صاف نظر آؤن لگ پیا۔ ہولی ہولی سورج نے اکھ کھولی تے آل دوالا منور ہو
 گیا۔

۲۳ مارچ داسورج سانوں مدینے دے راہ وچ نکلیا۔ ہن باہر دے مناظر وی نظر آ
 رہے سن۔ پہاڑی سلسلہ نال نال چل رہیا سی۔ کتے کتے پہاڑی دامن وچ آبادی وی آجاندی
 سی۔ مدینہ پاک نیڑے آیا تے کھجوراں دے درخت وی نظر آ گئے۔ پرالیں دیلے باہر دے
 مناظر ویکھن نوں دل نہیں سی چاہ رہیا۔ ساڈی سیٹ اگے ای سی تے اسیں ایڈھراو دھرو پیکھن
 دی تھاں بالکل سامنے ویکھ رہے ساں۔ دل وچ اکوای تاہنگ سی کہ دربار حبیب دی جھٹک نظر
 آ جاوے۔ بس چیک پوسٹ تے آ کے رک گئی۔ سچی گل تے ایہ دے ہن ایہ رکی کاروائی وی
 بوجھ محسوس ہو رہی سی۔ جھیتی توں جھیتی گنبد خضرا ویکھن دی حسرت دل وچ سمائی ہوئی سی۔
 چیک پوسٹ توں فارغ ہو کے ٹرے تے مسجد نبوی دے بینار نظر آ گئے۔ گنبد خضریٰ دی جھٹک
 اکھاں نوں ٹھار گئی۔

مدینے وچ داخلہ

بس مختلف سڑکاں تے چکر کٹ دی ہوئی مکتب نمبر ۳ دے دفتر آگے جاری۔ ”نان
گروپ“ وچ ایہ اک مسئلہ ہندا اے۔ گروپ وچ بس سدھی رہائش گاہ تے پہنچ کے رکدی اے
تے اوتھوں ای روانگی ہندی اے پر نان گروپ وچ بس معلم دے دفتر آ کے رکدی اے تے
روانگی وی دفتر توں ای ہندی اے۔ ایس لئی ایس مکتب نمبر ۳ دے دفتر آگے آ کے بس توں
اترے۔ ہن فیر اکواری مکان دی تلاش دا مسئلہ سی۔ ایس عورتاں نوں اوتھے اک برآمدے
وچ بٹھا کے آپ مکان دی تلاش وچ نکل گئے۔ ایہ مدینہ پاک وچ ٹھہرن دا آخری ہفتہ سی۔
کہندے نیں جج توں اک ہفتہ پہلے جے اک ہفتہ بعد مدینہ پاک وچ بہت رش ہندا اے۔
ایس لئی اوتھے بہت رش پے چکاسی اک تے معلماں دے حاجی دھڑا دھڑا رہے سن۔ دو بے
مقامی لوک وی بہت پہنچ رہے سن جیہدی وجہ توں مکاناں دے کرائے بہت چڑھ گئے سن۔
تھوڑی جیہی تنگ و دو توں بعد ساناں تن کمریاں دا اک مکان مل گیا۔ لہدے وچ ساریاں
سہولتاں موجود سن تے تن سو ریاں ہر اک دے حصے اٹھ دن دا کرایہ آؤندا سی۔ ایہ توں ای
ایس اک دیگن کرائے تے لئی تے جا کے اپنیاں ساتھی عورتاں نوں نال لے آئے۔ ساڈے
گروپ وچ اٹھ عورتاں (اقبال بیگم زوجہ اقبال زخمی، منزہ طاہر زوجہ محمد طاہر، نسرین اختر (محمد
طاہر دی بھین)، حاجراں بی بی زوجہ محمد سلیم، تسلیم اختر زوجہ ذوالفقار علی، رشیداں بی بی (اک
بیوہ مائی)، بشیراں بی بی (اک بیوہ مائی)، والدہ خورشیدا احمد (ایہ پٹھان عورت سی جیہدا ناں بڑا
عجیب جیہا سی مینوں یاد نہیں رہیا)۔ تے پنج مرد (اقبال زخمی (راقم)، محمد طاہر، محمد سلیم،
ذوالفقار علی تے خورشیدا احمد) سن۔ مکان لہمن تے سامان اوتھے لیا دن تک کافی دیر ہو گئی سی۔

ایس لئی فیصلہ کیتا کہ عصر دی نماز رہائش گاہ تے ای پڑھی جاوے۔ نہا کے کپڑے تبدیل کیے جان۔ کچھ کھاپی لیا جاوے تے فیر عصر دی نماز حرم پاک وچ باجماعت پڑھی جاوے تے چالھی نمازاں دی گنتی کل صبح دی نماز توں کیتی جاوے۔

حضور ﷺ دے حضور حاضری

اسیں حرم پاک جان واسطے گھروں لکھے ای ساں جے عصر دی اذان شروع ہو گئی۔ میں ٹرن لکیاں اپنا دست بیک نال لے لیا تے اوہدے وچ کیمرو رکھ لیا۔ سوچیا کہ حاضری توں فارغ ہو کے ایہدے وچ قلم پوالاں گاتا کہ کل نوں کچھ مناظر قلم بند کیے جاسکن۔ حرم پاک پہنچ کے عورتاں ساتھوں الگ ہو کھیاں۔ اتھے عورتاں تے مرداں لئی الگ الگ تھاں اے۔ سگوں سارے سعودیہ وچ ای ویکھیا اے کہ ہر مسیت دے نال عورتاں لئی وکھرے تے نماز پڑھن لئی جگہ دا انتظام اے۔ مکہ شریف وچ تے عورتاں تے مرداں کٹھے ای طواف کردے نیں۔ اکٹھے ای نماز پڑھدے نیں۔ ہر تھاں عورتاں تے مرداں کٹھے ہوندے نیں۔ اتھے کوئی مرد نہیں کوئی عورت نہیں۔ سب دادھیان اللہ ول ہندا اے۔ اوہنوں ایہدہ اوہر ویکھن دی مہلت ای نہیں ہندی۔ چونکہ بندے دا اللہ نال سدھار رابطہ ہندا اے ایس لئی ہر کسے دادھیان اپنے گناہواں ول تے معافی منگن ول ہندا اے پر اتھے مدینہ پاک پہنچ کے عورتاں تے مرداں نوں الگ الگ کردتا جائدا اے۔ عورتاں دے داخلے لئی جگہ مخصوص اے تے روضہ پاک تے حاضری دین لئی وقت مخصوص اے۔ عورتاں دی حاضری ویلے مرداں دا داخلہ ممنوع ہوندا اے۔

سانوں باہر مگن وچ ای تھاں ملی۔ نماز عصر توں فارغ ہو کے اسیں باب السلام دے رستے حضور ﷺ دے حضور حاضری لئی داخل ہون لگے۔ میں سب توں اگے ساں۔ دروازے اگے کھڑے اک راکھے نے میرے بیک دی تلاشی لئی تے کیمرو دیکھ کے مینوں اندر جان توں

روک دتا۔ میں اونہوں کہیا وی کہ کیمرہ خالی اے ایہدے وچ فلم نہیں ہنگی۔ کیمرہ کھول کے وی دکھایا پر کتھے؟ اوس اندر نہ جان دتا۔ میرے دوویں ساتھی (محمد سلیم تے محمد طاہر) اندر چلے گئے۔ مینوں کہن لگے تئیں اتھے کھلو واسیں حاضری دے آئے فیرا میں بیگ لے کے باہر کھلواں گے تے تئیں اندر چلے جانا۔

میں دروازے نال لگ کے کھلو گیا۔ میریاں اکھاں وچ اتھرو آ گئے تے بلحاں تے ایہ لفظ سن ”آقا میں کول آ کے وی حاضری توں محروم آں تے ایہدے نال ای اکھیاں نے ساوان جھڑیاں لا دتیاں فیروں چوں اک آواز آئی ”جھلیا تینوں راکھے کیوں روک سکدے سن؟۔ ایہ تے آقا ^{علیہ السلام} دی مرضی اے کہ میں پنجواں داند رانہ پیش کراں۔ میں بغیر نذرانے دے ٹریساں تے آقا نے بہانے نال باہری روک دتا اے“ حالے میں ایہ آوازاں سن ای رہیاں جے میرے ساتھی واپس آ گئے۔ محمد طاہر نے میرے کولوں بیگ پھڑ لیا تے محمد سلیم میرے نال دوبارہ حاضری لئی ٹریا۔ اسیں آقا دے حضور حاضری دے کے آئے تے محمد طاہر باہر دروازے اگے کھڑا سی۔ سلیم نے اوہدے کولوں بیگ لے لیا تے کہن لگا ہن ”تئیں دوویں دوبارہ حاضری دے آؤ“۔ میں اتھے تہاڈا انتظار کرناواں۔ میں تے طاہر دوبارہ حاضری دین ٹرے تے مینوں یاد آ یا کہ میں تے رومال روضہ اقدس نال مس کرنا سی۔

ایہ رومال گھروں ٹرن لکھیاں اسجد اقبال نے اپنی ماں نوں دنا سی تے کہیا سی ”امی ایہ میرا رومال اے تے نہیوں ہر پاک تھاں نال مس کر کے لیانا ای تے ایہ ای میرے لئی سب توں وڈا تحفہ اے“ بالاں دی ماں نال عجیب محبت ہندی اے۔ تنویر نوں اوہدی ماں نے پچھیا سی کہ ”میں تیرے لئی کیہ لے کے آواں“ تے اوہ کہن لگا ”امی میرے لئی توں آپ ای آجاویں“ اسجد نوں پچھیا تیرے لئی کیہ لیاواں تے اوہنے اونہوں رومال پھڑا دتا۔ اوہدی ماں نے اوہدی گل دی پالنا انج کیستی کہ اوہنے رومال نوں غلاف کعبہ نال مس کیتا۔ رکن یمانی نال مس کیتا۔ حطیم وچ جا کے منراپ رحمت دے تھلے رگڑیا۔ مقام ابراہیم نال مس کیتا بیت رسول ^{صلی اللہ علیہ وسلم}

تے ماضی دین گئے تے اوہدیاں کندھاں ٹال مس کیتا۔ اک دن کہن لگی کہ میں اہج رومال
 جہر اسود ٹال مس کرنا ایں۔ میں کہیا ”ایہ بڑا اوکھا کم اے توں دیکھ نہیں رہی کہ لوک جہر اسود دا
 بوسہ لین لئی کیوں اکدو جے تے چڑھ رہے نیں۔ کسراں دو جے توں دھکے دے رہے نیں۔
 کوئی عورت او تھوں تک پہنچن دی ہمت نہیں کر رہی حتیٰ کہ میں وی ہمت نہیں کر رہیا پر اوہدی
 گل تے اکھاں وچ مینوں اک عزم نظر آیا تے اوہ کہن لگی ”تسیں صرف اجازت دے دیہو“۔
 میں کہیا ”اپنا شوق پورا کرنے“۔ اوس ویلے اسیں طواف شروع کرن لگے ساں تے طواف
 شروع کرن توں پہلے ایہ گلاں ہو رہیاں سن۔ اسیں طواف شروع کیتا تے چوتھے پھرو وچ اوہ وچ
 وچ دھکے کھاندی جہر اسود تک پہنچ گئی تے رومال مس کر کے لے آئی۔ اہج میری ڈیوٹی لگی سی
 کہ جیویں وی ہو سکے لہو آقا ﷺ دے روضے دی جالی ٹال مس کر کے لیا وٹا اے۔ میں
 رومال کڈھ کے ہتھ وچ پھڑلایا تے اچانک روضہ مبارک ول جھک کے جالی ٹال مس کیتا تے
 اک راکھے نے ”شرک‘ شرک“ کہہ کے میرے کولوں رومال کھوہن دی کوشش کیتی۔ میں
 رومال چھتی ٹال دو جے ہتھ وچ پھڑلایا تے سرتوں وڈا رومال لاہ کے کہیا ایہ لے لے۔ اوس
 جیب نظراں ٹال میرے ول دیکھیا تے فیر دو جے راکھے ول دیکھیا تے مینوں ”بھتوں“ کہہ
 کے اگے ودھن لئی دھکا ماریا۔ میں اگے ودھیا تے دو جے راکھے نے اشارے ٹال کہیا جے
 دوبارہ ایہ حرکت کیتی تے جھکڑی لگوادیاں گا۔ قصہ مختصر اگلے دن میں اسیں رومال نوں مختلف
 ستوناں ٹال مس کیتا۔ ریاض الجہنہ دے قالین ٹال رگڑیا تے لیا کے بیگم صاحبہ دے حوالے کر
 دتا۔ اسیں عشاء دی نماز پڑھن تک حرم پاک وچ رہے۔ اتھے پہنچ کے مینوں اہج محسوس ہویا
 جیویں اک شکر و پہر دارا اسی سڑوی ہلدی دھپ وچ چلدا چلدا بوڑھ دی شہنشاہی چھاویں آ گیا
 ہووے۔ جیویں سرتے کسے دست شفقت پھیر کے تے ہر غم ہر دکھ ہر درد توں بے نیاز کر دتا
 ہووے۔ مینوں عمران نقوی دی گل دی چیتے آئی اوہ آ کھداسی کہ ”ہاوجود کوشش دے مینوں
 مدینہ پاک وچ رونا نہیں آیا۔ سمجھ نہیں آؤندی کیوں“۔ خورے اوہ ٹھیک ای آ کھداسی۔ پر میں

تے ہنواں دانہ رانہ پیش کر کے حاضری دے سکيا ساں۔ ہاں اوہ کراٹ نہیں سی جیڑی مکہ وچ
 سی۔ اچھے اک نگہ دا احساس سی جیویں بچہ ماں دی گود وچ نگہ محسوس کرا اے۔ اک شفقت دا
 احساس سی۔ میں جدوں گھروں چلیاں ساں تے ضرورت دیاں دوائیاں نال لے کے
 چلیاں ساں۔ اسیں مکہ شریف توں مدینہ شریف ول کوچ کیتا تے بیگم دی طبیعت خراب ہو گئی۔
 میں مدینہ پاک دی حاضری لئی ایٹاں بیقرار تے مگن ساں کہ میرا خیال دوائی ول جاوی نہیں رہیا
 سی۔ حضور ﷺ دے حضور جدوں حاضری دے کے عشاء توں بعد واپس آئے تے میں
 اپنے آپ وچ آچکا ساں۔ ہن مینوں بیگم دی طبیعت دا دوائی دا چیتا آیا۔ میں اک گولی
 ”فلجیل“ بیک چوں کڈھ کے اوہوں کھوائی تے اوہ ٹھیک ہو گئی۔ اوہ کہن لگی تہاڈے کول
 دوائی ہیک سی تے راہ وچ کیوں نہیں دتی۔ میرا جواب سی راہ وچ کسے ہور پاسے دھیان
 ای نہیں سی ایس لئی دوائی وی یاد نہیں سی۔ ہن یاد آئی اے۔

اسیں دھولک جیاں گھروں ٹرن لکھیاں پروگرام بتایا سی پئی جے دن مدینہ منورہ وچ
 قیام ہو یا مسجد قبا وچ ضرور جاواں گے تے ہر روز پیدل جاواں گے۔ 24 مارچ دی تاریخ
 اے تے مدینہ پاک وچ پہلی رات گزار کے پہلا دن چڑھیا اے۔ میں چار بجے اٹھ کے
 سدھا ٹیلی فون بوتھ تے بھینچا کہ گھر دی خیریت معلوم کیتی جاوے۔ ہار ہار فون ملان دی
 کوشش کیتی پر نمبر نہ ملیا۔ انت ڈیوٹی تے موجود بندے نوں پچھیا کہ ”ایہ نمبر نہیں مل رہیا“ کہ
 وجہ اے۔ ”اوس دسیا کہ“ ”تسیں پاکستان دا کوڈ غلط ملا رہے او“۔ حالانکہ ایہ کوڈ شام نوں ڈیوٹی
 تے موجود بندے نے اپنے ہتھ نال لکھ کے دتاسی پر اوہ غلطی کر گیا۔ میں اوہدے کولوں گج کوڈ
 پچھیا تے اوہ کہن لگا نماز دا وقت ہون والا اے۔ ہن نماز توں بعد آؤ۔ نماز توں بعد گھر فون
 کرن دا کوئی تک نہیں سی بن دا۔ نماز توں فارغ ہون تک چھ ساڈھے چھ وچ جاوے نہیں اوس
 ویلے پاکستان وچ ساڈھے اٹھ وچ چکے بندے نیں۔ ایس تاں تک تے بچے آپو دھاپ
 سکول ٹر جاوے نیں۔ گل کہدے نال کرنی سی۔ ایس لئی فون دا معاملہ دو بجے دن تے پایا۔

حرم پاک وچ فجر دی نماز ادا کیتی۔ بیگم دی طبیعت خراب سی اوہ مینوں پہلے ای کہہ چکی سی کہ میں آج کتے نہیں جاواں گی۔ باقی ساتھیاں داموڈی آرام کرن واسی ایس لئی سارے ای نماز توں بعد رہائش گاہ تے جا کے سوں گئے پر مینوں جین کتھے سی؟ میں حرم پاک چوں نکلیا تے پیدل ای مسجد قبا ول ٹریا۔ اک رستے توں ناواقف ساں دو جازبان توں ناواقف فیروں میں محمد پچھاندا ٹریا۔ مسجد بلال توں تھوڑا اگے اک چوک وچ جا کے سوچدار ہیا پئی کدھر جاواں؟ آخر اک سڑک تے ٹریا۔ تھوڑی ای دور جا کے اک شخص کولوں ڈردیاں ڈردیاں مسجد دارستا پچھیا۔ مکہ شریف وچ ہندیاں جیہڑا تجربہ ہو یا سی اوہ دے توں اک جھک وی سی۔ عربی لوک باہر دے لوکاں نوں خاص کر برصغیر ہندو پاک دے لوکاں نوں بدعتی تے پتا نہیں کیہ کیہ سمجھدے نیں۔ اوہنا عدا انداز گفتگو بڑا کرخت سی۔ اوتھے ہندیاں میں کئی بندیاں توں حضرت خدیجہؓ دے مکان دا پچھیا۔ حضرت ابو بکر صدیقؓ دے مکان دے نشانات لسمن دی کوشش کیتی پر اوہ لوک صرف ”واللہ اعلم“ کہہ کے خاموش ہو جانے نیں یا اگوں جھاڑ جھڈ دے نیں اک بندے نے باقاعدہ مینوں کہیا ”کیہ کرنا ای لہہ کے؟ حج کرن آئے جے جاؤ کہے وچ طواف کرو سب کچھ اوتھے ای ائے جھڈ و باقی چیزاں لوں نشان لسمدے پھر دے نیں۔“

میں ڈردیاں ڈردیاں اوس بندے کولوں مسجد قبا دارستا پچھیا اوہ بندہ مینوں کوئی درویش ای جاپیا۔ ویسے وی مدینے پاک دے لوک مکہ دی نسبت بہت اخلاق والے نیں۔ اوس بندے نے مینوں بڑی محبت نال گائیڈ کیا کچھ اپنی زبان وچ تے کچھ ”انٹرمیڈیٹل زبان“ یعنی اشارے وچ سکھایا۔ مینوں اوہی ساری گل دا مفہوم سمجھ وچ آ گیا۔ اوہنے کہیا ”ایہ غلط سڑک اے۔ تیں دوسری سڑک تے جاؤ۔ سدھے ٹروے جاؤ۔ حتیٰ کہ اشارے والا چوک (حق چوک) آجائے گا۔ اوتھوں جے پاسے دیکھنا مسجد قبا دے اچھے اچھے مینار دس پین گے۔ اوتھے دو گول ادا کرو اک عمرے دا ثواب ملے گا اوہ بہت مرتبے والی مسجد اے تے اسلام

دی سب توں پہلی مسجد اے“ میں اوہدی وی ہوئی راہ تے ٹر دا گیا انت اشارے والا چوک
 (یعنی چوک) آ گیا۔ چوک توں جے تھ مسجد دے مینار اپنی عظمت دی گواہی دے رہے
 سن۔ مسجد وچ خاصی رونق سی۔ بہت لوک حاضری دین آئے ہوئے سن۔ مسجد خاصی وسیع
 اے۔ اک پاسے عورتاں نقل ادا کر دیاں نہیں تے دو جا پاسا مرداں لئی مخصوص اے۔ درمیان
 وچ محن اے۔ میں اوتھے چھ نقل ادا کیتے۔ میں جدوں وی مسجد قبا گیاں اوتھے چھ نقل ای ادا
 کیتے نہیں۔ دو نقل مسجد وچ حاضری دین دے دو اشراق دے تے دو نقل آقادی خدمت وچ
 نذرانہ پیش کیتے نہیں۔ محن وچ اک ٹاپینا مولانا صاحب کرسی تے تشریف فرما سن۔ لوک
 اوہناں کولوں مختلف مسائل پچھ رہے سن تے اوہ سمجھا رہے سن پر ساری گفتگو عربی وچ سی ایس
 لئی میرے پلے اوہناں دی گل نہ پئی۔ میں مسجد چوں باہر آ گیا کجھ کھجوریاں لےیاں تے گھاہ تے
 بہہ گیا تے کھجوریاں کھا اندار نہیا فیراک ویگن تے بیٹھ کے واپس آ گیا۔ اپنی رہائش گاہ تے
 پہنچیا تے سارے ساتھی تے ہوئے سن۔ میں گیا تے اٹھ بیٹھے۔ مینوں پچھدے نہیں ”کتنے
 گئے ساؤ“ میں ساری کارروائی دی تے کہن لگے ”اوکھا کم اے“۔ ایساں ٹر کے اسیں تے نہیں جا
 سکدے۔ کل زیارتاں کرن نکلاں گے تے نال ای مسجد قبادی وی زیارت کر لوں گے۔ دوپہر
 دا کھانا کھا کے اسیں سارے ای حرم پاک وچ آ گئے تے فیہ صلاہ دی نماز تک ادا تے ای رہے

مسجد قبادے قریب باغ دا اک منظر

مدینہ پاک دیار زیارتاں

اج 25 مارچ اے۔ رات ای پروگرام بن گیا سی کہ فجرے زیارتاں کرن چلاں گے۔ میں سویرے سویرے اٹھ کے نہا کے کپڑے تبدیل کیے بیگم صاحبہ نے وی لباس تبدیل کیا۔ دو بجے ساتھی وی تیار ہو گئے۔ فجر دی نماز حرم پاک وچ جماعت نال پڑھی تے متھی ہوئی تھاں تے اکٹھے ہو گئے۔ اج میں نماز توں پہلے گھر فون کیا۔ فون امجد نے چکيا۔ ساڈا اپروالا سیٹ خراب اے آواز صحیح نہیں آؤندی۔ اوہنے اپروالے سیٹ تے ای گفتگو شروع کردتی۔ کوئی خاص گل نہ ہو سکی میں اوہنوں کہا کل تھلے رہوے میں کل فون کراں گا۔ ارشد نوں وی آکھ دیویں۔

اسیں اک دین کرائے تے لئی تے زیارتاں کرن کھل پئے۔ سب توں پہلے مزار حضرت امیر حمزہ تے گئے۔ ایہ مزار احد پہاڑ دے نال اے۔ جنگ احد دے ویلے حضرت امیر حمزہ دی شہادت ہوئی۔ آپ جس ویلے شہداء نوں لے کے مدینہ منورہ ول پرتے تے احد پہاڑ وی پچھے پچھے چل پیا۔ آپ نے فرمایا ”اے احد کیہ گل اے“ پہاڑ وچوں آواز آئی جے تسمیں حضرت امیر حمزہ نوں میرے کولوں لے کے چلے اوتے میں وی اوتھے ای آجاواں گا جتھے حضور امیر حمزہ نوں دفن فرمان گے۔ آپ نے شہداء نوں اوتھے ای دفن کرن دا حکم فرمایا۔ حضرت امیر حمزہ تے دوسرے شہداء دیاں قبریں اک احاطے وچ نیں۔ دروازہ بندی تے

ہوے اگے اک شرط پورا دے رہی تھی۔ دروازے اگے کھڑے ہو کے فاتحہ پڑھی۔ حضرت امیر حمزہؓ نوں سلام پیش کیتا۔ سوچیا کہ نذرانے و جموں کجھ نوافل ادا کر لئے جان پر کوئی ایسی جگہ نظر نہ آئی۔ قریب جیمڑی مسجد اے اوہا دروازہ وی بند سی۔ ایسے میدان احد دا ٹر پھر کے جائزہ لین لگ پئے۔ پہاڑی تے چڑھ کے آ لے دوالے دیکھ دے رہے۔ فیر اوتھوں اگے چل پئے۔ ساڈے سامنے کوئی پلاننگ نہیں سی۔ نہ کوئی پتاسی کہ ہن کتھے جانا اے۔ ویکن ڈرائیور سد اسی کہ ہن ایسے فلاں جگہ جا رہے آں۔

اوتھوں ایسے سدھے مسجد قبلین پہنچے۔ ایہ اوہ مسجد اے جتھے حضور ﷺ ظہر دی نماز پڑھا رہے سن جے تحویل قبلہ دا حکم آ گیا۔ آپؐ دور کھت پڑھا چکے سن جے آیات نازل ہوئیاں آپؐ نے بیت المقدس ولوں رخ پھیر کے کعبہ ول کر لیا۔ آپؐ دی اقتدا وچ جیمڑے صحابہ کرام نماز پڑھ رہے سن اوہناں وی فوراً اپنا رخ پھیر لیا۔ ایہ دوویں قبلے بالکل مخالف سمت وچ نیں یعنی بیت المقدس شمال ول اے جدوں کہ کعبہ بالکل جنوب ول اے۔ مسجد وچ پہلے محراب دی نشان دہی کیتی گئی اے۔ ایسے مسجد وچ لقل ادا کیجے تے فیر اگے چل پئے۔ ڈرائیور نوں پچھیا کہ ہن کیمڑی تھاں چلنا ایسے اوس دیا کہ ہن ایسے خمسہ مساجد جا رہے آں۔

ویکین اک تھاں تے آ کے رک گئی تے ڈرائیور نے کہا ”ایہ سامنے خمسہ مساجد نیں دیکھ آؤ“۔ ایہ اوہ مقام اے جتھے جنگ خندق دے موقع تے اسلامی لشکر دے خیمے سن۔ عرب دے کافراں نے یہودیوں نال مل کے مسلماناں نال اک بھرپور جنگ کرن دا پروگرام بنایا۔ حضور ﷺ نے صحابہ کرام دے مشورے نال مدینہ دے دوالے خندق کھدوائی تے دفاعی جنگ لڑن لئی تیار ہو گئے۔ اتھے پہلے ست مسجدیں سن تے ایسے تھاں نوں ”ستہ مساجد“ دا ناں دتا جاند اسی۔ دو مسجدیں توسیع دی نذر ہو گئیاں نیں تے ہن صرف پنج مسجدیں موجود نیں ایسے لئی لیسوں خمسہ مساجد کہا جاند اے۔ ایہ مسجدیں اوہناں اوہناں تھاواں تے نیں جتھے جلیل القدر صحابہ دے خیمے سن۔ اتھے نشانات موجود سن بعد وچ عمر بن عبدالعزیز نے

اوہناں نشاناں دی تھاں تے مسجدیں بنوادتیاں۔ سب توں پہلاں ایسں مسجد فتح وچ گئے۔
 اتھے حضور ﷺ دا خیمہ سی اتھے وی نفل ادا کیجے۔ ایہ مسجد پہاڑی دے اتے اچی تھاں تے
 وے۔ ایسں مسجد نوں ویکھ کے معلوم ہندا اے کہ کسے پہ سالار دا خیمہ اتھے ای ہونا چاہیدا سی۔
 ایسں تھاں تے کھڑیاں پورا میدان نظراں دے سامنے آ جاندا اے۔ جدوں کہ حضرت
 سلمان فارسی آپ دے مشیرن۔ ایسں لئی اوہناں دا خیمہ وی آپ دے قریب ای سی۔ اوس
 تھاں تے ہن مسجد سلمان فارسی اے۔ ایسں اتھے وی دو نغلاں دانڈرانہ پیش کیتا۔ ایہتوں
 فارغ ہو کے مسجد حضرت عمرؓ وچ آ گئے۔ اتھے وی دو نفل ادا کیجے تے مسجد حضرت علیؓ وچ پہنچ
 گئے۔ ایہ مسجد وی بلندی تے وے رش کافی سی قطار بنا کے اندر پہنچے۔ نفل ادا کرن لئی تھاں
 لہہ ای گئی اتھے وی دو نغلاں دانڈرانہ پیش کر کے باہر آ گئے۔ ایہدے نال اک چھوٹی جہی مسجد
 اے جنہوں مسجد فاطمہؓ آکھدے نیں۔ ایہد اوروازہ اٹاں لا کے مستقل طور تے بند کردتا گیا۔
 ایسں دروازے سامنے فٹ پاتھ تے جا نماز بچھائی تے نفل ادا کیجے۔ زیارتاں توں فارغ
 ہو کے اتھے ای سارے گروپ نے ہلکا پھلکا ناشتا کیتا تے ایہ قافلہ مسجد قبا ول روانہ ہو گیا۔

مسجد قبا اسلام دی سب توں پہلی مسجد اے۔ ایہدی تعمیر ہجرت دے موقع تے ہوئی۔
 حضور ﷺ ہجرت کر کے جدوں تشریف لیائے تے پہلے بستی قبا وچ ٹھہرے۔ ایہ بستی مدینہ
 منورہ توں تن میل دور سی۔ ہن آبادی ہو جان نال مدینہ پاک دا حصہ بن گئی اے۔ مسجد لئی زمین
 حاصل کرن توں بعد پھر جمع کیجے گئے فیر قبلہ داعین کر کے سب توں پہلا پھر حضورؐ نے اپنے
 دست مبارک نال رکھیا۔ روایت اے پہلا پھر حضور ﷺ نے اپنے دست مبارک نال رکھیا۔
 دو جا حضرت ابو بکر صدیقؓ نے تہا حضرت عمرؓ نے چوتھا حضرت عثمانؓ تے پنجواں پھر حضرت
 علیؓ نے رکھیا۔ ایہ مسجد بہت رتبے تے شان والی اے۔ حضور ﷺ نے فرمایا کہ ایسں مسجد وچ
 دو نفل ادا کرن دا ثواب اک عمرے دے برابر اے۔ ایسں مسجد قبا پہنچے نفل ادا کیجے تے اپنی
 رہائش گاہ تے واپس آ گئے۔ نماز ظہر حرم پاک وچ باجماعت ادا کیتی تے عشاء تک فیر حرم پاک

وجہ ای رہے۔ میرا معمول سی کہ نماز ظہر توں بعد میں مدینہ پاک دیاں گلیاں تے بازاراں وجہ پھر دا۔ میرا یہناں بازاراں وجہ گواچ جان لوں جی کردا۔ پر کتھے؟ سارے بازار کھم کھما کے حرم پاک ای پہنچ جاندے۔ نماز مغرب توں بعد مکن وجہ جمعے لگدے۔ مختلف ملکاں توں آئے لوک اک دو جے لوں ملدے۔ زبانوں مختلف ہون کر کے اک دو جے دی گل دی سمجھ تے نہ آؤندی پر خوشی دا اظہار ضرور کیتا جاندے۔ ترکی، ایرانی، اپنے لباس تے شکل و شباهت توں پہچانے جاندے سن۔ انڈونیشیا دے لوک چھوٹے قد تے چھٹے نک والے ہندے نیں۔ تائیچریا دے جیسی اپنے رنگ تے قد دی وجہ توں پہچانے جاندے نیں۔ ویسے وی اکثر ملکاں دے حاجیاں نے اپنے ملک دا نشان (بیج) قمیض تے لایا ہندا اے۔ صرف جو صغیر دے لوک بغیر بیج توں ہندے نیں تے ایہ کوئی چنگی گل نہیں۔ میں جان لکیاں پاکستانی جھنڈے والے بیج نال لے گیا ساں۔ میں اپنی قمیض تے بیج لایا ہویا سی۔ کئی لوک پاکستانی ہون دے ناٹے بڑی محبت نال ملے۔ اک دن میں دیکھیا اک عورت فر فر انگریزی بول رہی اے۔ کچھ لوک کھڑے اوہدے نال انگریزی وجہ گفتگو کر رہے سن۔ چہرے مہرے تے رنگ روپ توں اوہ انگریز نہیں لگدی سی۔ میں وی اوہنوں اپنی گلابی انگریزی تے پنجابی لہجہ وجہ پہچیا۔

WHERE HAVE YOU COME FROM اوس جواب دتا ”امریکہ“ تے نال ای اردو وجہ کہا ”آپ پاکستانی ہیں“۔ میں فیر انگریزی ماری YES.DO YOU KNOW URDU اوہ کہن لگی ”ہاں میں بھی پاکستانی ہوں“ میں پہچیا ”کس جگہ سے“ اوس کہا ”سن پورہ“ لاہور۔ میں فوراً ای اپنی اصلیت تے آگیا تے کہا فیر سدھی طرحاں پنجابی وجہ گل کرے۔ اوہ مسکرا پئی۔ اوس دسیا کہ اسیں امریکہ ”سیٹل“ ہو گئے آں تے ہر سال آؤنے آں۔ میرا خاوند وی آیا ہویا اے۔ پچھلے سال لاہور دے اک مولوی صاحب آئے ہوئے سن۔ اوہ بڑیاں نعتاں سناندے ہندے سن۔ ایس واری حالے تیک کوئی نعت خوان نہیں ملیا۔ اپنے چہلوں اوہدا خاوند وی آگیا تے بڑی محبت نال ملیا۔

ایران دے شیعہ حضرات پتا نہیں اندر کیوں نہیں جاندے۔ کچھ لوگ چلے دی
 جاندے نہیں پر اکثریت اوہناں لوکاں دی اے جیڑے باہراں رہندے نہیں۔ اوہ اکثر نماز
 مگن وچ ای ادا کردے نہیں تے جنت البقیع دے سامنے ڈیرا لاؤندے نہیں۔ شام دی نماز
 پڑھ کے جنت البقیع دے سامنے کر کے حرم پاک دے مگن وچ مردانہ غسالخانہ نمبر ا دے سامنے
 مجلس ہندی اے۔ نماز جماعت نال ادا کر کے تے بعد وچ دوبارہ فرض پڑھدے نہیں۔ کچھ دیو
 بندی مولوی شام دی نماز توں بعد مگن وچ محفل لاؤندے نہیں تے جے دے مسائل بیان
 کردے نہیں۔ ایہ مسائل بیان کردیاں اپنا تبلیغی مشن دی پورا کر لیدے نہیں۔ یعنی اپنے
 اختلافی مسائل نوں چھیڑ لیدے نہیں۔ اک دن اک مولوی صاحب کہوے پیا ”ہمارے کچھ
 بھائی سلام پڑھتے ہیں یہ کہیں سے ثابت نہیں۔ صرف دو مرتبہ حضرت عمرؓ نے سلام پڑھا ہے۔
 ایک دفعہ سفر پر جاتے ہوئے اور دوسری دفعہ سفر سے واپس آ کر“ میں کہیا ”تسلیں آکھدے
 او ثابت نہیں اے تے آپ ای ثبوت دتی جا رہے او“۔ بہر حال ایہ اوہناں دا اپنا فعل اے۔
 اتھے میں لوکاں دی عقیدت دی انتہا دی دیکھی اے تے سرکار دلوں کرم دی بارش دی
 ہندی دیکھی اے۔ راکھے ”شرک شرک“ پکار دے رہندے نہیں پر دیوانے اپنی ریتھ پوری
 کرن توں باز نہیں آؤندے۔

میں مکہ معظمہ تے مدینہ منورہ وچ اک واضح فرق محسوس کیتا اے۔ اوہ اللہ واگھراے
 تے اتھے اللہ دے محبوب دادراے۔ اتھے اک جباری اک رعب اک دبدبہ محسوس ہوندا
 اے تے کجے وچ داخل ہندیاں ای بندہ رون لگ پیندا اے۔ ڈھائیں کل جاندیاں نہیں
 اتھے آکے انج لگدا اے جیوں کوئی شجر دوپہر راعی بوڑھ دی ٹھنڈی چھاں پٹھاں آگیا
 ہووے۔ جیویں حضور ﷺ نے سرتے شفقت دا ہتھ رکھ دتا ہووے۔

ریاض الجنہ وچ ہوئے یا اصحاب صفہ دے چوتھے تے دل نوں اک ٹھنڈک تے
 سکون محسوس ہندا اے۔ ہر بندہ ایسے ای سکون نوں اپنے اندر سمو لیتا چاہندا اے۔ اندر بڑا رش

ہند اے۔ ایہ دن تے ویسے ای رش دے ہندے نیں۔ ہر بندے دی خواہش ہندی اے
 اوہنوں وقت مل جائے تے اوہ ریاض الحجہ وچ دو نفل ای ادا کر لوے۔ اصحاب صفہ دے
 چوتھے تے دو گھڑی لئی بیٹھ جاوے۔ چوتھے حضرت بلالؓ دے ہاتھوں دی گزر جاوے۔
 مواجہ شریف دے سامنے اک نظر مار کے اگے ننگہ جانا پیندا اے یا فیر قطار چوں نفل کے جتاں
 چہ مرضی سامنے کھلور ہوو۔ اگل رش دی وجہ توں تھوڑی دیر کھلو کے تے اگے نفل جانا پیندا اے
 تاں جو دو جیاں نوں وی موقع ملے۔ کچھ لوک ریاض الحجہ یا اصحاب صفہ دے چوتھے تے
 بیٹھے رہندے نیں۔ چونکہ ہر بندے دی خواہش ہندی اے کہ لیہناں تھاداں تے نفل ادا
 کرے۔ ایس لئی دو جیاں نوں موقع وی دینا چاہیدا اے۔ ایس لئی میں نفل ادا کر کے مواجہ
 شریف دے سامنے گزردیاں گزردیاں حضور ﷺ دے حضور سلام پیش کرنے باہر آ جاوا۔
 باہر آ کے دربار اقدس سامنے کھڑا ہو کے سلاہاں دے ہار پیش کردا تے اکثر میریاں اکھیاں
 چوں ہنجو جاری ہو جاندا۔

کئی وار حضور ﷺ دے قدماں ول وی گیا حضرت فاطمہؓ دے حجرہ مبارک کول کھلو
 کے حاضری دتی۔ روضہ مبارک دے ہر طرف راکھے کھڑے ہندے نیں جے کوئی دعا منگنا
 چاہوے تے فوراً ٹوک دیندے نیں تے آکھدے نیں مونہہ کعبہ دل کر کے دعا منگو۔ اک
 دن اک نوجوان مواجہ شریف دے سامنے ہتھ اٹھا کے دعا منگن لگا تے راکھیاں فوراً روکیا۔ اوہ
 کہن لگا مفتی شام دا فتویٰ اے دعا منگی جاسکدی اے۔ اک راکھے نے کہیا میں آپ مفتی
 آں تسیں اتھے دعا نہیں منگ سکدے۔ دعا کرنی ایں تے اوہر کعبے دل مونہہ کر کے دعا
 کرو۔ اوہنوں او تھوں باہر کڈھ دتا۔ اوہ ظاہری طور تے روک دے رہندے نیں پر غلام تصور
 وچ اپنا کم کردے رہندے نیں۔ ہتھ نہیں چکدے پر تصور وچ ہتھ چکے ہندے نیں تے آقا
 کولوں منگ رہے ہندے نیں۔ اوہ اپنا کم کردے نیں اوہ اپنا کم کردے نیں۔ اج وی ایس
 حسب معمول عشاء دی نماز پڑھ کے واپس رہائش گاہ تے آ گئے۔

”مدینہ منورہ وچ رہندیاں ساڈا معمول سی کہ فجر دی نماز پڑھکے اسیں دوویں جی پیدل ای مسجد قبا دل ٹر پیندے۔ اج وی مسجد وچ پہنچ کے نفل ادا کیجے۔ بیگم کہن لگی اج فیر بیرار لیس دا پتا کر پئے شاید کوئی نشان لہ جان۔ کئی بندیاں توں پچھیا پر کوئی دن لٹی تیار نہیں سی۔ اسیں مسجد قبا دے دروازے دے اک طرف بیٹھ کے تھوڑا آرام کرن لگ پئے اچانک میری نظر سامنے اک گول چوترے تے پئی تے مینوں شا کر کنڈاں دی عبارت یاد آ گئی۔

”مسجد قبا کے سامنے سڑک کے پار چند ٹوٹیاں لگی ہوئی ہیں جہاں لوگ وضو کرتے ہیں۔ اس کے ساتھ ایک حوض ہے جس کے پیچھے ایک کمرہ ہے اور موٹر لگی ہوئی ہے۔ یہ موٹر اس کنوئیں میں لگی ہوئی ہے جسے بیرار لیس یا تبیر خاتم کے نام سے یاد کیا جاتا ہے۔ اب اس کنوئیں کو بند کر دیا ہے لیکن یہاں موٹر لگا کر پانی کو استعمال میں لایا جا رہا ہے۔“

(جادو شوق و محبت از شا کر کنڈاں)

میں بیگم نوں کہیا ایہ نشان دیکھ لے۔ شاید ایہ ای تبیرار لیس اے۔ ہن اسناں ٹوٹیاں وچ پانی تے نہیں آ رہیا پر نشان اسے موجود نہیں۔ اپنے چرنوں اک پاکستانی ٹال ملاقات ہوئی جیہڑا کافی دیر توں اوتھے رہ رہیا سی۔ میں اوہ دے کولوں تصدیق چاہی تے اوس دسیا کہ ایہ تبیرار لیس دے نشان نہیں۔ ایہ تے بعد وچ ٹوٹیاں بنائیاں کھیاں نہیں۔ دراصل تبیرار لیس دوسرے دروازے دے سامنے سی۔ کسے زمانے وچ واقعی اوتھے ٹوٹیاں لائیاں کھیاں سن تے اک موٹر وی لائی گئی سی پر ہن سب کچھ پھر کر دتا گیا اے۔ ہن اوس تھاں تے ٹیلی فون بوٹھ لگے نہیں۔ جے تاں اوہ تھاں ای دیکھنی اے تے دوسری طرف جا کے ٹیلی فون بوٹھ دیکھ لوو۔ ایہ ای اوہ تھاں ہے۔ اسیں مسجد دے پچھلے پاسیوں گھم کے اوس تھاں تے آ گئے۔ اوتھے واقعی ہن کسے قسم دے کوئی نشان نہیں۔ حوض بند کر دتا گیا اے۔ میں اوس تھاں تے کھڑے ہو کے پیتے سے نوں واج ماری۔ میری اکھاں چوں بھو جاری ہو گئے۔ اوہ ویلا اکھاں سامنے آ گیا جدوں حضور ﷺ اچھے تشریف لیاے۔ میرے ذہن وی سکرین تے وقت لنگھدا گیا تے حضرت عثمان دوا زمانہ

اکھاں سامنے آ گیا جدوں آپؐ کولوں خاتم ایس کھوہ وچ ڈگی سی۔ حضور نبی کریم ﷺ جدوں اتھے تشریف لیائے تے ایس کھوہ دا پانی کھار تے گھٹ سی۔ حضرت عثمانؓ نے لہوں خرید کے ڈونگھا کر دایا تے حضور ﷺ نے اپنا لعاب دہن ایہدے وچ پایا جیہدی برکت نال پانی مٹھاتے ڈالتے دار ہو گیا۔

۷ بھری لوں حضور ﷺ نے جدوں دو بے بادشاہواں نوں خط لکھ کے اسلام دی دعوت دی تے خطاں تے مہر لاؤن لئی اک خاتم بنوائی۔ ایہ چاندی دی بنی ہوئی مندری سی جیہدے تے ایس طرح تن سٹراں وچ عبارت کھدی ہوئی سی۔

اللہ

رسول

محمد

بخاری شریف وچ اے پئی ایہ مندری حضور ﷺ توں بعد حضرت ابو بکر صدیقؓ کول رہی فیر حضرت عمرؓ کول تے فیر حضرت عثمانؓ کول رہی۔ حضور ﷺ اکثر مسجد قبل تشریف لیاندے تے ایس کھوہ تے کھوہ وچ پیر لکا کے تشریف رکھدے۔ کہندے نیں اکواری حضور ﷺ ایس کھوہ تے پیر لکا کے تشریف فرما سن جے حضرت ابو بکر صدیقؓ حاضر ہو گئے تے آپ دے برابر اوسے طرحاں پیر لکا کے بیٹھ گئے فیر حضرت عمر فاروقؓ حاضر ہوئے تے اودھ وی انجے ای حضرت ابو بکر صدیقؓ دے برابر پیر لکا کے بہہ گئے۔ اپنے چہ لوں حضرت عثمانؓ فحی حاضر ہو گئے تے ایس پاسے تھاں پر ہو چکی سی۔ آپ دو بے پاسے ایسے طرحاں پیر لکا کے بہہ گئے سن۔ اکواری حضرت عثمانؓ ایس کھوہ دے کنڈھے تے کھوہ وچ پیر لکا کے بیٹھے ہوئے سن۔ مندری اوہناں دی انگلی وچ سی تے آپ دو بے ہتھ نال مندری لوں گھمارے سن جے اچانک اودھ کھوہ وچ ڈگ پئی۔ بہت تلاش کیتا گیا پر نہ ملی۔ لوکاں ایس خاتم دے کم ہون لوں منوس آکھیا تے واقعی ایس توں بعد حکومت تے اوہناں دی گرفت کمزور ہو گئی۔

اسیں کافی دیر ایس تھاں لوں وکھدے رہے تے تصور دیاں اکھاں نال اوس پرانے

کھوہ لوں دیکھتا ہوں فیر واپس پرت آئے۔ ظہر دی نماز حرم پاک وچ ادا کیتی تے نماز توں بعد
اسیں بازار چلے گئے تے کچھ خریداری کیتی۔ واپس آ کے حرم پاک دے محن وچ بیٹھے ہوئے
ساں جے اک ترک عورت آئی۔ اوہنے بڑی محبت دا اظہار کیتا۔ میری قمیض تے لگے جج دل
اشارا کر کے کہن لگی ”پاکستان“ میں ہاں وچ جواب دتا تے فیر اوہ اپنے دل اشارا کر کے کہن لگی
”ترکی“ مینوں اپنے پاکستانی ہون تے بہت خوشی ہوئی تے میرا سر فخر نال اچا ہو گیا۔

مینوں ایہ گل کہہ دیاں خوشی وی اے تے افسوس وی۔ خوشی ایس گل دی کہ پاکستانی
ہون دے ناٹے بہت سارے لوکاں بڑی عزت کیتی بڑی محبت نال پیش آئے۔ افسوس ایس گل
دا اے کہ پاکستانی حاجیاں کوئی نشان استعمال نہیں کیتا نہ ای ساڈی حکومت دلوں کوئی زور دتا
جاندا اے۔ بس اخباراں وچ جج پالیسی دا اعلان کردیاں ایہ اعلان ہو یا کہ عورتاں پاکستانی پرچم
والے زباغ (گون) پہن گیاں پر ایہدے تے عمل نہ کروایا گا۔ پہلی فلائیٹ توں بعد ای ایہ
افواہ عام پھیل گئی کہ کوئی نہیں سمجھدا۔ ایویں گون وچن والیاں کپنیاں نے ایہ افواہ پھیلائی اے
حکومت دلوں کوئی ہدایت نہیں۔ بڑی سوکھی جی گل سی جے پہلی فلائیٹ ویلے ای ہچھ پر تیت کر
لئی جاندا تے فیر کسے ہور نوں کہن دی لوڑ نہیں سی۔ میں اپنے طور تے پاکستانی پرچم والے جج
خرید لئے سن تے اوہ میں دھاگے نال اپنیاں ساریاں قمیضاں تے لائے سن۔ ایہ میری پاکستانی
ہون دی شناخت سی۔ بہت سارے لوکاں جج دیکھ کے پاکستانی ہون دے ناٹے خوشی دا اظہار
کیتا تے بڑی محبت نال ملے۔ خاص کر بھگہ دلش ترکی ایران تے فلسطین دے حاجی پاکستانی
ہون دے ناٹے بڑی چاہت نال ملدے سن تے میرا سر فخر نال اچا ہو جاندا سی۔ کاش ساڈی
حکومت ایہ نشان ضروری قرار دیوے تاکہ پاکستانیاں دی اک شناخت قائم ہو سکے۔

ایس شناخت توں معلوم ہو یا کہ سب توں زیادہ حاجی انڈونیشیا توں آئے نیں تے
دو جے نمبر تے ترکی توں۔ ایران توں وی حجاج دی کافی تعداد آئی ہوئی اے۔ نا بھریا دے
لوک مدینہ منورہ آ کے زیادہ نظر آئے نیں شاید ایہ پہلے مدینہ پاک آؤندے نیں تے فیر جج

کرن جائے نہیں۔ ایساں لوکاں دے قد لے رنگ کالے تے اکھاں چہلیاں نہیں۔ ترکی دیاں عورتیاں بھاریاں تے قد رآور نہیں۔ اٹھ ونیشیا تے مالیزیا دے بندے وی چھوٹے نہیں تے عورتاں وی چھوٹے قد دیاں نہیں۔ عورتاں گروہ بنا کے چل دیاں نہیں تے بہت حیر طرار نہیں۔ ایرانی عورتاں لے قد دیاں نہیں ایساں نک نکھی تے اکھاں چہلیاں ہندیاں نہیں تے سیاہ برقعہ استعمال کردیاں نہیں۔ مزدوی قد کاٹھ والے نہیں۔ فجر تے عشاء دی نماز توں فارغ ہندیاں ای حرم پاک دے مکن وچ جنت البقیع دے سامنے کٹھے ہو جائے نہیں تے مجلس شروع ہو جائی اے۔ ترکی دے حاجی وی عورتاں نوں نال لے کے گروہ دی شکل وچ آؤندے نہیں تے متھی ہوئی تھاں تے اکٹھے ہو کے گروہ دی شکل وچ واپس جائے نہیں۔ پاکستانی کالے کالے جدھر کسے حاجی کردا اے پھر دے رہندے نہیں۔ ساڈے گروپ لیڈرنوں ویکھ لو۔ حالانکہ گروپ لیڈر اک چھیرو ہندا اے تے چھیرو واکم وچھریاں بھیڈاں نوں کٹھا کرنا ہندا اے۔ پر ایہ بندہ تے جدہ انٹر پورٹ تے ای کتے قائب ہو گیا سی فیر نظر نہیں آیا۔ سانوں مکہ معظمہ مچھیاں دو جادو سی جے اک عورت ملی تے کہن لگی کہ حاجی صدیق صاحب نہیں لہرے میرا سامان وی اوہدے کول اے پتا نہیں اوہنے مکان کتھے لیا اے۔ میں اوہنوں کہیا توں ساڈی رہائش گاہ تے چل دی رہو۔ اوہ کہن لگی سامان توں بغیر کیویں گزارا کراں گی۔ میں اوہنوں تلاش کرنی آں آخر اچھے حرم پاک وچ تے آوے گا ای۔ پتا نہیں قاری کرم داد نے اوہنوں لیڈر کیوں بنا دتا سی۔ اسیں عشاء تک حرم پاک وچ رہے تے عشاء دی نماز پڑھ کے گھر واپس پرت آئے۔

۲۷ مارچ دی رات میرے گروپ ساتھی کہن لگے سویرے سانوں وی مسجد قبا نال لے جانا۔ پر جدوں سویرے اٹھے تے اوہ کہن لگے اسیں سفر نہیں کر سکدے اسیں تے ٹیکسی تے آواں گے۔ میں کہیا پئی اسیں تے گھروں فردیاں ای ایہ عزم کیجاسی کہ مسجد قبا بیدل حاضری دیاں کراں گے۔ ایس لئی تسیں ٹیکسی تے آ جانا۔ اسیں دوویں جی حسب معمول نماز پڑھ کے

مسجد قبل ول ٹرپے۔ اوتھے نفل ادا کیجے۔ مسجد دے باہر پٹھیاں عورتاں کولوں چھوٹی موٹی خریداری کیتی۔ ٹریننگ دے دوران قاری کرم دادھوراں کہیا سی کہ مدینے دے غریب لوکاں کولوں خریداری کرنا ثواب واکم اے۔ اوہناں کولوں بھاویں تھوڑی کرو خریداری ضرور کرو۔ مسجد دے باہر بیٹھ کے سامان وچھن والیاں عورتاں ایسے زمرے وچ آؤندیاں نیں۔

اسیں واپس آئے تے پتا چلیا کہ سارے گمراہی نیں۔ کوئی وی نہیں گیا کیونکہ سویرے نماز پڑھ کے کٹھے نہیں ہو سکے۔ اج جمعہ المبارک اے۔ ایہ عرب دی سرزمین تے دو جا جمعہ اے۔ پہلا جمعہ اسیں مکہ شریف پڑھیا سی تے ایہ مدینہ پاک پڑھ رہے آں۔ اج رش دی بہت اے۔ حرم پاک دا مگن وی بھریا ہویا تے چھت وی۔ میں چھت تے چلا گیا۔ رات ای مینوں طاہر وی بیوی منزہ کہہ رہی سی بھائی جان جدوں گنبد ٹردا اے تے ایہ کتھے جا ندا اے۔ کسراں چھت غائب ہو جاندی اے۔ میں کہیا سویرے چھت تے جا کے دیکھاں گا۔ مینوں تھیلے جگہ نہ ملی تے میں چھت تے چلا گیا۔ میں اوہ ریلنگ سسٹم دیکھیا جتھے گنبد نما چھت ٹر جاندی اے۔ امام صاحب لوں احساس سی کہ باہر دھپ وچ بہت سارے نمازی موجود نیں اوس پہلی رکعت وچ سورہ کوثر تے دوجی رکعت وچ سورہ اخلاص تلاوت کیتی تا کہ نماز زیادہ لمبی نہ ہووے تے میں سمجھتا ایہ بہت ای اچھی گل اے۔ نماز جمعہ توں بعد میں حرم پاک دے اندر آ گیا۔ ساڈا بہتا وقت حرم پاک وچ ای گزردا اے۔ آئے جو ایسے کم لئی آں۔ ویسے وی اتھے چالھی نمازاں لگا پوریاں کرنیاں ہندیاں نیں

اک دن طاہر کہن لگا جے پیسے تسیں آدن لکھاں خرچ کر دے او جے اسیں کٹھے جائے تے ایس توں گھٹ پیساں وچ آدن جاون ہو جائے گا۔ میں کہیا گل پیساں دی نہیں گل اوس عہد تے عزم دی اے جیہڑا اسیں گمروں ٹردیاں اپنے آپ نال کھتا سی۔ ایس لئی اسیں پیدل ای جاواں گے۔ مسجد توں واپس آ کے حسب معمول کچھ دیر آرام کھتا تے حرم پاک وچ آ جکے۔ حضور ﷺ دی بہت ای کرم نوازی ہوئی مینوں ریاض الحجہ وچ نفل پڑھن دا موقع مل

گیا۔ میں چار نفل بڑے سکون نال پڑھے۔ میری محکمہ نہ بھئی تے میں سوچیا کچھ ہو نفل
پڑھاں ایہ سوچ کے میں نفل بچے ای سن جے اک ریلا آیتے مینوں دھکیلدا ہویا اگے لے گیا۔
نماز ٹ گئی۔ میں سوچیا شاید ایہ ریلا مینوں باہرای کڈھ جھڈے پر حضرت بلال دے چہرے
کول تھاں مل گئی۔ میں اوتھے بھلو کے کئی دیر سلام پڑھدا رہیا تے حضور دے حضور ہنواں دا
نذرانہ پیش کردار ہیا۔

نماز عصر توں بعد میں جنت البقیع وچ آ گیا۔ اتھے جدوں قافلے آؤندے نیں تے
اوہناں دے نال گائیڈ ہندے نیں جہاں کولوں قبراں دی نشان دہی ہو جاندی اے۔ اج وی
میں اک ایرانی قافلے نال مل کے اندر گیا تے کچھ ہو قبراں دی نشان دہی ہو گئی۔ سب توں پہلے
بنات النبی حضرت رقیہ حضرت ام کلثوم حضرت زینب دیاں قبراں دا پتا چلیا اوتھے فاتحہ پڑھی۔
درود و سلام پڑھیا تے اگے چل پئے۔ اگے ازواج رسول دیاں قبراں سن۔ اتھے سلاماں دے
ہار پیش کیے۔ ایس توں بعد حضرت عقیل تے حضرت حسان دیاں قبراں دی نشان دہی ہو گئی۔
ایتھوں ہندے ہوئے حضرت ابراہیم (پسر رسول) دی قبر تے پہنچے۔ جہاں قبراں دی پہلے
نشان دہی ہو چکی سی اوہناں وچ حضرت عثمان حضرت حمیہ سعدیہ حضرت ام بنی (والدہ
حضرت عباس) دی قبر سی۔ ایہناں تے حاضری دین تک وقت ختم ہو گیا تے اسیں جنت البقیع
چوں باہر آ گئے۔ شام ہون والی سی ایس لئی سدھے حرم پاک وچ آ گئے۔

29/6 نوں سویرے اٹھے تے بارش ہو رہی سی۔ نمی نمی پھو ہا ر وچ مسجدے حرم پاک
پہنچ گئے۔ نماز پڑھ کے فارغ ہوئے تے بارش رک چکی سی پر ٹھنڈی ہوا چل رہی سی۔ بیگم کہن لگی
میں اج روضہ پاک تے حاضری دینی اے نا لے سردی وی اے تسیں کلاں ای مسجد قباول چلے
جاؤ۔ روضہ رسول تے حاضری دین لئی عورتاں لئی وقت مقرر اے اوہ صرف اپنے وقت وچ ای
جاسکدیاں نیں میں کلاں ای مسجد قباول ٹر گیا۔ مینوں جدوں وی وقت ملدا میں مدینے دیاں گلیاں
وچ گھمدا رہندا۔ میرے نزدیک ایہ وی اک عبادت اے۔ میرے ذہن وچ ہندا اے ایہ اوہ

گلیاں نہیں جتے میرے آقا چلے پھر دے سن! ایس لئی ایہناں گلیاں ج پھرناں سب رسول
اے۔ میرا ایہناں گلیاں وچ گواچ جان نوں جی کردا پر اتھے بندہ گواچ ای نہیں سکدا۔ کھم پھر
کے ہر گلی حرم پاک دل آ جاندی اے۔

اج ڈوالجہ دی 2 تاریخ ہو گئی اے اسیں واپس مکہ معظمہ وی پہنچنا اے۔ طاہر صاحب
دی ڈیوٹی لائی کہ اوہ کتب جا کے واپسی واکتفرم کرے باقی ساتھی اپنی اپنی مصروفیات مطابق
وقت گزارن۔ میں تے بیگم صاحبہ نماز پڑھ کے حسب معمول مسجد قبا ول ٹرپے اے ادھ وچ ای
اپڑے ہواں گے جے اک پاکستانی نے ساڈے کول کار کھڑی کر کے پچھیا ”مسجد قبا ول جا
رہاؤ“ میرے ہاں کہن تے اوہنے بڑا اصرار کر کے سانوں کار وچ بٹھالیا تے مسجد قبا جھڈ آیا۔
ایہ پاکستانی کوئٹہ دارہن والا سی۔ اوہنے دسیا کہ میں اتھے پندرہاں سولہاں سال توں نوکری کر
رہیاں۔ بچے وی اتھے ای رکھے ہوئے نیں۔ سال وچ تن چار عمرے کر لئی دے نیں۔ حج وی
کر چکاواں بڑا اچھا وقت گزر رہیا اے۔ ایہناں گلاں گلاں وچ ای اسیں مسجد قبا پہنچ گئے۔
سانوں اتھے اتار کے اوہ کہن لگا مسجد وچ جا کے میرے لئی وی دعا کرنا۔

اسیں مسجد وچ نفل ادا کیجے تے باہر آ گئے۔ مسجد دے نال ای اک پرانا قبرستان اے
اتھے کچھ صحابہ کرام دیاں قبریں نیں۔ اتھے کھلو کے فاتحہ پڑھی تے واپس رہائش گاہ تے
آ گئے۔ طاہر صاحب کتب چوں ہو آئے سن۔ اوہناں دسیا کہ اوہ پاسپورٹ نمبر تے دو بے
کوائف منگدے نیں۔ اسیں ساریاں نے اوہنوں پاسپورٹ نمبر تے اپنے اپنے کوائف لکھ کے
دے تے صرف توں بعد دوبارہ کتب جان لی کہیا۔ ظہر توں بعد کھجوریں خریدن دا پروگرام سی۔ ظہر
دی نماز پڑھ کے اسیں سارے مل کے کھجوریں والی مارکیٹ گئے تے اپنی اپنی ضرورت مطابق
کھجوریں خریدیاں۔ نماز صرف توں بعد طاہر صاحب کتب چلے گئے۔ سانوں یکم اپریل 1998ء
نو وے صبح رواجی دا وقت ملیا۔ یکم اپریل ویسے وی مدینے توں رواجی دا آخری دن سی۔ اسیں
توں بعد معلم اپنا کم مکا کے چلے جاندے نیں فیروز توں بعد دوبارہ شروع ہندا اے۔ ہاں

جیسوے لوک اپنے طور تے آئے ہندے نیں یعنی سعودی عرب وچ رہن والے آئے
جاندے رہندے نیں۔

31/3 دادن بڑی مصروفیت وچ گزاریا۔ اج مدینہ پاک وچ آخری دن سی۔ اٹھ
دن گزرویاں کوئی پتا ای نہ لگا۔ بس انج ای محسوس ہو یا جیویں آئے ای ساں تے اٹھ دن لگے
نیں۔ انسان دی حیاتی وی انجے ای لگے جاندی اے۔ اچانک ای پتا چلدا اے کہ بڑھاپے وی
دلیر تے پھر رکھ لیا اے۔ اچھے وی انج ای ہویا۔ آئے ای ساں جے اچانک پتا چلدا کہ اٹھ دن
لگے نیں تے واپسی دا ویلا آ گیا اے۔ اچانک جدائی دا غم ذہن تے سوار ہو گیا۔ ایس لئی اج
رج کے مدینے دیاں گلیاں وچ پھرن لوں دل کجیا فیر شاید ایہ موقع ملے یا نہ ملے۔

نماز فجر توں بعد حسب معمول میں تے بیگم صاحبہ مسجد قبا ول ٹرپے۔ حالے مسجد بلال
توں اگے لکھے ای ساں جے اک لوڈر واسطے نے ساڈے کول بریک لائی۔ اوس سوال کجیا
”مسجد قبا“ میرے ہاں کہن تے اوس اصرار کر کے سانوں نال بٹھالیا۔ ایہ بندہ وی پاکستانی سی
تے سیالکوٹ دارہن والا سی۔ اوس دسیا کہ عام دناں وچ سانوں سواری بٹھاؤن دی اجازت
نہیں ہندی۔ میں منٹھی چوں آرہیا واں۔ حج دے دناں وچ اسیں سواریاں وی بٹھالینے آں۔
پاکستانیاں دی خدمت کر کے میٹوں اک سردہ بٹھا ملدا اے۔ منٹھی تھوڑی واپسی تے میں عموماً
سوچتاں کہ کوئی پاکستانی مل جائے تے اوہوں اوہی منزل تے اپڑا ندا ہو یا گھر ول نکل
جاواں۔ اللہ واسکر اے کہ اج تسیں مل گئے او تے تاں میری گزارش قبول کر لئی اے“ اسیں
گلاں کر رہے ساں جے میٹوں خیال آیا کہ ایسے سدھانہ جانا ہووے۔ تے تکلیف کر کے صرف
سالوں بعد ان مسجد ول ٹرپے۔ ایہ خیال آؤندیاں میں اوہوں کہیا ”جے تاں سدھ جانا اے
تے سانوں جی چوک وچ اتار دینا اسیں فرج داں گے“ اوہ کہن لگا ”میں تے کچھلے موڑ توں مڑنا
سی۔ میں تھوڑے واسطے اگے نکل آیا واں تے ہن میں دوسری طرف توں ہٹا ہویا واپس پرت
آواں گا“

اوپنے سالوں مسجد قبادے سامنے اتاریا تے ایہ وی دسیا کہ اوہ جے پاسے جیڑی مسجد
نظر آرہی اے اونوں مسجد جمعہ آکھدے نہیں۔ حضورؐ نے سب توں پہلا جمعہ ایس تھاں تے
پڑھایا سی۔ ایہ مسجد اوس تھاں تے دے دے جتے آپؐ تشریف فرما سن جے نماز جمعہ دی فرضیت دا
حکم آیا۔ اوس تھاں تے اک مسجد بنوادی گئی اے۔

اسیں مسجد قباد وچ نکل ادا کر کے تے مسجد جمعہ دل چلے گئے۔ مسجد بند پئی سی۔ اسیں
دروازے اگے کھلو کے دعا منگی حضورؐ دے حضور سلام پیش کیتا تے واپس آ گئے۔

نماز ظہر توں بعد میں حرم پاک چوں نکلیا۔ وچٹرن دا احساس ہو رشدت اختیار کر گیا سی
تے بے اختیار اکھاں وچ اتھرو آ گئے تے فیر ساون دی جھڑی لگ گئی میں کئی دیر سبز گنبدول مونہہ
کر کے روئے دار ہیا۔ دل چوں آواز آئی کہ اے تے میں مدینے دیاں گلیاں بازاراں نوں رج
کے دیکھیا وی نہیں سی جے جدائی دا ویلا آ گیا اے۔ جدائی دا سوچ کے میں جھمتی نال پاک پوتر
تھاواں دی زیارت واسطے نکل پیا۔ سب توں پہلے مسجد سیدنا حضرت علیؓ تے حاضری دتی۔ مسجد
بندی۔ میں دروازے اگے مصلیٰ وچھایا تے نذرانے وجھوں دو نفل ادا کیے۔ حضرت علیؓ دی
خدمت وچ سلام پیش کیتا تے اگے لڑ پیا۔ اگے مسجد سیدنا حضرت ابوبکر صدیقؓ سی۔ ایہ وی بند
سی۔ میں ایہدے دی دروازے اگے مصلیٰ وچھایا تے دو نفل ادا کیے۔ یار غار دی خدمت وچ
سلام پیش کیتا تے مسجد سیدنا حضرت عمرؓ تے پہنچیا ایہ مسجد کھلی مل گئی۔ میں اندر داخل ہو یا دو نفل ادا
کیے حضرت عمرؓ دی خدمت وچ سلام پیش کیتا تے باہر آ گیا۔ ایہ مسجد اک پاسیوں نویں سریوں
تعمیر ہوئی اے یا مرمت کیتی گئی اے۔ دو بجے پاسے او سے طرحاں پرانی اے تے وڈے وڈے
پتھر لگے نظر آؤندے میں جیویں او سے دور دی تعمیر ہووے۔ ایہ توں قارغ ہو کے مسجد غمامہ دل
گیا۔ ایہ وی بندی۔ ایہ مسجد اوس تھاں تے جتے حضورؐ عید دی نماز ادا فرما دے سن۔ اچھے
اکوڑ حضورؐ نے نماز استقامت ادا فرمائی سی۔ روایت اے کہ اکواری حضورؐ نماز پڑھ
رہے سن جے بدلاں نے آپؐ تے سایہ کردتا۔ ایسے نسبت لہوں مسجد غمامہ آ کھیا جامدا اے۔

ایہدے وی دروازے اگے دو نفل ادا کیے۔ لے سوں باہروں ویسکھن نال ای معلوم ہوندا
اے کہ بڑی خوبصورت مسجد اے۔ ایس توں اگے دوراک مسجد نظر آؤندی سی۔ مگھن جے معلوم
ہویا کہ ایہ مسجد کا تہیہ اے۔ ایس مسجد دا میں دور توں ای نظارہ کیا اے کول نہیں جاسکیا۔ اگے
پل دے نال ای مسجد ذوالنورین اے۔ ایہ وی بندی۔ میں دروازے اگے کھلو کے دعا منگی۔
حضرت عثمانؓ دی خدمت وچ سلام پیش کیتا جے مسجد بلال ول ٹریا۔ اج ایہ مسجد کھلی مل گئی۔
میں اندر داخل ہویا جے پتا چلیا کہ ایہ مسجد بڑی کھلی جے خوبصورت اے۔ ایہ مسجد اپروالی منزل
جے دے تھلے مارکیٹ اے۔ مارکیٹ دا ناں وی حضرت بلال دے ناں

”سوق البلال الجدید“ اے۔ مسجد وچ نفل ادا کیے مؤذن رسول حضرت بلال دی خدمت وچ
سلام پیش کیتا جے واپس حرم پاک وچ پہنچ گیا۔ کیوں جو نماز عصر دا وقت ہون والا سی۔

میں اج فیر بڑی کوشش کیتی کہ حضرت ابوب انصاریؓ دے مکان دا پتا چل جائے یا کجھ
نشان ای لہ جان تے پر کوئی پتا نہ چل سکیا۔ ہر بندے دا جواب ”واللہ اعلم“ سی۔ میں باوجود
کوشش دے کھوج نہ لاسکیا۔ عرباں نے اپنا ورثہ ضائع کر لیا اے۔ اپنا کل گوالیا اے۔ اپنی تاریخ
مٹا دتی اے۔ جیہڑیاں قوماں اپنا ورثہ گوالیدیاں میں اپنا کل ضائع کر لیدیاں میں اوہ آؤن
والی نسل نوں اج کیہ دے سکدیاں میں۔ بہر حال مینوں کوئی پتا نہ چل سکیا۔ رات نوں گھر آ کے
میں حاجی محمد صدیق صاحب نوں پچھیا سی تے اوہ کہن لگے ”کے پلر کولوں معلوم کرنا سی“ کے
تقم نوں کہنا سی اوہ دس پاوے۔ اوہ سب کجھ جے حرم پاک وچ آ گیا اے۔ باہر مگھن وچ ای
کتے اوہ تھاں اے۔ ہن تہا نوں کیہ دسیے۔ پرانے حاجی تہا نوں دس گے کہ اوہ تھے اک مدینہ گلی
اے جتھوں چیزاں سستیاں ملدیاں میں۔ پر ہن اوہ مدینہ گلی کتھے وے؟۔ اوہ سب کجھ ختم ہو
گیا اے۔“

نماز عصر توں فارغ ہو کے میں بیگم نوں نال لے کے بازار چلا گیا اوہ نے کجھ چھوٹیاں
موٹیاں چیزاں خریدیاں سن۔ نالے اوہ چاہندی سی کہ اج رنج کے مدینہ دیاں گلیاں وچ

پھر لیے فیر خورے آتھے آؤنا نصیب ہووے کہ نہ۔ اسیں شام تک گلیاں بازاراں وچ پھردے رہے۔ مغرب دے قریب واپس حرم پاک وچ آگئے۔

مغرب دی نماز پڑھکے مینوں جدائی دا احساس بڑی شدت نال ہویا۔ بے اختیار اکھاں چوں ہنجوکل پئے۔ میں ریاض الجنہ ول ودھیا۔ موقع ملن تے دو نقل ادا کیجے، سجدے وچ سر رکھ کے رومدار ہیا تے دوجیاں لئی تھاں خالی کردتی۔ میں روضہ رسول ول آخری حاضری دین ٹرپیا۔ میرے دل وچ خیال آیا کہ آج جالی نوں ضرور ہتھ لاؤنے نہیں۔

ایہ تے اوہ تھاں اے جتھے سرکار کولوں جو مٹکئے اوے ویلے مل جاندا اے میں موابہ شریف دے سامنے پہنچیا تے راکھے قطار بنا کے کھلے سن۔ میں تھوڑا جھکیا تے پچھوں اک دھکا لگا تے بے اختیار میرا ہتھ جالی نال جالگا۔

بس میرا کم بن گیا۔ میری آس پوری ہو گئی۔ میری تشنہ سدھرنوں پانی مل گیا۔ میں اگے ودھ گیا تے باہر آ کے سبز گنبد دے سامنے کھڑے ہو کے سلاماں دے ہار پیش کرن لگ پیا۔ میں کافی دیر کھڑا سلام پڑھدار ہیا۔

عشاء دی نماز توں بعد میں فیر سبز گنبد دے سامنے کھڑا ہو گیا تے سلام گنگناون لگ پیا۔ اکھاں چوں ہنجو جاری ہو گئے میں کافی دیر او تھے کھڑا رہیا آخردعامنگ کے تے متھی ہوئی تھاں تے آیا جتھوں اسیں دوویں جی مل کے گھر واپس آؤندے ساں۔ میں آیا تے بیگم صاحبہ پریشان ہو رہی سی۔ کہن لگی کتھے رہ گئے ساؤ۔ میں روضہ مبارک دے کول جانا چاہندی ساں آج آخری دن اے کل چلے جانا اے۔ میں اوہنوں نال لے کے فیر روضہ مبارک دے کول چلا گیا۔ اوہ کافی دیر سلام پڑھدی رہی۔ میں وی سبز گنبد دی زیارت نال اکھاں نوں ٹھاردار ہیا۔ فیر اسیں رہائش گاہ تے آگئے۔ کھانا کھا کے تے سامان پیک کیتا۔ سویرے روانگی سی۔

آج اپریل دی پہلی تاریخ اے تے ساڈی مکہ شریف ول روانگی اے۔ اسیں تہجد دے وقت حرم پاک ول پہنچ گئے۔ میں باب بلال چوں گذر کے اندر داخل ہویا۔ میرے ذہن وچ

خیال آیا کہ آج میں ایسی تھاں تے فجر دی نماز ادا کرنی اے جے سامنے گنبد خضریٰ ہووے۔
 میں جدوں گنبد خضریٰ دے سامنے گیا تے کوئی تھاں خالی نہیں سی۔ میں حالے سوچ ای رہیاں
 ساں کہ کیہ کراں جے اک عربی نے میرا ہتھ پھڑ کے اپنے ٹال کھلا لیا تے تھوڑا چھ سو گھر کے
 اک بندے دی تھاں بنا لئی۔ واہ آقا قربان تیریاں فطنتاں تے مہربانیاں دے ایہ مہروں دل
 سچ خیال کری دا اے تے ایہ مہروں گل پوری ہو جاندی اے۔ ایہ سوچ کے میریاں اکھیاں چوں
 ہنجواں دی لڑی جاری ہو گئی۔ میں گنبد خضریٰ دی زیارت ٹال اکھیاں نوں ٹھار دارہیا۔ آج ایہو
 میری تہجد سی تے ایہو میرے نفل سن۔ ایسے دوران صبح دی اذان ہو گئی۔ میں دل نوں تھوڑا چھ
 سنبھالا دتا تے سنتاں ادا کیتیاں تے اکھاں ٹھارن داکم دوبارہ شروع کردتا۔ نیچاں لا کے گنبد
 خضریٰ دل و یکھدارہیا پر کدوں تک؟۔ اذان تے جماعت وچ صرف پندرہراں منٹ دا وقت
 ہندا اے اوہ وی گذر گیا۔ نماز فجر توں فارغ ہو کے میں باہر آ گیا۔ بیگم وی نماز پڑھ کے آ چکی
 سی۔



مدینہ پاک دا اک منظر (رات دا ویلا)

مدینہ توں مکہ ول واپسی

اسیں حیز تیز مسجد قبا ول چلنا شروع کر دتا۔ سارے ساتھی نماز پڑھ کے رہائش گاہ ول چلے گئے کہ جاون دی تیاری کریے پر اسیں آخری حاضری واسطے مسجد قبا ول ٹر پئے۔ اسیں اج دی حاضری نوں زیادہ ضروری سمجھیا سی۔ فیر خورے موقع ملے یا نہ ملے۔ اسیں او تھے نفل ادا کر کے واپس آئے تے سارے ساتھی تیار بیٹھے سن۔ اسیں چھیتی چھیتی ناشتا کھا اپنے چرنوں ویکن آگئی۔ ویکن والے نال کرایہ ملے کر کے رات ای وقت دے محمد یاسی۔ جیہڑی سانوں پاکستانی حاجی کمپ وچ محمد آئی۔ اسیں ٹھیک نوو بجے دفتر وچ ساں۔ ضروری کارروائی توں فارغ ہو کے مقررہ بس وچ آن بیٹھے۔ بس روانہ ہوئی تے عجیب حالت سی۔ اسیں حسرت بھریاں اکھاں نال مدینے دے درو دیوار ویکر رہے ساں۔ مائی رشیداں بی بی نے دل تے ہتھ رکھ لیا تے اوہدیاں اکھاں وچوں بنجول آئے۔ اوہدی آقا نال ایہ محبت میرے دل نوں بھاگئی۔

میقات مدینہ

مدینہ شہر چوں کل کے باہر آئے تے مدینے دی میقات آجاندی اے جتھے مدینہ پاک ولوں آون والے احرام بھیا۔ ے نیں۔ اتھے بہت وڈی مسجد اے۔ جتھے کنے سارے غسل خانے، حمام و صوف خانے بنے ہوئے نیں۔ عورتاں تے مرداں واسطے الگ الگ انتظام اے۔ بس میقات تے آ کے رک گئی۔ اتھے اسیں اتر کے احرام بھیا تے نفل ادا کیجے۔ مسجد وچ اک پاسے سٹال لایا گیا سی جتھے مناسک حج بارے لٹریچر تے کیساں دے رہے سن۔ ایہ کیساں

عربی قاری تے اردو وچ سن۔ انج ای لٹریچر وی تتاں زباناں وچ سی۔ تقریباً 12 وچ ایہتوں
بس روانہ ہوئی۔

میں باہر ویکھدا اجارہیاواں تے ایہ لائناں وی لکھ رہیاواں سچ سچ بس وچ بیٹھا لکھ رہیا
واں۔ ایہ پاکستان دیاں سڑکاں نہیں جتنے بندہ بس وچ بہہ کے کچھ کرنے سکے صرف بھکے کھا سکے۔
سعودی عرب دیاں سڑکاں تے اینیاں صاف تے ہموار نہیں کہ میں دیکھیا اے کہ ڈرائیور اپنے
سامنے چاء دا کپ رکھ لیندے نہیں تے پیندے آؤندے نہیں۔ میں ایہ لائناں بس وچ بیٹھا لکھ
رہیاواں ہر پاسے پہاڑیاں ای پہاڑیاں نہیں ایہ اوہ رستا اے جیہدے راہیں حضورؐ ہجرت کر
کے مکہ توں مدینہ پہنچے سن۔ ایس سڑک نوں شاہراہ ہجرت دے ناں نال پکاریا جائدا اے۔ میں
سوچ رہیاواں کہ حضور ﷺ نے ایذا لیا تے انج دا پہاڑی سفر کنج کیتا ہووے گا۔ میں لکھنا بند
کر کے مکمل طور تے باہر دیاں پہاڑیاں وچ کھوہ جانا چاہتاواں

میں لکھنا بند کر دتا اے تے ہن اوس رستے نوں دیکھ رہیاواں کہ آقاؐ ایہناں راہواں
توں پیدل سفر کر کے تشریف لے گئے سن۔ آپؐ سرکار کیمڑی کیمڑی راہ توں گزرے ہون گے
تے پہاڑیاں نوں کنج عبور کیتا ہووے گا۔ میں بیٹے سے نوں واجاں ماردا رہیا تے تصور وچ
سرکار دو عالم ﷺ تے یار غار حضرت ابو بکر صدیقؓ نوں ایہناں راہواں تے ٹردیاں دیکھدا
رہیا۔ ایہ سوچدا رہیا کہ سڑک بناون لئی کچھ پہاڑیاں نوں پدھر کیتا گیا ہووے گا کچھ ہموار تھاواں
دا انتخاب کیتا گیا ہووے گا۔ ایہ بے آب و گیاہ سلسلے سڑک دے نال نال چلدے رہے۔ کدے
تے ایہ پہاڑی سلسلے سڑک توں کافی دور ہو جائدے نہیں تے کدے بالکل قریب آ جائدے
نہیں۔

وہلا اپنی رفتار چلدا رہیا تے اک توں وی زیادہ ٹائم ہو گیا۔ اسیں ڈرائیور نوں نماز
پڑھن لئی بس روکن دا کہیا۔ اوہ کہوے بیچ منٹ صبر کرو۔ بس ایسے بیچ منٹ دے مبر وچ کئی
چھوٹیاں چھوٹیاں آبادیاں کولوں لکھ گئی۔ کئی مسجدیں لکھ کھیاں انت ڈھائی وچ ڈرائیور تے

اک ہوٹل تے بس روکی۔ اسیں وضو کر کے نماز پڑھی۔ چارو وغیرہ پیتی تے قافلہ فیر روانہ ہو گیا۔
 فیر اوہوسنر اوہوسنر اوہو تصور تے اوہو پیتے سے نوں وا جاں مارن واسلسلہ فیر شروع ہو
 گیا۔ ڈرائیور نے بیچ و بچے اک ہوٹل تے بس روکی۔ اوہو پانی دا انتظام نہیں سی۔ اسیں فیر چل
 پئے۔ اگے فیر اک ہوٹل تے جا کے نماز عصر ادا کیتی تے قافلہ فیر ٹریا۔

مکہ وچ داخلہ

اج مکہ وچ اسیں دو جی وار داخل ہو رہے آں۔ پہلی وار گھروں آئے ساں تے احرام
 وچ ساں اج مدینہ پاک حاضری دے کے آرہے آں تے احرام بندہ کے داخل ہو رہے آں۔
 مکہ مکرمہ دی حدود شروع ہندیاں ای چیک پوسٹ اے جتھے حاجیاں دے پاسپورٹ وغیرہ
 چیک ہندے نیں۔ حاجیاں نوں آب زم زم پیش کیتا جاند اے۔ اوہو قارغ ہو کے چلے تے
 تھوڑی دیر بعد ای نماز مغرب دا وقت ہو گیا۔ تھمیرارولا پایا کہ نماز ادا کر لین دیو پر ڈرائیور نے
 بس روکن نوں انکار کردتا۔ اوس ویلے اوہ خالص پاکستانی ڈرائیور لگا جنہوں وقت نال منزل
 مقصود تے اپڑن دی جھتتی ہندی اے نہیں تے کسے ہو رہے بس دانبر لگ جاند اے تے اوہ
 سواریاں دی کوئی گل نہیں سندا۔ ایس ڈرائیور دی کوئی گل نہ سنی تے شام دی نماز بس وچ
 پٹھیاں پٹھیاں اشارے نال ادا کیتی۔ عشاء دے ٹائم اپنی رہائش گاہ تے اپڑ گئے۔ سامان
 کمرے وچ رکھیا نماز عشاء ادا کیتی تے حرم پاک دل عمرہ کرن واسطے چل پئے۔

اج تے حرم پاک دل جائدیاں محسوس ہو یا کہ پوری دنیا دے مسلمان اتھے اکٹھے ہو
 گئے نیں۔ بہت زیادہ رش سی۔ اسیں بمشکل حرم پاک اپڑے۔ طواف کیتا۔ مقام ابراہیم دے
 سامنے ذرا چھپے ہٹ کے نفل ادا کیتے۔ آب زم زم پیتا تے سعی کرن واسطے چلے گئے۔ بیگم نوں
 میں سمجھا دتا کہ توں آرام نال آ جاویں میں انتظار کر لاں گا۔ سعی توں قارغ ہو کے ٹنڈ کر وان دا
 مرحلہ سی۔ اتھے سارے پاکستانی حمام نیں۔ یعنی کم کرن والے نائی سارے ای پاکستانی نیں

کے وی حمام تے پاکستانی توں علاوہ کوئی ہو رہندہ نظر نہیں آیا۔ ٹڈ کرن وارمٹ اج زیادہ سی۔
 اک ناکی کہن لگا ہن تے حج میلا بھر گیا اے۔ حج والے دن ایس توں وی وگنارمٹ ہوئے گا۔
 کچھ ناکی ایسے وی نہیں جھڑے ٹر پھر کے گا ہک لہندے نہیں تے گھٹ پیساں وچ ٹڈ کر
 دیندے نہیں۔ اوہ گا ہک نوں گھیر کے پچھے گلی وچ لے جائدے نہیں تے گلی وچ بٹھا کے ٹڈ کر
 دیندے نہیں تے جے کتے کوئی بلدیہ والے نظر آ جان تے سب کچھ جھڈ کے دوڑ لا دیندے
 نہیں۔ ادھی ٹڈ ہوئی ہندی اے تے ادھی بندہ انج لے کے واپس حمام تے آؤندا اے کیوں جو
 اتھے گلی وچ بہنہ کے ٹڈ کرنا منع اے۔ تے جے ناکی قابو آ جاوے تے پھر کے اندر دے
 دیندے نہیں۔ بہر حال ایس سارے مرحلے توں وچلے ہو کے ڈیڑھ دو بجے گھر آئے۔ نہا
 کے احرام کھولیا تے دوسرے کپڑے پہن لئے۔


صبح دیر نال جاگے۔ نماز فجر گمراہی ادا کیتی تے ناشتہ کر کے فیرسوں گئے اج کل دے
 سردی تھاوٹ دور کرن واپس گرام سی۔ ایس لئی رنج ستے۔ قلمرویلے اٹھ کے تازہ دم ہو کے حرم
 پاک وچ آ گئے تے عشاء تک حرم پاک وچ ای رہے۔ نماز مغرب توں بعد طواف کیا۔ رش
 بہت سی ایس لئی طواف کرن وچ کافی دیر لگی بمشکل عشاء وی اذان تک فارغ ہوئے۔

رات پروگرام بنایا کہ صبح دو بجے حرم پاک وچ بھٹیا جاوے۔ شاید اوس ویلے رش گھٹ
 ہووے۔ ایس تقریباً دو بجے اٹھے تیار ہو کے تے ڈھائی بجے سڑک تے آ گئے ساں۔ بہت
 سارے لوک حرم پاک ول جا رہے سن۔ حرم پاک پہنچے تے طواف کرن والیاں دا بہت رش سی۔
 ایس اوس رش دا اک حصہ بن گئے۔ جیویں کیویں طواف مکمل کیا ایس دوران تہجد وی اذان ہو
 گئی۔ طواف توں فارغ ہوئے تے حرم پاک وچ کتے جگہ نہ ملی۔ باہر مگن وچ آ کے لٹل ادا کیے
 نماز تہجد ادا کر کے فارغ ہوئے ای ساں جے صبح دی اذان ہو گئی۔ صبح دی نماز پڑھ کے گھر آ
 گئے۔ ناشتا کر کے تھوڑی دیر آرام کیا۔ دس بجے اٹھ کے ایس تن بندے مل کے معلم ول چلے
 گئے تے منی وچ خیمہ بک کروایا ساڈے خیمے دا نمبر 125c سی۔

گھر آ کے کپڑے تبدیل کیے تے نماز جمعہ واسطے حرم پاک دل چل پئے۔ رستے وچ ای پل تھلے لوکاں ڈیرے لائے ہوئے سن ریش بہت سی میرے منع کرن دے باوجود بیگم ہوراں چھاں ویکھ کے پل دے نال مصلیٰ وچ چھالیا۔ میں بہتیرا کہیا اتھے ہنے دھپ آ جانی ایں چل اگے حرم پاک دے سامنے چلنے آں پر کتھے؟ اوہ اڑ گئی۔ آ کھدے میں عورت دی پیدائش حضرت آدم علیہ السلام دی پسلی وچوں ایں۔ ایس لئی ایہ ذرا ٹیڑھے دماغ دی اے پر میری بیگم کجھ زیادہ ای اڑب اے جتھے اڑ جاوے اڑ جامدی اے۔ میں لکھ سمجھاواں اوہدی سوئی جتھے اڑ گئی سواڑ گئی۔ میں کئی واری اوہدی ایس اڑن والی عادت توں ڈاڈا چتھاپے جاناواں۔ مجبور ہو کے میں وی اوہدے نال ای بہہ گیا۔ تھوڑی دیر بعد اتھے دھپ آ گئی۔ میں کہیا ہن سنا؟۔ سڑک تے اپنی دور بہن واکہ فائدہ۔ جے دھپے ای بیٹھنا ایں تے حرم پاک دے کول چل کے بہنے جتھے نماز وی سکون نال پڑھ سکے۔ اپنی دور تے آواز وی صحیح نہیں آونی۔ لوکاں نوں ویکھ کے ای سجدے کرنے میں۔ ہن میری گل اوہدی سمجھ وچ آ گئی سی تے اوہ اٹھ کھلوتی۔ ایس بالکل حرم پاک دے سامنے باب عبدالعزیز دے قریب آ گئے اتھے سانوں جگہ مل گئی۔ اندر کتے جگہ نہیں سی۔ ویکھدیاں ویکھدیاں باہروی جگہ پر ہو گئی۔ اج دھپ وی اپنے پورے جوہن تے سی۔ حرم پاک وچ تے باہر آل دوالے ہیٹ پروف پتھر لایا گیا اے۔ ایس لئی فرش ٹھنڈا سی۔ حالے تک جمعہ دی اذان نہیں ہوئی سی۔ بیگم کہن لگی پیاس بہت لگی اے۔ میں بوتل پھڑی تے پان لین چلا گیا۔ حرم پاک دے وچ وی تے آلے دوالے ہر پاسے آب زم زم دیاں ٹوٹیاں لکیاں ہوئیاں نہیں۔ ٹوٹیاں تے کافی ریش میں وی لین چ لگ گیا تھوڑی دیر بعد موقع ملیا تے آپ وی آب زم زم پیتا تے بوتل بھر کے لے آیا۔ بیگم نے پیتا تے باقی اپنے آلے دوالے لوکاں نوں تقسیم کردتا۔ بوتل خالی کر کے میں فیر اپنی تھاں تے بیٹھ گیا۔ اپنے چرنوں اذان ہو گئی۔ جمعہ دا خطبہ شروع ہو گیا۔ چونکہ حج دے دن آرہے سن ایس لئی خطیب نے حج دے مسائل بیان کرنے شروع کردتے خطبہ بھاویں عربی وچ ای سی پر سرور آ رہیا سی۔ خطبے دل توجہ ہوئی تے

دھپ تے پیاس دا احساس ختم ہو گیا۔ تقریر واداہ لمی سی پر سرور آ رہی سی ایس لئی وقت گزرن دا ہوتا
ای نہ چلیا۔ تقریر ختم ہوئی تے جمعے دی جماعت کھڑی ہو گئی۔ جمعہ پڑھ کے تے گھر واپس آ
گئے۔

ایہ تے حج دے دن سن۔ جمعے والے دن ویسے وی رش زیادہ ہوندا اے۔ مضافات
توں لوگ جمعہ پڑن آؤندے نیں بلکہ عمرہ کرن آؤندے نیں تے جمعہ توں پہلے فارغ ہو کے
جمعہ اتھے ای پڑھدے نیں۔ پردیسی لوکاں اک دو بجے نوں وقت دتا ہندا اے۔ جمعے دے بعد
اوہ اک دو بجے نوں مل لیندے نیں انج اوہناں دی عبادت وی ہو جاندی اے تے آؤٹنگ
وی۔



غارِ ثور توں واپسی دا اک منظر

فریضہ حج دی ادائیگی

میں سمجھتاں میرا حج تے آقا ﷺ دی حاضری نال ای ہو گیا سی۔ کیوں جو میرا مقصد تے
حضور ﷺ دی حاضری سی پرایہدے نال ای

”تیرے طفیل رب نے حج بھی کرا دیئے“

اج ذوالحجہ دی 7 تاریخ اے تے ہر بندہ خوش تے پر جوش نظر آؤندا اے۔ عشاء دی
نماز پڑھ کے گھر آئے کھانا کھا کے تے طاہر صاحب تے خورشید صاحب معلم دے ڈیرے تے
چلے گئے کہ پتا کریئے کس ویلے روانگی اے معلم نے کہا کہ تیں تیار ہو کے آ جاؤ۔ بساں آ جا
رہیاں نیں۔ اسیں نہا کے احرام بٹھیا۔ نوافل ادا کیجے۔ دعاواں کیتیاں تے گھروں نکل پئے
ساڈے دوسا تھی ذوالفقار تے اوہدی بیگم تسلیم کہن لگے اسیں تے سویرے پیدل آواں گے۔
جے کسے نے ساڈا ساتھ دینا ہووے تے رہ جاوے۔ میں تے تیار ہو گیا پر بیگم کہن لگی جدوں
اک سہولت موجود اے تے کیوں نہ بس تے جایا جاوے۔ اصل وچ تسلیم بی بی دا بھرا سعودیہ
وچ ہندا اے اوہ آیا ہو یا سی۔ اوہنے وی حج کرنا سی۔ مقامی لوک یا اپنی کنوینس استعمال کردے
نیں یا فیر پیدل جاندے نیں۔ اوہناں دوواں جیاں اوہدے نال پیدل جان دا پروگرام بنایا
سی۔

اسیں تیار ہو کے معلم دے ڈیرے تے آئے۔ بساں آچکیاں سن۔ اساں کجھ پھل وغیرہ وی نال لے لیا تے بس تے بہہ گئے۔ خیال سی واواہ چہ لگ جائے گا پر بس نے دو کو سُرنگاں کر اس کیتیاں تے منی پہنچ گئی۔ رات کوئی اک وجے اسیں اپنے خیمے وچ پہنچے ہواں گے۔ ساڈے جان توں پہلے کجھ لوک پہنچ چکے سن۔ اسیں اپنا اپنا بستر لگایا تے لیٹ گئے۔ سویرے ”الصلوٰۃ خیر من النوم“ دی آواز کناں وچ پئی تے اکھ کھل گئی۔ میں بیگم نوں کہیا توں اتھے خیمے وچ نماز ادا کرتے میں مسجد وچ جا رہیاں۔ میں مسجد الخیف پہنچا تے فجر دی نماز باجماعت ادا کیتی۔ مسجد الخیف منی دے ابتدا وچ ای اے۔ اسیں مسجد وچ کم و بیش ستر انبیاء نے نماز ادا کیتی اے تے ایہ مسجد ستر انبیاء دامن دی اے۔

منی وچ نماز پڑھن تے علماء دا اختلاف اے کجھ علماء آکھدے نیں کہ منی چونکہ مکہ دا اک حصہ اے تے بندہ اتھے مسافر نہیں ہندا ایس لئی مکمل نماز ادا کرنی چاہیدی اے۔ کجھ آکھدے نیں منی دا قیام چونکہ ارکان حج دا اک حصہ اے۔ ایس لئی کسرا ادا کرنی چاہیدی اے۔ میری کوشش رہی کہ میں مسجد وچ پہنچ کے مقامی امام دے پچھے نماز ادا کر لوں تاں جو پوری یا کسر دا وسوسہ ای نہ رہوے۔ پر ظہر دی نماز جدوں پڑھن گیا تے امام نے وی کسرا ہی پڑھائی۔ اسیں توں بعد کسرتے ای گزارا ہوندا رہیا۔

رات بکہ شریف توں چلدیاں کجھ کیلے وغیرہ نال لے لئے سن۔ صبح دے ناشتے وچ تے اوہو ای استعمال کیے۔ دوپہروں کھانا لین نکلیا تے سمجھ آ گئی۔ فیر قاری کرم دا صاحب بڑا چیتے آئے۔ اوہناں آکھیا سی کہ مکے چوں جاندیاں کوشش کرنا کہ اک ادھ دن دا کھانا نال لے جاؤ۔ منی وچ کھانا پین دی تکلیف ہوندی اے۔ پانی دا انتظام تے بہت اچھا سی۔ ہر خیمے وچ اک وڈا سارا کولر رکھیا سی جیہدے وچ برف پادتی جاندی۔ معلم دے کارندے بڑی توجہ رکھدے جدوں ہوی پانی مکدا فوراً بھر کے برف پادیندے۔

ہاتھ روم تے وضو خانے وچ وی ہر ویلے پانی موجود رہندا۔ ایہ الگ الگ سی بیت الخلاء

تعداد دی نسبت گھٹ سن۔ ہر ویلے لائن لگی رہندی سی۔

منی وچ مہنگائی اپنے عروج تے سی۔ ہر شے تن گنا قیمت تے مل رہی سی۔ دکاندار خوب جج میلا مناندے نیں۔

میں بہتر اثر پھر کے دیکھیا پر چاول دے علاوہ ہور کچھ نہیں سی مل رہیا تے اوہ دس ریال دی پلیٹ سی۔ جیڑی کہ مکہ شریف وچ مدینہ ہوٹل توں تن ریال دے لیندے ساں۔ باقی ہوٹل کویتی سوڈانی وغیرہ سن۔ پاکستانی ہوٹل کوئی نہیں۔ ہوسکدا اے دو بجے کسے پاسے ہون۔ پر ایس طرف نہیں سن۔ میں چاول اک پلیٹ لے کے آ گیا۔ منی توں مکہ شریف دا کرایہ کئی گنا زیادہ یعنی دس ریال وصول کیتا جاند اے۔ اوتھے مقامی بس دا کرایہ صرف دو ریال ہندا اے پتھر ڈرائیور دے کول پے ڈبے وچ پا کے ڈرائیور کولوں ٹکٹ لیا جاند اے تے جتھے مرضی اتر جاؤ۔ جہاں تھاواں تے بساں نہیں جاندیاں اودھر ٹیکسی والے من مانی کر دے نیں۔ ایدھر منی ول وی ایہی حال اے۔ ٹیکسی والے خوب لہدے نیں تے صحیح مقام تے وی نہیں اتار دے بہت سارا اثر کے لگانے تے پہنچنا پیندا اے۔ ڈرائیوراں دیاں عاداتاں بھاویں کسے بلک دے ہون تقریباً اگو جہاں ہندیاں نیں۔ اگے نکلن دے جتن وچ ٹریفک جام ہو جاندی اے۔ بیج لائنیں لگ جاندیاں نیں۔ بے شرطے آ جان تے دو منگیاں وچ رستا صاف ہو جاند اے۔ انج سعودی حکومت دا انتظام بہت اچھا اے۔ پر اپنے رش دے وچ ایہ تھوڑی بہت کوتاہی تے ہو ای جاندی اے۔

اپریل وی 6 تاریخ اے۔ اج اوہ کرمانوالا دن اے جیہدے واسطے ایہ دور دراز داسفر کیتا گیا اے۔ جنہوں ہر مسلمان سہکدا اے۔ اج حج دا دن اے۔ نماز فجر توں فارغ ہندیاں ای عرفات ول رواں شریع ہو گئی اے۔ بس آؤندی اے تے حاجی بڑی بے صبری دا مظاہرہ کردے نیں۔ ساڈے پاکستانی بساں وانگوں تہہ کر کے سواریاں بٹھائیاں جا رہیاں نیں۔ ویسے معلم دے کارندے پتھر اڑوک دے نیں پر حاجی صاحبان ای صبر نہیں کردے۔ جدوں

اندر تھاں نہیں رہندی تے چھت بھری جاندی اے۔ فیر کتے بس ٹردی اے۔ عورتاں نوں بڑے عجیب طریقے نال سوار کرایا جارہیا ہندا اے۔ اک بندہ چھت تے کھلو کے اتانہ کھج رہیا ہندا اے تے دو جا تھلیوں اتانہ چک رہیا ہندا اے۔

بڑے بڑے منظر ویکھن نوں ملے۔ اک بندہ دروازے وچ کھڑا اے تے اوہ دروازہ بند ہو گیا اے۔ اوہ ہن وچ مھسیا اے نہ اگے آسکدا اے نہ اتر سکدا اے۔ انت ڈرائیور نے دروازہ تھوڑا چھیا ڈھلا کیتا تے اوہ حاجی صاحب اندر آ گئے۔ ہن اوہدی بوتل وچ پھس گئی اے۔ حاجی صاحب رولا پارہے نیں۔ ڈرائیور نے فیر دروازے نوں ڈھلا کیتا تے حاجی صاحب دی بوتل اندر گئی۔ اوہناں بساں دے دروازے آٹومیٹک نیں۔ کنٹرول ڈرائیور کول ہندا اے اوہ ای بٹن دبا کے دروازہ کھولدا تے بند کردا اے۔ جیویں اجکل ساڈے کول وی بساں آکھیاں جہاں دا دروازہ ڈرائیور کھولدا تے بند کردا اے پر فیر اوہناں بساں تے ساڈیاں بساں وچ واضح فرق اے۔ اونتھے کسے بس نال کنڈیکٹر نہیں ہندا۔ سواری صرف اگلے دروازے توں ای بیٹھ سکی اے۔ سواریاں اترن واسطے پچھلا دروازہ کھولیا جاند اے۔ ہر گڈی ایئر کنڈیشن ہندی اے۔ گڈیاں نہ دھواں دیندیاں نیں نہ شور کردیاں نیں۔

اسیں بیٹھے ایہو جے مناظر ویکھدے رہے انت کجھ رش گھٹیا تے اک چھوٹی بس (جیویں ساڈے مزدانیں) تے بیٹھ گئے۔ اوہدیاں حالے سیٹاں وی پوریاں نہیں سن ہوئیاں جے اوہ چل پئی۔ اوہدا اے پہلا ای پھیر اسی۔ عرفات پہنچ کے اوہنے تن نمبر کمپ پمپن دی کوشش کیتی کئی تھاواں توں پچھیا وی دو تن چکر عرفات دے لائے پر کمپ تک نہ پہنچ سکيا۔ انت اک تھاں تے گڈی کھڑی کردتی، گڈی روکن دی دیر سی جے اوہدے اگے پچھے ہو روئی گڈیاں آکے کھلو گھیاں۔ ہر بندے دی کوشش سی کہ اوہ خطبہ سن لوے۔ اسیں اونتھے ای اتر گئے۔ اتھے عرفات وچ شام تک قیام کرنا ہندا اے۔ عورتاں نوں اسیں اک نم تھلے ڈیرا لوادتا۔ آپ اسیں مسجد نمروہ وچ چلے گئے، ظہر تے عصر اکٹھی مسجد وچ ادا کیتی تے توبہ استغفار وچ مشغول ہو

گئے۔ کافی دیر توں بعد میں سوچیا چل کے عورتاں دا پتا کر یئے کیہ کر رہیاں نیں۔ پریشان نہ ہو جان۔ طاہر تے خورشید صاحب میتھوں پہلے پہنچ گئے سن۔

میں گیا تے بیگم کہن لگی ”میں پریشان ہو رہی ساں کہ تسیں کتھے رہ گئے او۔ کتے رستا ای نہ بھل جاؤ۔ ایہ دوویں آ گئے نیں تے تسیں کیوں نہیں آئے۔“ نال ای کہن لگی میں مسجد نمبرہ اک نظر دیکھنا چاہنی آں۔ میں اوہنوں نال لے کے دوبارہ مسجد نمبرہ ول چلا گیا۔ عرفات وچ ہن اوہ گرمی نہیں ہندی جیہڑی کسے زمانے وچ ہندی سی۔ ہن تے ہر پاسے نماں تے دھریکاں اگیاں ہوئیاں نیں۔ کہندے نیں پاکستان دے صدر جنرل ضیاء صاحب دے مشورے نال زر خیز مٹی لیا کے اوتھے پائی گئی۔ پاکستان چوں نماں تے دھریکاں گھلیاں کھیاں۔ ایہ تجربہ کامیاب رہیا (واللہ اعلم بالصواب)۔ اچے اچے فوارے لگے نیں جہاں وچوں ہلکی ہلکی پھوار پیندی رہندی اے۔ انج ای لگدا اے جیویں کھمبیاں چوں دھوں نکل رہیا ہووے۔ ایہ اپنی ہلکی ہندی اے کہ ایہدے نال کپڑے نہیں گلے ہندے۔ سگوں بلندی توں زمین تک پہنچدیاں پہنچدیاں ہو اوچ تحلیل ہو جاندی اے پر ایہدے نال گرمی ختم ہو جاندی اے۔ ایتھے وی مہنگائی اپنے عروج تے اے پر کھان پین نوں ویسے ای ہر شے وادھو ہندی اے۔ معلم اپنے اپنے کیمپاں وچ پیک کھانا کھل دیندے نیں۔ اہل عرب وی دل کھول کے اللہ دے مہماناں دی خدمت وچ لگے ہندے نیں۔ ایتھوں تیک کہ تسیں دھریک تھلے جتھے ڈیرا لایا اے اوتھے ای کھانا تے مشروب پہنچ جائے گا۔

شام دی اذان توں پہلے ای لوک اپنی اپنی گڈی وچ بیٹھنا شروع ہو گئے۔ سورج غروب ہندیاں ای ڈرائیو آ گیا۔ اسیں وی ڈیرا پٹیا تے گڈی وچ آ بیٹھے اذان توں بعد ایہ قافلہ مزدلفہ ول روانہ ہو گیا۔

عرفات وچ مغرب تک قیام کرنا ہندا اے۔ مغرب دی اذان توں بعد ایتھوں روانگی ہو جاندی اے۔ روانگی توں پہلے گولا محمد یا جاندا اے۔ ایہ روانگی دا اعلان ہندا اے۔ بہت

سارے لوگ پیدل جا رہے سن۔ بہر حال بساں ویکناں کاراں تے پیدل چلن والیاں دے قافلے مزدلفہ پہنچنا شروع ہو گئے۔ مزدلفہ وچ جتھے کے نوں تھاں ملی اوتھے اوہنے ڈیرا لایا۔ ایس چٹیل میدان وچ آج دی رات واسطے ستائی لکھ مرداں عورتاں نے ڈیرا لایا اے تے اک رات لئی اک شہر آباد ہو گیا اے۔ عرب حکومت اپنے انتظامات وچ کوئی کسر نہیں جھڈدی۔ بیت الخلاء غسل خانے وضو کرن لئی ٹوٹیاں سب کجھ موجوداں۔ پر آبادی وی تے ستائی لکھ دی اے ایس لئی ہر پاسے لائن لگی ہندی اے۔ ایہ انتظامات تھوڑے لگدے نیں۔ ایس پاسے ہور توجہ کرن دی ضرورت اے۔

اتھے وی مغرب تے عشاء ملا کے پڑھنی ہندی اے۔ ہر ڈیرے والے اپنی اپنی جماعت کروالیندے نیں۔ ساڈے کول پین والا پانی ختم ہو گیا سی۔ میں کہیا میں کتوں لہجے کے لیاؤناں۔ میں اک پاسے گیا تے مینوں اک ٹرا لے دے دوالے رش نظر آیا۔ زیادہ تر جیشی کٹھے ہوئے سن۔ پتا چلیا ٹرالے وچ پیک کھانا، مشروب، سادہ پانی سب کجھ موجوداں تے عربی بادشاہ کھلے دل نال وٹ رہے نیں پر ایہ جوان جیشی کسے ہور نوں لاگے نہیں لگن دے رہے۔ (نا بھیریا دے جیشی لے قد دے تے محترمہ ہندے نیں۔ ایہو جے موقع تے ہور کے نوں لاگے نہیں آؤن دیندے)۔ میں اک پاسیوں قریب ہو کے تے آواز لائی ”مویا، مویا“ (پانی، پانی) تے اوہنے سادہ پانی اک کریٹ میرے سر تے رکھ دتا۔ میں واپس آ گیا نہ صرف اسیں ساریاں رنج پانی پیتا سکوں نال دے ڈیرے والیاں نوں وی تقسیم کیتا۔

ایتھوں ای جمرات دی رمی (شیطاناں نوں کنکریاں مارنا) واسطے کنکریاں جن کے رکھ لیمیاں جاندیاں نیں۔ ہر پاسے لوک بیٹھے کنکریاں جن رہے سن۔ اسیں وی چھوٹیاں چھوٹیاں کنکریاں جن کے رکھ لیمیاں۔

مزدلفہ دی رات بڑی افضل رات اے۔ ایہ رات شب قدر توں وی افضل اے۔ ایس افضل رات نوں کنج گزارنا اے۔ ایس رات نوں اللہ دی رحمت اگے ودھ کے اپنے

بدیاں نوں اپنی گو دوج لے لیہی اے۔ شب قدر نوں رات جاگ کے اللہ دیاں رحمتاں نوں حاصل کرنا اے پر مزدلفہ وی رات مزدلفہ دوج سوں کے رب دیاں رحمتاں نوں لٹنا اے۔ سبحان اللہ کیہ رات اے آرام وی کروتے رحمتاں وی لٹو اللہ تعالیٰ ہر مسلمان نوں ایس رات دا آرام نصیب فرمائے۔ آمین

ایس میدان نوں مشعر الحرام وی آکھدے نیں۔ پورے میدان دوج کافی اچے اچے کھبے لگے نیں جہاں تے بلب روشن نیں۔ روشنی دا بڑا معقول انتظام اے۔ مورخ آکھدے نیں کہ ساریاں توں پہلے قصی بن کلاب نے مزدلفہ دوج روشنی کیتی سی۔ اک پاسے اک پہاڑ اے جنہوں جبل قزح آکھدے نیں ایہدے کول ای مسجد مشعر الحرام اے۔ ساڈا ڈیرا ایس مسجد تے پہاڑ دے لاگے ای سی۔ رات تے ایس پاسے توجہ نہ کیتی البتہ سویرے اٹھ کے مسجد دیکھن گئے سناں۔ شا کر کنڈان ہو ری ایس مسجد بارے لکھدے نیں ”مسجد مشعر الحرام دی خوبصورتی تے بناوٹ داسہرا سیف الدین مصری دے سرائے۔ بعد دوج ایہدے دوج اضافہ عثمانیہ دور دوج ہو یا تے ہن تک او سے حالت دوج اے“

مغرب تے عشاء اکٹھی پڑھن توں بعد کنکریاں وغیرہ چنن دا مرحلہ مک گیا تے میں بیگم نوں کہیا ہن مینوں توں چار وچے توں پہلے نہیں اٹھانا۔ ایہ کہہ کے میں اپنے رب دیاں رحمتاں لٹن واسطے سوں گیا۔ تن وچے مینوں بیگم نے اٹھایا تے کہیا ”اٹھو اللہ اللہ کرو“ میں پچھیا ”نام کیہ ہو یا اے“ جواب ملیا ”تن وچے نیں“ میں کہیا ”توں اللہ اللہ کرتے میں تے چار وچے ای اٹھنا اے“ ایہ کہہ کے میں فیر سوں گیا تے رب دیاں رحمتاں لٹن دوج مصروف ہو گیا فیر چار وچے ای اٹھیا۔

اج 7۔ اپریل اے۔ نماز فجر توں فارغ ہو گئے آں۔ ڈرائیور دا انتظار شروع ہو یا۔ اوہ پتا نہیں کتھے جا کے ستا ہو یا سی۔ باقی گڈیاں جانا شروع ہو گھیاں سن۔ ہر کم دوج کوئی نہ کوئی حکمت ہندی اے۔ ڈرائیور لیٹ ہونا میرے لئی تے چنگا ٹھکون ثابت ہو یا۔ سورج نکل آیا تے طاہر

کہن لگا ”اوہ سامنے پہاڑ مشعر الحرام اے (جبل قزح) تے اوہ مسجد مشعر الحرام اے“ ایہ سن کے میں بڑا بے صبر ہو گیا۔ میں کہیا ”یار رات پتا نہیں چلیا۔ میں تے ضرور مسجد وچ نفل پڑھنے نیں“ میں طاہر صاحب نوں وی نال ای کھج لیا تے مسجد وچ چلے گئے۔ دو نفل ادا کیتے تے فیر پہاڑ تے چڑھ گئے۔ ہو روی لوک پہاڑ تے چڑھے ہوئے سن۔ اسیں تھوڑی دیر او تھے ٹھہر کے واپس آ گئے۔

تھوڑی دیر بعد ڈرائیور آ گیا تے اسیں چل پئے۔ جدوں میں بیگم نوں دسیا کہ اسیں مسجد مشعر الحرام وچ نفل پڑھن گئے ساں تے اوہ کہن لگی ”تسیں مینوں کیوں نہیں لے کے گئے۔ میں وی دو نفل ادا کر لیندی“ پرہن تے وقت نکل گیا سی۔ کدے فیر موقع ملپا تے فیر سی۔ ڈرائیور نے سانوں کیمپ توں کافی دور اتار دتا۔ کیوں جو ٹریفک پھسی ہوئی سی۔ پیدل چلن والیاں داوی بہت رش سی۔ اسیں پچھدے پچھاندے پاکستانی کیمپ پہنچے تے فیر اپنے اپنے لگانے کیمپ نمبر 3 تے آ گئے۔

تھوڑی دیر آرام کیتا۔ ساہ لیا پانی پیتا تے تازہ دم ہو کے تے وڈے شیطان دی خبر لین ٹر پئے۔

میں کہیا ”آؤ بیگم صاحبہ اپنے پرانے نیلی دی خبر لیے۔ ایہنے ساری عمر بڑا کراہے پایا اے تے اسیں ایہدی ہمیشہ من دے آئے آں۔ اج ذرا مونہہ در مونہہ ہو کے لیہدے نال دو دو ہتھ کر لیے۔ اسیں وڈے شیطان کول گئے تے کوئی زیادہ رش نہیں سی کیوں جو بہت سارے لوک کنکریاں مار چکے سن تے بہت سارے ایس لئی نہیں آئے کہ دھپ بہت اے ذرا ٹھنڈا ہو لوے۔ ایس لئی رش گھٹ سی۔ لوک بڑے نشانے بنھ بنھ کے کنکریاں مار رہے سن۔ اسیں وی کنکریاں ماریاں۔ جج واک رکن پورا کیتا۔ شیطان تے اپنا غصہ کڈھیا تے واپس پرت پئے۔ راہ وچ بیٹھے نائی کولوں ٹنڈ کروائی۔ بیگم صاحبہ دی لٹ آپ قینچی نال کٹی تے قربانی والیاں دے دے ہوئے وقت توں گھنٹہ کو بعد احرام کھول دتا۔ (قربانی دے پیسے بینک وچ جمع کروائے

جامدے نیں تے اوہ وقت دے دیندے نیں کہ فلاں وقت تک قربانی ہو جائے گی۔ احتیاطاً
اوس وقت توں وی گھنٹہ کو بعد احرام کھولیا)

کیمپ وچ تھوڑی دیر آدام کرن توں بعد اسیں طواف زیارت واسطے چلے گئے۔ عصر دی
نماز حرم پاک وچ پڑھی تے طواف شروع کردتا۔ مغرب تک طواف توں فارغ ہو گئے۔ آب
زم زم پین توں بعد نماز مغرب جماعت نال ادا کیتی تے فیر سعی شروع کردتی۔ اج رش بہت سی۔
اسیں اتلی منزل تے چلے گئے۔ اوتھے وی کافی رش سی۔ سعی توں فارغ ہوئے تے بیگم کہن لگی
اج سعی کرن دالطف نہیں آیا۔ میں پچھیا کیوں؟۔ کہن لگی تھلے دوواں پاسے پہاڑی تے چڑھ
کے محسوس ہوندا اے کہ اسیں اوہ نشانیاں دیکھ رہے آں جتنے حضرت حاجرہ دے قدم مبارک
لگے سن۔ اتے اوہ نشانیاں نظر نہیں آئیاں۔ اپنے چرنوں عشاء دی اذان ہو گئی۔ نماز عشاء توں
بعد مدینہ ہوٹل توں کھانا پیک کرایا تے واپسی کردتی۔ رستے وچ ٹریفک پھسی ہوئی سی جیویں
ساڈیاں پاکستان دیاں سڑکاں تے محسوس دے۔ ساڈے وانگوں سڑک تے چار بیچ لائنیں بن
کھیاں سن۔ ہر ڈرائیور دو بے نالوں اگے نکلن دی کوشش وچ سی۔ ڈرائیور بھاویں کسے ملک دا
وی ہووے ڈرائیور ای ہندا اے۔ ایہناں دیاں عاداتاں اکو جہیاں ہندیاں نیں۔ اسیں رات
باراں وچ کیمپ وچ پہنچے۔ آؤندیاں نوں ساڈے ساتھی طواف زیارت واسطے گئے ہوئے
سن۔

اج 8۔ اپریل اے۔ کل خاصی نس بھج رہی سی ایس لئی حالے وی تھکاوٹ محسوس ہو
رہی سی۔ نیندروی پوری نہیں ہوئی سی۔ صبح دی نماز توں فارغ ہو کے ناشتا کیتا تے سوں رہے۔
نماز ظہر توں بعد جمرات دی رمی کرن نکل گئے۔ شام دی نماز مسجد النخیف وچ ادا کیتی۔ نماز توں
فارغ ہو کے کھانا لین دی کوشش کیتی پر کتوں نہ ملیا۔ نماز عشاء توں بعد دوبارہ کوشش شروع
ہوئی۔ ہر تھاں تے رش تے دھکم پیل سی۔ ایس حالات وچ میرے جہا بندہ کھانا کیوں حاصل
کر سکا اسی۔ اک جگہ توں صرف اک روٹی ملی نال سالن وغیرہ نہیں سی۔ اک ہوٹل توں جام دی

ہوٹل خریدی تے واپس کمپ وچ آ گیا۔ بیگم نوں کہیا بس لیہدے نال گزارا کرو۔ فجرے
ویکھاں گے۔

اج 9۔ اپریل اے۔ منی وچ آخری دن اے۔ نماز فجر توں بعد باہر نکلے تے عجیب
منظر دیکھیا۔ معلماں دے کارکن اعلان کر رہے سن کہ ”ری“ نماز فجر توں فوراً بعد ہوسکدی
اے۔ بساں آگھیاں نیں سامان نال نوو تے ری کر کے بساں وچ بیٹھو۔ حالانکہ ایہ غلط اے۔
اہل سنت علماء دے نزدیک 11، 12 ذوالحجہ دی ری زوال توں پہلے کیتی جائے تے نہیں ہندی۔
زوال توں بعد دوبارہ کرنی پیندی اے یادم (اک بکرے دی قربانی) دینا پیندا اے۔ معلماں
نوں اپنی جھمکتی ہندی اے اوہ سویرے ای بساں منگوا کے لا دیندے نیں تے حاجی صاحبان وی
سویرے جمرات دی ری کرنا شروع ہو جانداں نیں لوک دھڑ دھڑ ری کرن جا رہے سن۔

میں ناشتے دی تلاش وچ نکلیا پر کچھ حاصل نہ کر سکیا۔ اک کویتی ہوٹل توں پا پڑی روٹی
تے آلودے کتلے ملے۔ اوہ اسی لیا کے کویتی ناشتہ کیتا تے اللہ واشکر ادا کیتا۔ یاراں وچ دے
قریب سلیم صاحب کہن لگے مینوں پتا اے تیس رش وچ نہیں وڑدے۔ میرے نال چلو میں
تہانوں چاول لے دینا واں۔ میں اوہدے نال ہوٹل تے گیا۔ میں پچھے کھڑا رہیا اوہ جا کے
چاولاں دی اک پلیٹ لے آیا۔ ایہ چاول انج ای ملے سن جیویں ساڈے ہتھے سینما دے ٹکٹ
ملدے نیں۔

نماز ظہر توں بعد اسیں جمرات دی ری واسطے نکلے۔ اک بندے نے کہہ دتا کہ رش
گھٹ گیا اے۔ اسیں واسطے عورتاں وی نال ای تیار ہو گھیاں پر جدوں اسیں پل تے اپڑے
تے اگے موت رقص کر رہی سی۔ قیامت داساں سی۔ اسیں وچکار پھس گئے نہ اگے جان جو گے
ساں نہ پچھے آن جو گے۔ بندے مر رہے سن۔ اسیں عورتاں نوں گھیرے وچ لے کے تے پل
دی اک سائیڈ تے کھلو گئے۔ بیگم صاحبہ وی بہت گھبرائی ہوئی سی پر حاجی منزہ (طاہر دی بیگم) دی
حالت بڑی عجیب سی۔ اوہ دیاں اکھاں وچ ہنسون تے دعا کر رہی سی ”یا اللہ غیب وچوں مدد

بھیج۔ اسیں کچھ نہیں کرن جوئے“ مینوں کہن لگی بھائی جان ”مینوں بچے بہت یاد آ رہے نیں۔
خوڑے آخری وقت آ گیا اے“


سچ سچ اللہ میاں نے غیب چوں مدد کیتی۔ فوج آ گئی تے اوہناں رش تے قابو پالیا۔
اوہناں پل دے شروع وچ ای ڈکالا دتا کہ پہلے جان والے رمی کر لین تے فیر دوسرا گروہ گھلاں
گے۔ انج موت وار قص رک گیا۔ اسیں اوس گروہ دے نال جمرات ول اگے ودھے پہلے چھوٹے
شیطان دی رمی کیتی۔ پچھے رکاوٹ پیدا کر لین دے باوجود بڑا رش سی۔ نا بچھریا دے حبشی بڑے
جوان ہندے نیں تے اوہ انج وی لوکاں نوں دھکے مار دے ٹرے جاندے نیں۔ چھوٹی مخلوق
یعنی اٹھ ونیشا دے باشندے زیادہ شکار ہندے نیں۔ ساڈے پاکستانی بڑھے بندے وی ایس
رش دا شکار ہو جاندے نیں۔ جیہڑا بندہ اک واری ڈگ پوے اٹھ نہیں سکدا۔ لوک شیطان تے
غصہ کڈدے نیں چھوٹے چھوٹے کنکر مار کے سنت ادا کرنی پیندی اے پر اتھے لوک جتیاں
مار رہے ہندے نیں۔ بعض لوک وڈے وڈے روڑے کڈھ مار دے نیں۔ اسیں پہلے شیطان
توں فارغ ہو کے درمیانے شیطان کول جے۔ تھوڑا جھپا ولا کے تے اتلے پاسے جا کے رمی کیتی
اتلی طرف جا کے کنکریاں مارن وچ آسانی رہندی اے۔ کیونکہ جس پاسوں لوک آ رہے
ہندے نیں زیادہ تر بندے اودھرائی رک جاندے نیں۔ دو جے شیطان توں فارغ ہو کے اسیں
وڈے شیطان کول اپڑے۔ اک نو جوان عورت کنکریاں مار ہی سی جے پچھوں دھکا لگاتے اوہ
اوس حلقے دے اندر جا ڈگی۔ جھپتی نال دو بندیاں نے اوہ دیاں لتاں پھڑکے پچھانہ نوں دھروہ
لیا تے انج اوہ بچ گئی جے رڑھ جاندی تے اوس سدھی سر دے بھارتھلے جا ڈ گناسی۔

اسیں وڈے شیطان توں فارغ ہوئے ای ساں جے پچھوں دو جا ریلا آ گیا۔ اسیں
جھپتی نال تھلے سڑک تے آ گئے تے کمپ ول واپسی کر دتی۔

واپس آ کے سامان سامہیا تے مکہ شریف آ گئے۔ ایہ تے پتہ سی کہ بہت بندے مرے
نیں پر تعداد کوئی اندازہ نہیں سی۔ خورشید صاحب نے سب توں پہلاں پاکستان فون کیتا تے

پتا چلیا کہ اوتے گھر دے بہت گھبرائے ہوئے سن۔ کیونکہ جو سانحہ منی وچ ہو یا سی اوہدی خبر رات
ٹی وی تے نشر ہو گئی سی تے ڈیڑھ سو پاکستانی ہلاک ہون دی خبر پاکستان دے ہر گھر وچ پہنچ
چکی سی۔ ایہ گل اوہناں واپس آ کے دسی تے اسیں وی پریشان ہو گئے۔

9۔ اپریل نوں فجرے اٹھدیاں ای 4 بجے میں گھر فون کیتا۔ بے بی نے فون چکيا
تے اوہنے دسیا کہ بچے حالے ستے پئے نیں۔ اسیں رات دے بڑے پریشان ساں۔ سنیا اے
بہت بندے مرے نیں۔ میں اوہنوں کہیا کہ اللہ دا شکر اے اسیں خیریت نال آں ساریاں نوں
دس دیویں۔ کوئی فکر والی گل نہیں جج دے سارے ارکان پورے ہو گئے نیں۔ ایس توں بعد نماز
فجر ادا کیتی تے گھر آ کے سوں رہے تا کہ پچھلے دنوں دی تھکاوٹ دور ہو سکے۔



اج اپریل دی دس تاریخ تے جمعہ المبارک وادن اے۔ اسیں تے اے تھکاوٹ ای دور کر رہے ساں۔ نماز فجر ادا کر کے تے گھر آ کے سوں گئے۔ اٹھے تے قنات نہا کے کپڑے تبدیل کیے تے حرم پاک ول چل پئے۔ حالے یاراں وے سن پرکتے جگہ نہیں سی مل رہی۔ اک تے حج دی وجہ توں رش بہت سی دو جا جمعہ والے دن دو بے شہراں توں وی بہت لوک جمعہ پڑھن آؤندے نیں۔ سانوں حرم پاک دے باہر جگہ ملی تے جا نماز وچھا کے بہہ گئے تے اذان دا انتظار کرن لگ پئے۔ کڑا کے دی دھپ سی۔ پین نوں پانی وی نہیں سی۔ کیونکہ پانی والی بوتل خالی ہو چکی سی۔ کوئی بندہ وی اپنی تھاں توں نہیں سی اٹھدا۔ جیہڑا اٹھ جائدا اوہنوں مڑ کے تھاں نہیں سی لہدی۔ لوک دور تک بازاراں وچ بیٹھے ہوئے سن۔ خدا خدا کر کے اذان ہوئی۔ مولوی صاحب نے خطبہ دینا شروع کیتا۔ اج مولوی صاحب دا بیان کجھ زیادہ ای لماں ہو گیا سی کیوں جو حج توں بعد ایہ پہلا جمعہ سی۔ شام توں لوکاں مدینہ پاک جانا شروع کر دینا سی۔ مولوی صاحب نے مدینہ پاک بارے دنا شروع کر دتا ایہدے ج کوئی شک نہیں کہ اسیں (میں تے میری بیگم) عربی نہیں سمجھدے پر فیرونی خطیب دا انداز بیان ایناں پر سردی کہ اسیں ہمہ تن گوش ہو کے سن رہے ساں تے سرور آ رہیا سی۔ ایہدیاں دو وجہ ہوسکدیاں نیں۔ اک تے شاید خطبہ دی تلاوت سمجھ کے سنیا جا رہیا سی دو بے اوتھے بندے دا ڈاکٹر رابطہ اللہ نال ہندا اے جے کدے حرم دے سامنے آ جادے تے ایہ رابطہ ہو رو دھ جائدا اے۔

ایہ دھپے پٹھن دا اثر سی شاید کہ میری طبیعت خراب ہو گئی۔ سر بوجھل بوجھل سی۔ شام تک حیر بخار ہو گیا۔

اگلے دن ۱۱ اپریل نوں سعودی ڈپنری توں دوا لیا مدی۔ شام تک بخار اتر گیا پر کمزوری باقی سی۔ اسیں شام دی نماز حرم پاک ول پڑھن گئے تے میں بیگم نوں کہیا توں طواف کر کے تے عشاء پڑھ کے اتھے آ جاویں۔ میری طبیعت حالے نہیں من رہی۔ بندہ اپنے طور تے سوچدا

اے پر قدرت تے اپنی رحمت برسان دے بہانے لہ رہی ہندی اے۔ میں نماز پڑھ کے فارغ ہو یا تے بے خیالی وچ ای اک ریلے دی زد وچ آ گیا۔ ایسا دھکا لگا کہ میں چلدا چلدا اوس پٹی تے پہنچ گیا جتھوں طواف شروع کرنا ہندا اے۔ میں سوچیا ایہ قدرت نوں منظور اے۔ بس طواف دی نیت کیتی تے رش دا اک حصہ بن گیا۔ دو بجے چکر تک کمزوری داناں نشان وی نہیں سی تے میں اپنے آپ نوں بالکل تندرست تے توانا محسوس کر رہیا ساں۔ طواف کر کے فارغ ہو یا تے عشاء دا وقت ہو چکا سی۔ عشاء پڑھ کے بیگم نوں نال لیا تے گھر نوں ٹر پئے۔ رستے وچ میں بیگم نوں پچھیا سنا طواف کیتا ای؟ اوہ کہن لگی نہیں میں نماز پڑھ کے تلاوت کر دی رہی آں۔ میں اوہنوں دسیا کہ میں مغرب پڑھ کے کلا کلا طواف کر آیاں۔

اسیں عموماً عشاء توں بعد کھانا وغیرہ کھا کے لک تھاں اکٹھے ہو جانداں ساں۔ اتلے کمرے والے ساتھی (محمد سلیم تے اوہدی بیگم حاجراں بی بی محمد ذوالفقار تے اوہدی بیگم تسلیم اختر مائی بشیراں بی بی مائی حاجراں بی بی) وی تھلے آ جانداں واہ واہ محفل ہندی۔ اج باراں اپریل نوں عشاء توں بعد اکٹھے ہوئے تے مینوں پچھن گئے ”باباجی تہاڈا کیہ حال اے“ میں کہیا ”میں بالکل تندرست آں“ بس فیر کل دا پروگرام بن لگ پیا۔ ساریاں متفقہ فیصلہ کیتا کہ کل عمرہ کیتا جاوے۔

اسیں پروگرام دے تحت اج 13 اپریل نوں نماز فجر توں فارغ ہو کے عمرہ لئی بس ول ٹر پئے۔ باباجی حاجراں نے اک دن کہیا سی کہ میں لگی جہی ہندی ساں جدوں لاہور وچ ڈبل ڈیکر (دو چھتی بس) چل دی ہندی سی۔ میری بڑی خواہش سی کہ میں ایہدی اتلی چھت تے بیٹھاں پر نہ بیٹھ سکی فیر اوہ بس بند ہو گئی ہن استھے آ کے دیکھی اے۔ میں گھروں نکلیا تے کہیا ”لے باباجی اج فیر تیری خواہش پوری کر دینی اے۔ اسیں ڈبل ڈیکر دی اتلی چھت تے ای بیٹھاں گے۔ اڈے وچ آ کے اسیں ڈبل ڈیکر دی اتلی چھت تے بہہ گئے تے مسجد عائشہ جا

اترے۔ ایہ اوہ تھاں اے جتھوں حضور ختم الرسل مولائے کل شہنشاہ مدینہ ﷺ نے حضرت عائشہ صدیقہؓ نوں حکم فرمایا سی کہ جا کے احرام بندھ کے آ جاتے عمرہ کر۔ پس ایہ تھاں آون والے مسلماناں لئی میقات ٹھہری۔ ایس تھاں تے اک بڑی خوبصورت مسجد اے جنہوں مسجد عائشہ آکھدے نیں۔ اج سارے مسلمان بکے پہنچ کے دوبارہ عمرہ کرن لئی مسجد عائشہ توں احرام بندھدے نیں۔ مسجد دے قریب ای عورتاں تے مرداں لئی الگ الگ غسل خانے بیت الخلاء تے وضو خانے بنے ہوئے نیں۔ اسیں نہا کے تے احرام بدھا۔ عمرے دی نیت کیتی نوافل ادا کیتے۔ میں حسب عادت دو نفل حضرت عائشہ صدیقہؓ نوں پیش کیتے (میری عادت اے جس تھاں وی جاواں دو نفل اوس ہستی نوں ضرور نذرانہ پیش کرناں جیہدی یاد دہج اوہ یادگار مسجد بنی اے) نوافل توں فارغ ہو کے اوتھے ای چائے وغیرہ پیتی تے فیر ڈبل ڈیکر دی اتلی چھت تے بہہ کے واپس آ گئے۔ حرم پاک آئے عمرہ کیتا ٹنڈ کروا کے تے احرام کھول دتا۔ ایہ پہلا عمرہ سی جیہدا مسجد عائشہ توں کیتا گیا۔ ایس توں پہلے اک عمرہ آوندیاں ای کیتا سی جیہدا احرام لاہور ایئر پورٹ توں بندھ کے آئے ساں تے اک عمرہ مدینہ پاک توں واپسی تے کیتا سی جیہدا احرام میقات مدینہ توں بندھیا سی۔

اج اللہ تعالیٰ دی رحمت اپنے پورے جوش و جی سی۔ شام دی نماز پڑھن لگے ساں جے بدل بکھاتے چمکنا شروع ہو گئے انج لگدا سی ہنے بارش شروع ہوئی کہ ہوئی۔ میرے اندروں دعا نکلی ”یا اللہ نماز پڑھ لین دے فیر اسیں اندر جاسکاں گے مڑ بارش برساوین“ ایہ تے اوہ تھاں اے جتھے اودھروں دعا بلھاں چوں نکلی اے تے اودھر قبول ہو جاندی اے۔ اسیں نماز پڑھ کے فارغ ہوئے میں بیگم دا ہتھ پھڑیا تے اندر ول ودھنا شروع کردتا۔ لوک باہر نکل رہے سن ایس لئی ساڈی اندر جان دی رفتار بڑنی ست سی۔ بدل انج ای گج رہے سن۔ بجلی چمک رہی سی۔ اسیں ہولی ہولی اندر ول ودھدے گئے تے حطیم نال جا گئے۔ ہور لوک وی حطیم نال لگ کے کھڑے سن۔ ساڈا اوتھے پہنچنا سی جے بوند اوندی شروع ہو گئی۔ میں بیگم نوں دھکیاں توں

بچان واسطے اپنے گلے پاسے کر کے تے حصار وچ لے لیا۔ ہلکی ہلکی بارش ہو رہی سی۔ میزاب
رحمت چوں اک پتلی جیسی دھار وگنا شروع ہو گئی۔ کچے دے راکھے کسے نوں حلیم وچ داخل
ہون دی اجازت نہیں سن دے رہے۔ لوک بڑے پر جوش سن۔ لوک جہاں حلیم وچ داخل
ہون لئی بے قرار سن اوہ اوئی ای سختی کر رہے سن۔ انت اک راکھے نے اعلان کیا کہ اگے
موت اے جے اسیں حلیم دا دروازہ کھول دتاتے اتھے وی منی والا حال ہووے گا۔ اوہدی گل
سچ ای لگدی سی۔ ہر بندہ میزاب رحمت تھلے پھین لئی بے قراری۔

میں دیکھیا اک نوجوان عورت بہت رو رہی اے تے دھکے کھا رہی اے۔ اوہ کلی سی تے
اوہوں حلیم نال کتے تھاں نہیں مل رہی سی۔ پتا نہیں اوہ کس ملک دی سی اوہدی زبان وی سمجھ
وچ نہیں آرہی سی۔ میری نظریں تے میں اوہوں ہانہوں پھڑکے اپنے کول کھچ لیا تے بیگم نال
کھڑا کر کے حصار وچ لے لیا تے کہیا لے بھین ہن رنج کے روئے ”اوہ واقعی ڈھائیں مار مار
کے گز گڑا کے رب اگے رو رہی سی تے دعاواں کر رہی سی۔ اوس شام تے عجیب پر سرور تے
پرسوز سماں سی تے رحمت باری گنہگار اں دے گناہواں نوں ملل دھورہ سی حتیٰ کہ نماز عشاء دی
اذان دا وقت ہو گیا۔ عشاء دی اذان شروع ہوئی تے نال ای بارش رک گئی۔ اسیں حلیم توں
پچھے ہٹے تے گن وچ جانماز بچھا دتی۔ عشاء دی نماز توں فارغ ہو کے گھر آ گئے۔


گھر آ کے حسب معمول کھانے توں بعد اک تھاں اکٹھے ہو گئے۔ میں ساتھیاں توں پچھیا ”
سناؤ بارش کتھے برسائی اے؟“ باجی منزہ کہن لگی ”اسیں تے سارے ای درمیانی چھت تے
ساں تے اتھے ای بارش ہون دا منظر دیکھدے رہے آں“ میں کہیا ”لہذا مطلب اے
تسیں بارش وچ بچے نہیں“ اوس ”نہیں“ وچ جواب دتا۔ مائی رشیداں کہن لگی میں گن وچ
ساں جدوں بارش شروع ہوئی تے میں دوڑ کے برآمدے وچ چلی گئی ساں تاکہ کچھ نہ
جاواں۔ ایہ تے اپنے اپنے مقدروں کی گل اے کچھ اندروں دوڑ کے بچن لئی باہر آئے تے کچھ
باہروں بارش توں بچن لئی اندر چلے گئے۔ کل دا پروگرام ہن لگ پیا۔ میں جبل نور تے جان لئی

بے قرار ساں پر دو بے ساختھی پروگرام نہ بنا سکے۔ میں تے بیگم نے پروگرام بنالیا۔ نماز فجر توں بعد نہادھو کے سفید لباس پہنیا۔ آخر محبوب خدا دی عبادت گاہ ویکھن داشوق سی۔ اک بوتل آب زم زم ٹال بھری۔ ٹیکسی سٹینڈ تے آئے۔ ٹیکسی کرائی تے جبل نور اپڑ گئے۔ پہلے باقاعدہ سڑک بنی ہوئی اے پر چڑھائی بدستور اے۔ کچھ گڈیاں والے جتھوں تک جا سکدے سن چلے گئے سن۔ ساڈے کولوں اک کار لٹھی جیہدے وچ اک خاندان سواری۔ چڑھائی چڑھدیاں اوہدی بس ہو گئی۔ اوہنے ساریاں نوں تھلے اتاریا تے خالی گڈی نوں زور لوا کے اپر چلا گیا۔ پارک کرن لکھیاں فیرنگ ہور ہیا سی۔ مینوں اپنی موٹر سائیکل یاد آ گئی۔ میں چڑھائی چڑھن لکھیاں کھیلی سواری عموماً اتار دیناں۔ بعض دفعہ آپ وی اتر کے زور لگوائی دا اے۔ میں ہس کے کہیا ”پتاسی ایہو جیہی اے تے لہو تھلے ای پارک کر دیندے۔“



جبل نور تے چڑھائی دا اک منظر

اگے گئے تے بڑا عجیب منطری۔ لوک پہاڑ تے چڑھ رہے سن تے دور چوٹی تک نظر ماریاں
 انج لگدا سی جیویں پہاڑ نوں بندے ای بندے جتھڑے ہون۔ اسیں وی الصلوٰۃ والسلام علیک
 یا رسول اللہ وسلم علیک یا حبیب اللہ دے نعرے مار دے پتھراں نوں جتھڑ گئے۔ جتھے تھک
 جاندے بہہ جاندے۔ دو گھٹ پانی پیندے تے تازہ دم ہو کے فیر چل پیندے۔ لوک مختلف
 نعرے مار دے چڑھائی چڑھ رہے سن۔ کدھرے اللہ اکبر دا نعرہ وجداتے کدھرے الصلوٰۃ
 والسلام علیک یا رسول اللہ وی آواز آؤندی۔ کسے پاسیوں ”صلوٰۃ ہو“ وی آواز آؤندی تے
 جواب وچ لوک درود پاک پڑھدے۔ کوئی آکھدا ”حاجو سلام پڑھدے چلے چلو۔ فاصلہ
 آسان ہو جائے گا۔“ انج ای جذبیاں نال چڑھائی چڑھی جارہی سی تے سفر دا پتا وی نہیں سی
 چل رہیا۔ توڑ چوٹی تے جا کے کجھ لوک نفل پڑھ رہے سن۔ انج لگا جیویں منزل آگئی اے۔ پر
 نہیں ایہ تے اک پڑاؤ سی۔ اگے اترائی شروع ہو گئی۔ فیر اک پتلی جیہی دراڑ آئی جنہوں دیکھ
 کے لگدا سی کہ ایہتھوں بندہ نکلے نہیں سکدا۔ دراڑ تک جاندیاں خاصا رش ہو گیا تے قافلہ رک جھیا
 گیا سی۔ قطار بنا کے دراڑ چوں گزر رہے سن۔ اوس پتلی دراڑ توں بندے وانگھنا بظاہر اوکھا



گدا اے پر اوتھوں تے موٹے توں موٹا بندہ وی گذر رہیا سی تے پتلے توں پتلا وی پاسے
 پرنے ہو کے لنگھ اسی۔ بیگم نے اک داری میرے دل ویکھیا تے میں کہیا چلی چل میں لنگھ
 آواں گا۔ غار دے کول بڈارش سی۔ ایرانی قافلہ بیٹھا ویٹہ یو بنوارہیا سی اوہناں وی وجہ توں
 بہت رش ہو گیا۔ اوہ بٹے تے لوک اکو داری غار ول ودھے جیہڑا اندر چلا جاوے اوہ باہر نہ آ
 سکے۔ باہر والے اندر نہ جاسکن۔ عجیب افراتفری مچ گئی یو ہے اگے جا کے واپسی کرنی پئی پر
 واپسی وی کتھے ہو سکدی سی۔

ساڈے پنجابی منڈیاں وی ایہ عجیب عادت ویکھی اے جتھے مشکل ویلا آؤندا اے فوراً ہراک
 دی مدد توں تیار ہو جاندا ہے نیں۔ ایہ افراتفری ویکھ کے کپٹن چاڑ منڈے غار دے اتے چڑھ کے
 بیٹھ گئے تے ہر محورت مرد جوان تے بڈھے نوں بانہوں پھڑ کے اتانہ کھج لیندا ہے تے اوہ
 دوسری طرفوں ہوندے ہوئے واپسی دی راہ لیندا ہے۔ میں وی بیگم نوں کہیا اوپر چل۔ اوہ کہن
 لگی میرا نہ تے کتے جتھ پے رہیا اے تے نہ ہر تک رہیا اے۔ اک منڈے نے اتوں تولیہ لکا
 دتا اوہ کہن لگا ”بھین توں تولیہ ای پھڑنے“ اسیں آپے ای کھج لواں گے۔ ایس طرح اوہ اوپر
 پہنچی مگر مگر میں وی اوپر آ گیا۔ غار اوپر اک پتھر تے کھلو کے لٹل ادا کیجے تے واپسی شروع کر
 دتی۔ چڑھائی چڑھایاں جیہڑا سفر جذبیاں نال نبر گیا سی۔ واپسی تے سمجھ آ گئی کہ واقعی اسیں
 بہت اونچائی تے گئے ہوئے ساں۔ شاید ایہ مکہ وی سب توں اچھی چوٹی اے۔ پانی وی ختم ہو
 چکا سی۔ تھلے اک ہوٹل والے نے قالین وچھائے ہوئے سن۔ کچھے چل رہے سن۔ استھے
 آ کے حاجی جھٹ ساہ لیندا ہے تے مشروبات پیندا ہے۔ اسیں وی استھے آ کے ٹھنڈا پیتا تے کچھ
 سکون ہویا۔ پہاڑ دے اوپر تے پانی ڈگنی قیمت تے وک رہیا سی تے پیاس دے مارے لوک
 لے وی رہے سن۔ اک ہوو عجیب چیز ویکھی کہ جتھے بندے بڑی مشکل نال چڑھ رہے سن اوں
 پہاڑ تے اک بندہ اوٹھ لے گیا سی۔ اوٹھ دے نال کھلار کے دس دس ریاں وچ تصویر بنا رہیا
 سی۔ پتا نہیں اوہ ایس صحرائی جانوروں پہاڑ نے کیوں لے گیا۔ کچھ بندے حیرانگی نال اک

دو بے نون پکھر رہے سن ایہ اوٹھاتھے کیوں آیا ہووے گا؟۔ میں کہیا ”میںوں پتا اے کیوں آیا اے“۔ اک بند آنکھن لگا ”دس کیوں آیا اے“۔ میں کہیا ”جدوں ایہ پیدا ہو یا سی او دوں بچہ سی جنہوں ”ٹوڈا“ آ کھدے نیں۔ مالک لہوں چک کے پر لے آیا تے فیر اتھے ای ایہ اوٹھ بن گیا“۔ ظہر دی نماز حرم پاک وچ آ کے پڑھی۔

انج ۱۶۔ اپریل اے۔ رات پروگرام بنیا کہ حرم پاک بزارش ہندا اے کیوں نہ تن و بے کعبہ شریف پہنچیا جائے۔ ہوسکدا اے رش گھٹ ہووے۔ تن و بے اوٹھ کے سڑک تے آئے تے لوک دھڑا دھڑا حرم پاک ول ودھر رہے سن۔ حرم پاک اپڑے تے طواف کرن والیاں دا بہت رش سی۔ اسیں وی اوس رش وچ شامل ہو گئے۔ صبح دی اذان توں پہلے پہلے طواف توں فارغ ہو گئے۔ نماز فجر ادا کر کے گھر آ گئے۔ اسیں مختلف وقتاں وچ حرم پاک آ کے دیکھیا اے پر طواف کرن والیاں وارش کدے وی نہیں گھٹیا۔ اسیں سوچدے ساں جج توں بعد دھڑا دھڑا قافلے چلے جان گے تے رش بہت گھٹ رہ جاوے گا۔ قافلے تے واقعی دھڑا دھڑا چلے گئے نیں۔ مقامی لوک وی رخصت ہو گئے نیں۔ باہروں آون والے حاجی وی کجھ اپنے اپنے مکاں نوں چلے گئے نیں تے کجھ مدینہ پاک ول۔ روزای دھڑا دھڑا قافلے جارہے نیں پر رش او س طرح ای نظر آؤندا اے۔ کجھ دے دوالے اٹھے پھر طواف کرن والیاں وارش رہندا اے۔ ہاں اک ہور مخلوق وی ہمیشہ طواف کردی نظر آئی اے۔ کدے تعداد وچ گھٹ تے کدے زیادہ۔ مگر دن رات طواف کردی وی ضرور اے تے اوہ مخلوق اے کجھ وی رکھوالی کرن والی۔ جیدے ہارے قرآن پاک وچ وارسل علیہم طائراً ابابیل آیا اے۔ یعنی ابابیل ہاں ہمیشہ طواف کردیاں دسیاں نیں۔ کجھ جانور اتھے نظر نہیں آئے۔ نہ مکہ وچ تے نہ مدینہ منورہ وچ مثلاً کتا، کتا، کھی تے کیڑی وی بہت گھٹ نظر آئی اے۔ البتہ بلیاں وی بہتات اے۔ ایتھوں دی بلیاں بڑی تیز دارتے سمجھ والی لگی اے۔ بلاؤ تے کول آ جاندی اے۔ تسیں اوہنوں پیار کر و کنڈ ہتھ پھیرو۔ اوہ بیٹھی رہوے گی۔ تھوڑی دیر بعد آپے اٹھ کے

چلی جائے گی۔ کڑی ٹاپ ٹی بہت نظر آئی اے۔ جیہڑی رات نوں چائن تے آؤندی اے
 پر گھراں وچ گھٹ ای آؤندی اے۔ حرم پاک وچ بہت زیادہ ہوندی اے۔ مدینہ پاک نوں
 جامدیاں راہ وچ جیہڑیاں مسجد ایں آئیاں نیں اوتھے وی ایس ٹی دی بہتات ای دی۔ البتہ
 ہوٹل دے کھان پین والے ہال وچ نہیں سی۔ ہو سکدا اے اوتھے لوک گھراں وچ کے
 دوائی دا استعمال کردے ہوں جیہڑی وجہ توں ایہ ٹی گھراں وچ نہیں ہوندی۔

اج اپریل دی 17 تاریخ تے جمعہ المبارک دا دن اے۔ رات ای اساں پروگرام بنایا سی کہ
 صبح جبل ٹور جانا اے۔ اسیں سارا گروپ تیار ہو کے گھروں نکلے ساں۔ صبح دی نماز پڑھ کے
 حرم پاک دے باہر متھی ہوئی تھاں تے کٹھے ہو گئے۔ اسیں کل ہاراں افراد ساں صرف مائی دلبر
 جان ساڈے نال نہیں سی۔ ایہ مائی خورشید صاحب دی والدہ اے تے اک لت توں معذور
 اے۔ اساں اک ویگن کرائے تے لئی تے جبل ٹور پہنچ گئے۔ عام مشہوری کہ جبل ٹور دے
 اتے جان دی اجازت نہیں پر جدوں اسیں اتھے آئے تے لوک اتے جارہے سن۔ اسیں وی
 اتے جان واسطے تیار ہو گئے۔ پر بوہتے ساتھی ہمت ہار گئے۔ صرف میں بیگم صاحبہ طاہر
 صاحب تے خورشید صاحب جان واسطے تیار ہوئے۔ میری بیگم ایس معاملے وچ بڑی باہمت
 عورت اے اوہ ایہو جیہے موقعیاں تے نہ صرف اگے اگے رہندی اے سگوں مینوں وی ہانہوں
 پھڑکے کھی لجاندی اے۔ میری اک لت ایکسڈنٹ ہون دی وجہ توں کنزور اے تے اوہنوں
 ایس گل دا احساس اے۔ پہاڑ چڑھدیاں خاص کر اوہ میٹھوں اگے اگے ہوندی اے تے
 مینوں وی کھی لجاندی اے جتھے تھک جائے بہہ کے ساء لے لینے آں تے پانی پی لینے آں۔
 اسیں انج ای قدم قدم چڑھدے گئے۔ جدوں اسیں جبل ٹور تے گئے ساں تے میرا خیال سی
 کہ ایہ پہاڑ کے واسطے توں اچا پہاڑ اے پر جدوں جبل ٹور تے آئے تے ایہ خیال بدلنا
 پیا۔ جبل ٹور دی چڑھائی ساڈے تن میل دے قریب اے۔ اسیں میدانی علاقیاں دے لوک
 پہاڑاں دی اونچائی دا اندازہ کیوں کر سکے ہاں بس جیہڑے پہاڑ تے چڑھدیاں بوہتے تھکے

اوہ بوہتا اچا اے۔ پر جیل ٹور سچ سچ بہت اچا پہاڑا اے۔ پر لوک دیوانیاں ہار ایہدے اتے ساہ
 درولدے چڑھے جارہے سن۔ ہر بندہ دو بے نوں حوصلہ دے رہیا سی تے اتوں واپس آون
 والے کہہ رہے سن بس تھوڑی دورا اے۔ اپڑای گئے او۔ ایہ لفظ اوہناں لوکاں نوں کہے جارہے
 سن جیہڑے حالے اوہ وچ دی نہیں سن اپڑے۔ اسیں وی تھلیوں لے کے اُپر تک ایہ ای سن
 دے گئے ”بس تھوڑی ای دورا اے“۔ نعرہ بکیر اللہ اکبر یا رسول اللہ الصلوٰۃ والسلام علیک یا
 رسول اللہ دیاں آوازاں گونج رہیاں سن۔ انج لگدا کہ اوہ سامنے چوٹی اے پر اوس چوٹی تے
 پہنچدیاں اگے ہور چوٹی نظر آؤندی۔ انج ای کھمدے گھماندے رستیاں تے چلدے بہت
 دور جا کے منزل آئی پر لوکاں دا جذبہ سیکھن والا سی۔ بڑھے بڑھے مخیف تے بڑا لوک وی
 چڑھے رہے سن۔ بچم شیم تے موٹے جسم والے وی لمیاں لمیاں ساہواں لیندے اٹھدے
 بہندے چڑھے جارہے سن۔ ٹیل اک بندے نوں دیکھیا اوہدی بھئی ت بری طرح زخمی سی تے
 اوہ سوٹے دے سہارے چل رہیا سی پر قدم قدم اوپر چڑھی جارہیا سی۔ کوئی غیر مسلم جے
 مسلماناں دے ایس جوش تے جذبے نوں دیکھے تے حیران رہ جائے کہ ایہ لوک اتے کیہ لین



جار ہے نہیں۔

اتے جا کے اوہ غار آئی جہدے وچ سرکار دو عالم ﷺ یار غار حضرت ابو بکر صدیقؓ نال تن دن رہے سن۔ ایس غار دے دو بے پاسے اک ہور چھوٹی جیہی غار اے۔ جہدے بارے وچ مشہور اے کہ حضور ﷺ نوں ایس غار وچ بٹھا کے حضرت ابو بکر صدیقؓ غار ثوروی صفائی کرن اندر گئے سن۔ اوس چھوٹی غار دے دو بے پاسے وی رستہ اے۔

زائرین پہلے اوس تک غار وچوں گذر رہے سن۔ لوک خود بخود قطار بنا لیندے تے واری واری لنگھدے جاندے۔ ایس وی قطار وچ لگ گئے۔ حسب معمول بیگم صاحبہ اگے سن میں پچھے پچھے بیٹھ کے رستے وچ داخل ہوئے اگے کھڑے ہون دی گنجائش نہیں سی۔ اوس توں اگے اک تک سوراخ سی۔ بیگم تے اوتھوں لگھ گئی میں اگے گیا تے میری سمجھ وچ نہ آوے کہ لنگھنا کیویں



جہر اندہ واوہ کھوہ جہدے وچ حضور ﷺ نے اپنا العابد دہن مبارک پایا
تے کھوہ دا پانی مٹھاتے گھنا ہو گیا۔

وے۔ میں سراگے کیٹا تے محسوس ہویا کہ میں پھس جاواں گا۔ میں فیر پچھانہہ پر تیا پچھے کھڑے بندے نوں پچھیا کیویں لنگھاں اوہ کہن لگا پھراگے کرو جیویں سوویں دا اے انج لے پے کے لنگھو۔ میں پھراگے کر کے لیٹ گیا تے لیٹے لیٹے اوہ رستہ عبور کیٹا فیر اسیں اوس غار وچ آگے جتے سردار انبیاء شہنشاہ دو عالم سرور کونین ماہ مبین ختم الرسل ﷺ یار غار حضرت ابو بکر صدیقؓ تن دن رہے۔ لیہد امونہہ وی ایٹاں چھوٹا اے کہ بیٹھ کے اندر جانا پیندا اے۔ اسیں احتراماً جتیاں اتار لیاں کیوں جو ایہ اوہ تھاں اے جتے میرے آقا محمد ﷺ دے قدم مبارک لگے سن۔ اندر داخل ہوئے ایہ غار اندروں کچھ کھلا اے۔ کچھ لوک اندر نوافل وی ادا کر رہے سن۔ پر پچھے آون والیاں دارش ویکھ کے اوہناں دا احساس کردیاں اسیں صرف زیارت تے اکتفا کیٹا تے نقل باہر آ کے پڑھے۔ غار دے اندر داخل ہو کے دوسرے رستے باہر آئے۔ میں غار وچ اوہ سوراخ تلاش کردار رہیا جہاں وچ اوہ سب سی پر مینوں کھڑاں کتے نظر نہ آئیاں۔ البتہ کچھ تریڑاں جہاں دسیاں۔ واٹسی اتردیاں میرا اک پھر ڈرائیڈاپے گیا جھدی وجہ توں میری کبھی لت وچ درد شروع ہو گئی۔ اسیں واپس آئے تے ساڈے ساتھیاں چوں اوہ کو جا چکے سن۔ باقی ساتھیاں نوں نال لیا تے گھر آگے۔ کھانے وغیرہ توں فارغ ہو کے نماز جمعہ ادا کیتی۔ اج وی بٹانوں گن حرم وچ تھاں لہمی تے کڑکدی دھپ وچ نماز ادا کیتی۔

میں جدوں دوبارہ عمرہ کرن گیا تے میں حاجی مراد نال ایہ گل کیتی کہ غار وچ کھڑاں بند کرن داتے سوچیا وی نہیں جاسکدا پر مینوں اوہ کھڑاں نظر نہیں آئیاں۔ اوہ سب حضرت موسیٰؑ دے دور توں رہ رہیا سی خاصاً موٹا ہووے گا۔ حاجی مراد صاحب نے دسیا کہ ”اتھے جیڑے سب پائے جاندے نیں اوہ دھاگے وانگوں پتے بندے نیں“ البتہ اوہناں وی لہبائی دو ڈھائی گز ہندی اے۔

میرا دل مدینہ پاک جان لئی تڑپ رہیا سی۔ دل کروا کہ اک واری فیر حاضری دے آہاں پر

کوئی چار نہیں چل رہی سی۔ میں معلم دے دفتر گیا اوہناں نوں کہیا میں اپنے خرچ تے اک واری مدینہ پاک حاضری دے آواں؟۔ تیں اجازت دے دیو۔ اوہ کہن لگے ساڈا اک شیڈول ہوندا اے۔ تیں مدینہ پاک چوں ہو آئے اوہن نہیں جاسکدے۔ اپنے خرچ تے وی نہیں جاسکدے البتہ اپنے طور تے جدہ جاسکدے او۔ میں کہیا صبح چلا جاواں گاتے شام واپسی کرلاں گا۔ صرف اپنی دیر لئی اجازت دے دیو۔ پر اوہ نہ منے۔ اوہناں دی مرضی توں بغیر تے کتے نہیں جاسکدے کیوں جو پاسپورٹ معلم کول ہندا اے۔ ہن میرا معمول سی کہ جدوں دل بوہتا داس ہوندا میں سڑک تے آجاندا۔ اوہناں ٹیکسیاں نوں حسرت نال دیکھدا رہندا جہاں دے ڈرائیور اتھے کھڑے ”مدینہ مدینہ“ دی آواز لا رہے ہوندے۔ بساں والے اڈے صبح چلا جاندا تے مدینہ جان والیاں بساں نوں دیکھدا رہندا۔ حرم پاک پٹھیاں اکثر میرے اندروں دعا نکلدی ”سرکار اک واری بلا لو“ پر اسیں تے معلماں دے پابند ساں۔ ہن تے دن اک روٹین صبح گزر رہے سن۔ صبح اٹھنا حرم پاک جانا نماز پڑھنی آکے سوں رہنا ظہر ویلے فیر چلے جانا تے عشاء دی نماز تک حرم پاک وچ رہنا۔ طواف کرنے بس ایہو کجھ سی۔

اج اپریل دی ویہہ تاریخ اے۔ اسیں رات ای پروگرام بنالیا سی کہ صبح جبل رحمت تے جاواں گے۔ نماز فجر توں بعد متھی ہوئی تھاں تے کٹھے ہو گئے۔ اج اسیں دس ساتھی ساں تن عورتاں نہیں سن آئیاں۔ اک ویگن کرائے تے لئی اوہدے نال آون جاون دامتھیا تے چل پئے۔ جبل رحمت تے ساتھوں پہلے اک قافلہ پہنچ چکیا سی۔ ایہ اوہ چھوٹی جیہی پہاڑی اے جیہدے اتے کھڑے ہو کے حضور ﷺ نے حجتہ الوداع دا خطبہ فرمایا سی۔ ایہدی چڑھائی زیادہ نہیں اے۔ اسیں اتے گئے۔ دعا منگی۔ حضور ﷺ دی خدمت وچ سلام پیش کیتا تے واپسی ہو گئی۔

جیویں میں پہلے وی عرض کر چکیاں کہ عرباں نے اپنا ورثہ گوالیا اے۔ اپنی تاریخ ضائع کر دتی

اے۔ آون والی نسل نوں کجھ دین دی بجائے بہت کجھ کھوہ لیا اے۔ لہدی وجہ کجھ وی ہو سکدی اے۔ ویسے ایہ کم حکومت کردی اے۔ جیویں ساڈے کول پاکستان وچ آثار قدیمہ نوں سنبھالنے لئی باقاعدہ محکمہ اوقاف اے جیہدا کم صرف ورثہ سنبھالنا اے۔ ایس محکمے نے نہ صرف تاریخی عمارتاں تے مسجدیں دی حفاظت کیتی اے سکوں درباراں تے مزاراں نوں وی سنبھالیا ہویا اے۔ نوادرات دی حفاظت وی کیتی ہوئی اے۔ عرباں کول تے کجھ وی نہیں رہیا۔ جے کجھ ہے وی اے تے کسے نوں دین نوں تیار نہیں ہیکے۔ میں اک ٹیکسی ڈرائیور نوں کہیا کہ حدیبیہ تے مقام تے لے چل جتھے صلح حدیبیہ ہوئی سی پراوہ صاف ای مکر گیا تے ”واللہ عالم معافی“ کہہ کے جان چھڈا گیا۔ میں حضرت ابو بکر صدیق ”دے مکان دنی بھال شروع کیتی۔ کتاباں وچ لکھیا ہویا اے کہ ایہ مکان مسئلہ وچ اے تے ہن اتھے مسجد بنادی گئی اے۔ جیہدے وچ دو پتھر موجود نیں۔ اک پتھر اوہ اے جیہدا حضور ﷺ مال ہم کلام ہو یا سی تے دو جا پتھر اوہ اے جنہوں آپ نے بطور تکیہ استعمال کیتا سی۔ بڑی بھال کیتی پراہیہ مسجد نہ ملی۔ آخر اک بندے نے دسیا کہ حرم پاک دے قریب جیہڑی وڈی بلڈنگ اے جیہدا مال شرکتہ المکہ اے ایہ بلڈنگ اوس مسجد دی تھاں تے دے تے اوہ مسجد ڈھاہ کے ایہ بلڈنگ تعمیر ہوئی اے۔ ایس بلڈنگ دے اگلے پاسے جیہڑی مسجد اے اوہ نوں مسجد امیر حمزہ آکھدے نیں میں اوہناں دو پتھراں بارے پچھیا پر کوئی پتا نہ چلیا۔ پتا نہیں اوہ کھسے گئے نیں۔

اک دن غیر میں حضرت خدیجۃ الکبریٰ دے گھر دی تلاش شروع کیتی۔ کجھ کتاباں توں مدد لی کجھ لوکاں کولوں پچھیا انت میں اوس تھاں تے پہنچ گیا جتھے حضور ﷺ ہجرت تک رہے نیں۔ محلہ قعیشیاں ول جتھے سنیا ریاں دیاں دکاناں نیں ایہتھوں اک گلی کجے پاسے گھمدی اے۔ ایس گلی وچ اوہ مکان دسیا جاند اے۔ پر خصوصی طور تے اوہدی نشان دہی نہ ہو سکی۔ اتھے کجھ پرانے مکاناں دے آثار نظر آئے جیہڑے اجکل نویں منصوبیاں دی نذر ہو رہے سن شاید ایہناں وچوں ای کوئی ہووے۔

جبل ابوقبیس وی حرم دے نال ای اے۔ روایت اے کہ ایہ سب توں پہلا پہاڑ اے جیہڑا زمین تے ظاہر ہو یا۔ ایس پہاڑ اتے وی اک مسجد دی دس پائی جاندی اے۔ جنہوں مسجد ہلال یا مسجد ہلال آکھ دے سن۔ ایہدے بارے دور روایتاں مشہور نیں۔ اک تے ایہ کہ ایس تھاں تے حضور ﷺ نے کھڑے ہو کے چن نوں دو ٹکڑے فرمایا سی۔ ایس معجزے دی نسبت نال ایس مسجد داتاں مسجد ہلال رکھیا گیا۔ دو جا ایس تھاں تے کھڑے ہو کے چن ویکھیا جاند اسی۔ تیسری روایت ایہ وی اے کہ فتح مکہ دے ویلے جبل ابوقبیس تے ایس تھاں تے کھڑے ہو کے حضرت ہلال نے اذان آکھی سی۔ اوس تھاں یادگار دے طور تے مسجد بنادی گئی ایس لئی ایس نوں مسجد ہلال آکھیا جاند اسی پر ایہ روایت ایس لئی معتبر نہیں لگدی کہ حضرت ہلال داکعبہ شریف دی چھت تے چڑھ کے اذان دین دیاں روایتاں وی ملدیاں نیں۔ ایہ مسجد گرا کے تے شاہی محلات تعمیر کردتے گئے نیں تے پہاڑ تے جانا ممنوع اے۔ اسیں تے اج تک ایہ ای سن دے آئے ساں کہ مسجد والی تھاں تے مسجد ای بنائی جاسکدی اے پر اتھے آکے ویکھیا اے کہ مسجد گرا کے بلڈنگاں تے محل تعمیر ہوئے نیں۔



مجلس اہل تشیع

اج اپریل دی 25 تاریخ اے۔ رات پروگرام بنیا کہ سویرے عمرہ کبیر (وڈا عمرہ) کیتا
 جاوے۔ صبح دی نماز توں فارغ ہو کے متھی ہوئی تھاں تے اکٹھے ہو گئے۔ اک ویگن کرائے تے
 حاصل کیتی تے مسجد ہراندہ ول روانہ ہو گئے۔ ایہ مسجد اوس تھاں تے اے جتھے اک کنواں ہنداسی۔
 اوس کنوئیں دا پانی کھار تے تھوڑا سی۔ آپ نے اپنا لعاب و ہن مبارک کھوہ وچ سٹیا جیہدی برکت
 نال کھوہ دا پانی مٹھاتے بہتا ہو گیا۔ ایس کھوہ دے آثار اج وی موجود نیں۔ ایس کھوہ تے ٹیوب
 ویل لگا دتا گیا اے تے دروازے نوں تالا لگا ہو یا سی۔ مسجد دیاں وضو کرن والیاں ٹوٹیاں وچ پانی
 مٹھاسی۔ مٹھے پانی دے کولروی رکھے ہوئے سن۔ ہوسکدا اے ایہ ایسے کھوہ دا پانی ہووے۔ ایس
 کھوہ دے کول کھلو کے دعا منگی۔ حضور ﷺ دے حضور سلام پیش کیتا۔ مسجد وچ نوافل ادا کیجے تے
 حرم پاک واپس آ گئے۔ عمرہ کیتا۔ شام نوں مکتب گئے تے معلم کولوں واپسی دا نامہ تے بس نمبر لیا۔
 اج اپریل دی 26 تاریخ اے۔ عورتاں آکھ دیاں نیں کہ واپسی قریب آ گئی پراسیں
 حجر اسودا بوسہ نہیں لے سکیاں رش دی وجہ توں قریب وی نہیں جاسکیاں۔ اج سانوں نال لے جا
 کے تے بوسہ دوا دیو۔ ساڈی ایہ خواہش وی پوری کر دیو فیہر خورے آؤنا مقدر وچ ہے یا نہیں۔
 ایس اوہناں نوں نال لے کے تے حرم پاک وچ آ گئے تے اک اک عورت نوں حصار وچ لے
 کے حجر اسود تک لے گئے تے بوسہ دوائے۔

منی دے خیمے دا اک منظر



جبل نور تے دوبارہ حاضری

لہدے وچ کوئی شک نہیں کہ اسیں جبل نور تے اپریک گئے ساں پر میری تسلی نہیں ہوئی سی۔ اک
 فکلی جی رہ گئی سی اک حسرت دل وچ چل رہی سی۔ ہن رش وی گھٹ گیا سی تے انج وی واپسی
 قریب آ گئی سی۔ رات میں کہا کہ میں تے سویرے جبل نور دوبارہ جانا اے ہے کوئی نال جان والا
 تے تیار ہو جائے۔ انج اسیں چار جتنے جان لئی تیار ہو گئے۔ میں (راقم) میری بیگم طاہر تے خورشید
 27 اپریل نوں نماز فجر توں بعد متھی ہوئی تھاں تے اکٹھے ہوئے۔ اک فیکسی لئی تے جبل نور پہنچ
 گئے۔ اج رش گھٹ سی کیوں جو بہت سارے حاجی واپس جا چکے سن تے کجھ مدینہ منورہ چلے گئے
 سن۔ حضور ﷺ دے حضور درود و سلام داند رانہ پیش کر کے تے پہاڑ تے چڑھنا شروع کیا۔ پہاڑ
 تے مختلف تھاواں تے بنیاں مشروبات دیاں دوکاناں بند ہو چکیاں سن۔ صرف درمیان وچ اک
 دوکان اے جیہڑی کھلی سی۔ تھلے والا ریستورنٹ وی بند ہو گیا سی جتھے کھلی دفعہ بہہ کے بوتلاں
 پیئدے رہے ساں۔ اسیں قدم قدم پر چڑھدے گئے۔ ساہ لیندے بہندے اٹھدے انت اپر پہنچ
 گئے۔ فیر اترائی شروع ہوئی تے اگے اوہ پتلی دراڑ آ گئی۔ میں بیگم نوں کہا اتھے جتیاں لاہ کے
 تے رکھ دیئے۔ ایس پتلی جیہڑی دراڑ چوں گز رویاں مقنا حضور ﷺ دے قدم مبارک اتھے لگے
 ہون گئے۔ اسیں جتیاں لاہ کے تے اوٹھے ای رکھ دتیاں دراڑ چوں گز رکے اگے اوہ خاص مقام

اے جتھے سرور کائنات ختم الرسل مولائے کل ﷺ اللہ دے حضور حاضر ہندے سن۔ ایسے مقام
تے نفل ادا کیجئے۔ اتھے بیٹھے تے سامنے اک چھوٹا چھوٹا سوراخ اے جیہدے وچوں سامنے کعبہ
شریف نظر آؤندا اے۔ کعبہ شریف قبلہ تے مدینہ پاک ہندیاں بنیاسی جدوں حضور ﷺ
مسجد قبلین وچ نماز پڑھا رہے سن تے رخ بدلن دا حکم آ گیا۔ پر حضور ﷺ تے شہنشاہ کل نہیں۔
آپ لوں تے ازل توں لے کے ابد تک ہون والی ہر گل دا علم سی۔ آپ ایسی تھاں تے بیٹھ کے
عبادت فرماؤندے سن۔ جتھوں بیت المقدس سامنے سی تے کعبہ وی سامنے سی۔

غار حرا وچ نفل ادا کر کے تے پتلی دراڑ چوں گزر کے اسیں باہر آ بیٹھے تے اوتھے بہہ
کے حضور ﷺ دے حضور دروداں دے گجرے تے سلاماں دے پھل پیش کیجئے تے ہنواں دا
چڑھاوا چڑھایا۔ اسیں کافی دیر اوتھے بیٹھے رہے۔ سچی گل تے ایہ دے کہ اوتھوں اٹھن توں دل نہیں
کر دا پر واپسی وی تے ضروری سی۔

ہر تھاں تے ہر قسم دے لوک آؤندے نیں۔ کجھ لوک تے عقیدتاں دا چڑھاوا
چڑھاؤن آؤندے نیں تے کجھ خورے دوجیاں دیاں شیواں چکن آؤندے نیں۔ حرم پاک وچ
جتھے لوک حج کرن جاندے نیں۔ جتھے بندے داڈائریکٹ اللہ تال رابطہ ہندا اے۔ جتھے کوئی مرد
نہیں کوئی عورت نہیں۔ بس بندہ اے تے رب اے۔ اوتھے وی جیب کترے ہندے نیں۔ کئی
لوکاں نوں میں آکھدیاں سنیاں کہ میری جیب کٹی گئی اے۔ اک بندے نے مینوں ایہ دسیا کہ منی
وچ جمرات نوں کنکریاں مار دیاں جتھے موت سامنے بچ رہی سی۔ میری جیب کٹی گئی اے۔ جبل نور
تے وئی اک ایہو جیہا واقعہ پیش آیا۔ اک حاجی صاحب جتی اتار کے دراڑ وچ داخل ہوئے۔ ادھی
دارڑ عبور کر کے تے پتا نہیں اوہنوں کیہ خیال آیا اوہنے اوہ شاہر جیہدے وچ جتی سی۔ اک پانی وی
بوٹل تے کجھ بسکٹ سن رکھ دتے کہ واپسی تے لے لواں گا۔ آپ اوہ غار حرا وچ نفل ادا کرن چلا
گیا۔ نفل ادا کر کے واپس آیا تے شاہر غائب سی۔ کوئی اللہ دا بندہ اوتھے وی اپنا کم دکھا گیا سی۔

.....☆☆.....

واپسی

اج اپریل دی 29 تاریخ اے رات نوں اسیں واپسی کرنی ایں۔ عشاء توں بعد معلم دے ڈیرے پہنچنا ایں جتھے بساں آؤنیاں نیں۔ اج تے رات ای بڑی بے قراری ج گزری اے۔ جیویں کسے پیارے دے وچھڑ جان دا غم ہووے۔ ڈیڑھ بجے اٹھ کے تے حرم پاک پہنچے طواف شروع ہویا۔ میں تن طواف کیجے تے لتاں جواب دے کھیاں۔ میں کچھ دیر کعبہ شریف دے سامنے بہہ کے تے اکھیاں سیکدار ہیا۔ اپنے چہ نوں تہجد دا وقت ہو گیا۔ نماز تہجد ادا کیتی۔ رش دن نالوں کافی گھٹ سی۔ ایس لئی حجر اسود دے کول ڈیوٹی تے موجود شرطہ وقفے وقفے نال بندیاں نوں کچھ ہٹا کے تے عورتاں نوں بوسہ لین دا موقع فراہم کر داسی۔ انج میری بیگم نے حجر اسود دے فیر بوسے لے لئے سن۔ نماز فجر توں بعد مدینہ ہوٹل توں ناشتا لیا تے گھر آ گئے۔ ناشتا کر کے تھوڑی دیر آرام کیتا پر دل نوں چین کتھے سی؟۔ میں فیر اٹھ کے تے سڑک تے آ گیا تے مدینہ پاک دے ن والیاں گڈیاں نوں سلام کردار ہیا۔ مدینے جان والیاں ہواواں نوں سلام پیش کیتا تے حرم پاک پہنچ گیا۔ کچھ وقت کعبے دے سامنے بہہ کے گزاریا تے واپس پرت آیا۔ میں چونکہ بیگم نوں دن توں بغیر ای چلا گیا ساں ایس لئی اوہ گھر میرا انتظار کر رہی سی۔ تھوڑی دیر بعد ای ظہر دا وقت ہو چلیا

سی تے اسیں فیر حرم پاک وچ آ گئے۔ ظہر توں بعد میں حطیم وچ جا کے بیٹھ گیا۔ مینوں میزاب
رحمت دے تھلے ای تھاں مل گئی۔ میں اللہ دے حضور دوبارہ حاضری دی گڑا گڑا کے دعا منگی۔ نماز
مغرب توں بعد طواف وداغ کیتا۔ عشاء پڑھ کے فیر اکواری حطیم وچ جا کے نوافل ادا کیجے۔
غلاف کعبہ نوں بوسہ دتا تے اکھاں وچ جدائی دے بنجھ لیکے واپس رہائش گاہ تے آ گئے۔ آؤندے
ہوئے کھانا حسب معمول مدینہ ہوٹل توں لے آئے ساں۔ اج تے کھانا وی سوا نہیں سی دے
رہیا۔ بس اک احساس سی کہ خورے فیر ایہ گلیاں ایہ بازار ایہ مناظر وی کھن نوں ملن یا نہ ملن۔
واپسی تے کرنی ای سی۔ طاہر صاحب نے آ کے دسیا کہ میں معلم دے ڈیرے توں ہو کے آیاں
بساں آچکیاں نیں۔ تیاری کرو۔

اسیں تیاری کیہ کرنی سی۔ سامان پہلے ای بندھ کے رکھیا ہو یا سی۔ چکیا تے ڈیرے تے
اڑ گئے۔ اک بس وچ صرف سامان ای لوڈ ہو رہیا سی۔ اندروں تے اتے وی۔ اسیں وی سامان
اوپرے وچ ٹھونس دتا تے آپ دو جی بس تے بیٹھ گئے۔ تھوڑی دیر بعد ایہ قافلہ جدہ ول روانہ ہو
گیا۔ میں اگلی سیٹ تے ڈرائیور دے قریب بیٹھا ساں ایس لئی ڈرائیور نے مینوں کہیا کہ ہر
بندے کوںوں خمسہ خمسہ ریال لے کے مینوں دیہوتے اپنے پاسپورٹ لے لو۔ میں اوہنوں کہیا
اوہ کاہدے؟ جے توں پیسے لے کے ای پاسپورٹ دینے نیں تے کول رکھائیں آپے معلم نال گل
کرلاں گے۔ اوہ فیر دو دوریاں تے مڑا اک ریال تے آ گیا۔ کہن لگا بخشیش دیہوتے نال
ای پاسپورٹ میرے حوالے کردتے کہ تقسیم کردیواں۔ میں ساریاں نوں پاسپورٹ تقسیم کردتے۔
جدہ ایئر پورٹ تے پہنچے تے پتا چلیا کہ سامان والی بس اوہ پچھے لائن وچ لگی ہوئی
اے۔ اوہ تھے ہر بندے دی کوشش ہندی اے کہ جامدی واری حاجیاں کوںوں جوہوسکد اے وصول
کرلو۔ سامان اتارن والے کہن لگے کہ پنج پنج ریال دیو فیر سامان اتاراں گے۔ اسیں وی سمجھ گئے
ساں کہ ایہ بس اپنی چلار ہے نیں۔ اسیں کہیا نہ اتارو آپے ہنئے معلم آؤندا اے تے اتار دیوے
گا۔ تھوڑی جی روکد توں بعد سامان اترنا شروع ہو گیا۔ اسیں جدہ ایئر پورٹ تے سامان رکھ کے

تے بیٹھ گئے۔ اگلے چوی گھنٹے ایئر پورٹ تے ای گزارنے سن۔ صبح دی نماز ایئر پورٹ دی مسجد وچ ادا کیتی۔ مکہ شریف توں چلدیاں کچھ پھل وغیرہ لے لئے سن۔ بلکہ کچھ کھانا وی کول ہے سی۔ اوہ ای صبح دانا شتا کیتا۔۔ ایئر پورٹ توں چاء لیا کے پیتی ظاہر اے کہ ایئر پورٹ تے ہر شے مہنگی ہندی اے پر عام ایئر پورٹ دی نسبت جج ٹرمینل سستا ہندا اے۔ دوپہر دا کھانا ایئر پورٹ دی کنٹین توں چاول لیا دے۔ جیہڑے مکہ دی نسبت دگنی قیمت تے ملے۔ عصر توں بعد سامان بک کران دی واری آئی۔ سامان بک کراؤندیاں بڑے بڑے مناظر ویکھن وچ آئے۔ حاجیاں بڑا سامان خریدیا سی۔ کوئی چیزاں کڈھ کے دستی بیگ وچ پارہیا اے۔ کوئی اوتھے منٹاں تر لے کر رہیا اے۔ ساڈے نال اک بندے نے کہیا کہ کچھ بیوہ عورتاں دا سامان اے۔ پر بک کرن والے ڈاڈے سن اوہ کہن لگا سارے انج ای آکھدے نیں۔ فالتو سامان دا کرایہ دیو۔ فیر منت ترلا کر کے اوہ بچد دے کے خلاصی کرائی۔ اک فوجی نے بڑا سامان خریدیا سی۔ پراوس اللہ دے بندے نے کرایہ دین لکیاں وی سی نہیں سی کیتی۔ جتاں اوہناں منگیا اوس دے دتا۔ کہن لگامیں اپنے شوق نوں لے کے چلیاں تے کرایہ کیوں نہ دیواں۔

30۔ اپریل دا سارا دن ایئر پورٹ تے گزریا تے رات بارہ بجے کتے جا کے جہاز تے بیٹھے۔ جہاز تے ٹٹھن توں پہلے سارے حاجیاں نوں قرآن پاک دا اک اک نسخہ تحفے دے طور تے عنایت کیتا گیا۔ سارا جہاز لوڈ ہندیاں ہندیاں اک وچ گیا۔ انج اسیں یکم مئی 1998ء نوں پاکستان ول فلائی کیتا۔

جج توں واپسی تے صبح دی نماز جہاز دے سفر دی نذر ہو گئی۔ لاہور ایئر پورٹ تے آئے سب ریڑھیاں تے مزدور قابض سن۔ اوہناں سوتوں لے کے ڈھائی سو تک ریڑھی بٹے سامان رکھن والیا۔ ایئر پورٹ توں باہر آئے تے اگے سارے عزیز واقارب استقبال لئی کھڑے سن۔ میرا چھوٹا بھرا بھابی 'نونہ' بھتیجے بیٹے پوتے سب ای موجود سن۔ اوہ اک ویگن کروا کے لیائے ہوئے سن۔ خوشی خوشی گھرنوں رواں لگی ہوئی۔ گھر دے بوہے اگے میریاں بھتیجیاں پھل لے کے

استقبال لٹی کھڑیاں سن جہاں خوشی نال گل پاشی کیتی۔ میرے بھرا دلدار حسین نے محفل میلاد تے
لنگر دا اہتمام کیتا ہو یا سی۔ میں ایہناں ساریاں دی محبتاں نوں کیویں بھل سکنا واں۔

بچی گل ایہ دے کہ پاکستان تے میں آ گیا ساں پرانج لگدا سی جیویں اپنی کوئی چیز
اوتے بھل آیا واں۔ اوتے کجھ جھٹ آیاں۔ کیہ جھٹ آیاں۔ بس اپنا آپ اوتے جھٹ آیاں خالی
جسم دا بھر لے کے آ گیاں روح دا پیچھی اوتے ای رہ گیا اے۔ پہلوں تے کدے خیال آؤندا
سی کہ میں دی حاضری دے آواں۔ بس اک سک سی۔ پرہن تڑپ سی ہر ویلے ہلھاں تے رہندا
آقا ﷺ اک داری تے فیر بلا لوو۔ جھیتی بلا لوو میرے آقا نے کرم فرمایا تے جنوری 1999ء
توں رمضان شریف دا آخری عشرہ مدینہ پاک گزارن دا موقعہ ملیا۔ عید سرکار دے قدموں دی
کیتی ایہ سرکار دا خاص کرم اے۔



عراق دا اک منظر جبل رحمت تے کھڑیاں

اے۔ لگدا اے ایہ سفر تساں واقعی سچے عشق دی لور وچ کیتا اے تے سفر نامے راہیں تسیں ایہدا فیض پڑھن والیاں تائیں وی پوری درد مندی نال اپڑا رہے او۔ دعا اے کہ اللہ سوہنا تھاڈے ایس مبارک سفر نوں قبول کرے۔ آمین ----- اپریل 2003ء

☆ - ڈاکٹر مہر الدین شاہد - لاہور

”ٹرپے نیں قافلے“ وجہ مدینے دا تذکرہ بڑا چنگ لکھا اے۔ اللہ تعالیٰ ہر اک نوں ایس
سعادت توں نوازے ----- مئی 2003ء

*****☆☆☆☆*****

☆ - مطلوبہ شاہین - بھوانہ

بھلا ہووے لکھاری دے ایڈیٹر دا بچہ اوہناں حجاز دی سرزمین ولے جاؤن آلے قافلے
دعج ساڈے ورگے کم نصیبیاں نوں وی شامل کیجا۔۔۔۔۔۔۔۔۔۔۔۔ مئی 2003ء

.....☆☆.....

☆ - کلیم شہزاد - پورے والا

"ٹرپے نیں قافلے" دی چوتھی لڑی نے اپنا اک وکھرا سواد دتا اے۔ تساں اکھراں وچ
جذبیاں دی مہک رچا جھڈی اے ----- جولائی 2003ء

☆ - حسن ملک - مصطفیٰ آباد قصور

مولانے کو یں بھاگ لائے نہیں۔ تسمیں سوہنے دا گھارو یکھ آئے۔ تہاڈی بھاگاں والی
 بیگم صاحبہ اپنے اسجد واسطے رومال حجر اسود توں لے کے ہر بخش جگہ نوں چھوا کے دعاواں ٹال
 پورے پروار لئی اجر کرم لیاں۔ اللہ اوہناں توں تہاڈے سنگی ساتھی دے طور تے تہاڈے
 پروفیسر پتراں دے سراں تے سوہنی چھاں وانگ قائم رکھے۔ ایہ اوہ انعامات نہیں جہناں بارے
 رب دا ارشاد اے۔ انعمت علیہم تے فبا ی الاء ربکما تکذبان۔۔ جولائی 2003ء

☆ - ارشد شاہد - ہڑپا ساہیوال

تھاڈا سفر نامہ پڑھ کے کئی دارا کھاں چوں اتھر دی آ گئے۔ ایس قسم دے دل نوں موہ

[illegible][illegible][illegible]

میں ”ٹرپے نہیں قافلے“ دیاں تقریباً ساریاں قسٹاں پڑھیاں ئیں۔ ایہد مطالعہ ہر
اوس مسلمان لئی ضروری اے جیہو امدینے جان دی سک رکھدا اے۔ ایہدے وجہ اپنے گھروں
لے کے دم واپس تک دی پوری قلبی واردات اے۔ ایہدے وجہ ساریاں زیارتاں تے اوہناں
تھاواں دے وجد آفریں مناظر نوں محفوظ کیتا گیا اے۔ ایس سفر نامے نوں جنی وار کوئی پڑھے گا
اونی وار تصور دیاں اکھاں تال دینے پاک تے کے پاک دے جلو یاں نوں ضرور روکھے گا۔

Marfat.com



جدہ ایئر پورٹ تے جہاز آؤن دیاں اڈیکاں



واپسی دا اک منظر (شاہین دلدار تے ساجد دلدار گل پاشی کر رہے نیں)



میاں اقبال زخمی ہوئیں پنجابی زبان دے چنگے شاعر
 سوجھوان تے نثر لکھاری نیں۔ اوہ 21 سالوں توں ماہوار
 رسالہ ”لکھاری“ کڈھ رہے نیں۔ حضور پاک ﷺ دی
 ڈونگھی محبت دا اوہناں دی طبیعت تے خاص اثر اے۔ ایسے
 لئی اوہ ”لکھاری“ دے پنج نعت نمبروی پیش کر چکے نیں۔
 اقبال زخمی ہو راں 1998ء وچ حج تے حریم شریفین
 دیاں زیارتاں کیتیاں تے بڑیاں انملیاں یاداں سمیٹ لیاں
 جہناں نوں ”ٹرپے نیں قافلے“ دے سرناویں تھلے رسالہ ”لکھاری“
 وچ قسط وار لکھدے رہے۔ قسطاں مکمل ہون دیاں ای ایہ سوہنا سفر نامہ
 ”ٹرپے نیں قافلے“ ساڈے سامنے اے۔

ایس سفر نامے وچ پیش آون والے واقعات تے کیفیتاں نوں بڑے سادے پر اثر بھرے
 انداز وچ بیان کیتا گیا اے۔ اوہناں دی بیگم اوہناں دے سنگ سن جہناں نال کیتے گئے مکالمے وی بیان
 دا حصہ بنے نیں تے کدھرے ”بیائے ہم نفس بنالیم“ (علامہ اقبال) ول دھیان لے جان دے نیں۔
 سیرت تے تاریخی آثار نوں ویکھن واچن دی سدھرتے ہر شے دارج کے مشاہدہ کرن دی
 عادت نال نال چلدی نظر آندی اے۔ سعودی راکیاں دے ہوڑن ہٹکن تے کئی سدھراں دے پوریاں
 نہ ہو سکن دی گل بات وی ہوئی اے۔

ادب ہر تھاویں سنگ نظر آوندا اے۔ شوق تے چاہر سرناویں توں لے کے سطر سطر تے حرف
 حرف وچوں پھٹ پھٹ پیدائے جیہڑ ایس سفر نامے نوں پہلیاں نثری سفر نامیاں وچ
 اے۔ حج پچھوں اقبال زخمی عمرے دا سفر دی کر چکے نیں۔ ایس لئی اوہناں دی نوں
 دی اڈیک اے۔

7937

648